




ԷԶՄԻԱՇԻՆ

1977
9



ԼՂ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

ՅուՆիս


1977



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ՀՈՒՍԱԴՐՈՂ ՀԵՌԱՆԿԱՐՆԵՐ

1977 թվականի մայիսի 22-29 օրերին Անթիլիասում, Մեծի Տանն Կիլիկիայի Կաթողիկոսական Աթոռում, տեղի ունեցան աթոռակից-կաթողիկոսի ընտրության, ձեռնադրության և օծման հանդիսությունները:

Այս առիթով Ս. Տ. Խորեն Ա կաթողիկոսը, Ամենայն Հայոց Ս. Տ. Վազգեն Ա կաթողիկոսին ուղղյալ Իր 23 հունվար թվակիր պաշտոնական գրությամբ, հրավեր էր ուղարկում Մայր Աթոռ, «որ Ամենայն Հայոց Կաթողիկոսութիւնը մասնակցի սույն ընտրութեան մէկ հոգևորական և մէկ աշխարհական պատգամաւորներով՝ համաձայն Կիլիկիոյ Կաթողիկոսութեան կանոնադրութեան 12-րդ յօդուածի տրամադրութեան»:

Ծանոթ են բոլորին 1956 թվականի փետրվարից սկսած սփյուռքում մեր ազգային-եկեղեցական երկփեղկումի և տագնապի պատմությունն ու նրա շարժառիթները:

Մայր Աթոռը այդ տագնապի պատճառով չմասնակցեց 1956 թվականի փետրվարին լուսահոգի Ս. Տ. Զարեհ Ա կաթողիկոսի և 1963 թվականի մայիսին՝ Ս. Տ. Խորեն Ա Մեծի Տանն Կիլիկիայի կաթողիկոսական ընտրություններին:

Բոլորիս ծանոթ են դարձյալ, թե 1956-1977 թվականների ընթացքում եկեղեցական այդ տագնապի և ներքին միասնականության խախտման հետևանքով ինչպիսի՞ խոր ցնցումներ և վերքեր ստացավ մեր եկեղեցին սփյուռքում:

Անցնող քսան տարիների ընթացքում, սակայն, Ամենայն Հայոց Վեհափառ Հայրապետը թե՛ բանիվ և թե՛ գործով, միշտ լավատեսությամբ, որքա՛ն ջանքեր թափեց այդ տագնապի խաղաղ ու դրական լուծման համար և քանի՞-քանի՞ անգամներ սիրո և միության հայրական կոչեր, հորդորներ, հաշտության խաղաղասիրական առաջարկներ արեց:

1963 թվականի հոկտեմբերի 26-ին Երուսաղեմի ողջագործումով հայ եկեղեցու ներքին տագնապը փարատված տեսնելու Մայր Աթոռի և Հայոց Հայրապետի ուրախությունը նույնպես երկար չտևեց:

Այդ բոլորն այսօր անցյալի տխուր հուշ և պատմություն է:

Այդ տագնապը պետք չէ որ շարունակվի: Ստեղծվել են, քարեքախտաբար, հուսադրող մոր հեռանկարներ տագնապի լուծման ճանապարհի վրա:

Ժամանակն է, որ վերականգնվի հայ եկեղեցու միությունն ու ներքին խաղաղությունը. «Արեգակն ի վերայ բարկութեան ձերոյ մի մտցէ» (Նփես. Դ 26): «Ահա օր փրկութեան» (Բ Կորնթ. 2 2):

Այս եկեղեցաշեն և հանրօգուտ մտածումների լույսի տակ Ամենայն Հայոց կաթողիկոսը 1977 թվականի ապրիլի 26-ին պատասխանում էր Տ. Տ. Խորեն Ա կաթողիկոսի հունվար 23 թվակիր հրավեր նամակին.

«Մենք սրտանց կ'ողջունենք Ձեր հրաւերը, անոր մէջ տեսնելով վերջապետումը այն բարի ոգիին որ սկիզբ առած էր մեր միջև նրտադէմ, մեր ողջագոյրումի օրերուն 1963-ի հոկտեմբերին:

Մենք կը հաւատանք նաև թէ Ձերդ Սրբութիւնը և ձեր ազգային-եկեղեցական մարմինները խորհած էք արդէն դիմել այն միջոցառումներուն, որոնք օրինաւոր հնարատրութիւնը պէտք է ստեղծեն ճանապարհը բանալու մեր ներկայացուցիչներու աթոռակից-կաթողիկոսի ընտրութեան մասնակցութեան, իբրև հրապարակային արտայայտութիւն մեր երկու Աթոռներու միջև քսան տարիներէ ի վեր եղած տնտեսկացողութեանց վերացման:

Կը խորհինք թէ, այս պահուն Մեզ և Ձեզ մտահոգողը և հետևաբար՝ կարևորը, հրամայականը ոչ թէ պարզապէս ձեռական մասնակցութիւնն է Մայր Աթոռիս ներկայացուցիչներու Ձեր Աթոռի Ազգային Ընդհանուր Ժողովին, այլ կարևորն ու հրամայականն է՝ վերացնել այն առարկայական պատճառները, որոնց հետևանքը հանդիսացաւ այն տազնապալի վիճակը, որ ահա կը գոյատևէ քսան և ասելի տարիներէ ի վեր ի ցաւ մեր բոլորիս սիրտերուն և ի վնաս մեր սուրբ եկեղեցիին ու մեր ժողովուրդի հիմնական ու տնական շահերուն»:

Հայրապետական սույն նամակում նշվում էր նաև, թե «Մայր Աթոռը շատոնց ի վեր կը սպասէ համբերութեամբ և լաւատեսութեամբ վերացած տեսնել սփիւրքի մեր եկեղեցական տազնապալի ծնունդ տոտոյ պատճառները», մեր եկեղեցական իրավասությանց դարավոր կանոնների և օրինականության պահպանման լույսի տակ, տազնապ, որը ահա քսան տարիներից ի վեր ճնշում է հայ հոգիների վրա:

Իր վերոհիշյալ նամակում Տ. Տ. Վազգեն Ա Հայրապետը Ամենայն Հայոց տազնապը գործնականորեն և վերջնականապես վերացած տեսնելու լավատեսությամբ Տ. Տ. Խորեն Ա կաթողիկոսի ուշադրությանն էր հանձնում Մայր Աթոռի մասնակցության հետևյալ պարագան.

«Հետևաբար, կը խորհինք թէ, Մայր Աթոռիս ներկայացուցիչներու մասնակցութիւնը հնարաւոր դարձնելու համար, անհրաժեշտ է որ Աթոռիդ Ազգային Ընդհանուր Ժողովը նախքան ընտրութեան անցնիլը, իր իշխանութեամբ չեղեալ հռչակէ 32-րդ և 33-րդ յօդուածները ու նաև տրամադրութիւն լայտնէ պատշաճ բանաձևումով մը, որ աթոռակից-կաթողիկոսի ընտրութենէն և օծումէն յետոյ, շուրջ մէկ տարուան ընթացքին՝ մեր Աթոռներու միջև բանակցութիւններու և փոխադարձ հասկացողութեանց ճանապարհով, օրինաւոր և բարոյք լուծում գտնեն նաև միւս հարցերը, որոնք Ձեզ ուղարկած էինք 1971-ի նոյեմբերին, Ձեր պաշտօնական ներկայացուցիչներու ձեռամբ, և գոր կրկին Ձեր ուշադրութեան յանձնած էինք Մեր 14 փետրուար 1972 նամակով, հարցեր, որոնք կը կարօտին օրինական կարգաւորման, համաձայն մեր եկեղեցւոյ կարգ ու կանոնին:

Յիշեցման կարգով ներխալ Ձեզի վերստին կը ներկայացնենք այդ հինգ հարցերը, բանաձևւած Մեր կողմէ 12 նոյեմբեր 1971-ին»:

Ամենայն Հայոց Վեհափառ Հայրապետի սույն պաշտոնական գրու-

թյունն անձամբ Անթիլիաս տարավ Գերագույն հոգևոր խորհրդի անդամ, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպ. Մանուկյանը, որ այդ օրերին ուխտավորաբար գտնվում էր Մայր Աթոռում, Երուսաղեմի հայոց ամենապատիվ տ. Եղիշե սրբազան պատրիարքի հետ:

Ապրիլի 27-ին, չորեքշաբթի օրը, Անթիլիաս էր ժամանում տ. Սերովբե արքեպիսկոպոսը և անձամբ Հայոց Հայրապետի վերոհիշյալ նամակը հանձնում Ս. Տ. Խորեն Ա կաթողիկոսին:

Մայիս 2 թվակիր նամակով Ս. Տ. Խորեն Ա կաթողիկոսը պատասխանում էր Ս. Տ. Վազգեն Ա Ամենայն Հայոց Հայրապետի ապրիլ 26 թվակիր նամակին՝ հայտնելով պաշտոնապես, թե «Անցնող Ազգային Ընդհանուր Ժողովին մեջ կազմուած էր յանձնախումբ մը՝ Մեծի Տանն Կիլիկիոյ կաթողիկոսութեան կանոնները վերամշակելու համար: Նոյն ժողովին մեջ, ինչպէս նաև յետագային, ազգայիններու տրամադրութիւնները ամէն պատրաստակամութիւն ցոյց կուտային 82-րդ և 83-րդ յօդուածները կանոնադրէն դուրս ձգելու:

Այս հիման վրայ, առնելով ա. Աթոռիս եպիսկոպոսներու, ազգային մարմիններու և պատասխանատու ազգայիններու կարծիքները, կրնանք հաւաստիացնել Ձեզ, թէ յառաջիկայ գումարուելիք Ազգային Ընդհանուր Ժողովը վերոյիշեալ երկու յօդուածները պիտի վերցնէ Մեծի Տանն Կիլիկիոյ կաթողիկոսութեան կանոնադրութենէն»:

Ս. Տ. Խորեն կաթողիկոսի 2 մայիս թվակիր սույն պատասխան նամակը անձամբ Մայր Աթոռ էր բերում տ. Սերովբե արքեպ. Մանուկյանը, մայիսի 7-ին:

Երկու Աթոռների միջև վերջերս փոխանակված պաշտոնական գրությունների լույսի տակ և տ. Սերովբե արքեպիսկոպոսի՝ Գերագույն հոգևոր խորհրդի 9 մայիս նիստում, դեպի Անթիլիաս իր կատարած առաքելության մասին տված զեկուցագրի հիման վրա, Ամենայն Հայոց Վեհափառ Հայրապետի նախագահությամբ գումարված Գերագույն հոգևոր խորհուրդը իր լիազմար նիստում, որին հրավիրվել էր նաև տ. Եղիշե սրբազան պատրիարք հայրը, որոշում է ընդունում մասնակցել Անթիլիասում մայիսի 22-ին աթոռակից-կաթողիկոսի ընտրության և մայիսի 29-ին՝ օծման հանդիսություններին:

Գերագույն հոգևոր խորհրդի սույն նիստում Մայր Աթոռի երկու ներկայացուցիչներ են նշանակվում՝ տ. Սերովբե արքեպ. Մանուկյանը և Անգլիայի հայոց հայրապետական պատվիրակ տ. Ներսես եպս. Պոզապալյանը:

Ամենայն Հայոց Վեհափառ Հայրապետը Անթիլիասի հանդիսություններին Մայր Աթոռից երկու պատգամավորներ ուղարկելու մասին 10 մայիս պաշտոնական իր գրությամբ տեղեկացնում էր Ս. Տ. Խորեն Ա կաթողիկոսին:

«Մեր սուրբ եկեղեցին՝ ներքին միության, օրինականության և խաղաղության նաահանգիստը տանող ճանապարհին վրայ, Մենք կը կամենանք հետևողականորեն մնալ յաւատեւ, համոզուած ըլլալով թէ Ձեր վերոյիշեալ նամակին մէջ յստակօրէն արտայայտուած հաւատիացումները կարճ ժամանակի մէջ կեանքի պիտի կոչուին, յապաւումովը Ձեր կանոնագրի 82-րդ և 83-րդ յօդուածներուն և օրինական կարգաւորումովը ծանօթ հինգ հարցերուն, բանակցութեանց եղանակաւ, հարցեր, որոնց ուրախ ենք որ կ'ակնարկէ նաև Ձերոյ Սրբութիւնը իր նոյն նամակին մէջ:

Ձեր հաաատիացումները իրօք մխիթարեցին Մեր սիրտը, որոնց կենսագործումով կը հաաատանք թէ նոր էջ մը պիտի բացուի մեր Աթոռներու յարաբերութեանց պատմութեան մէջ:

Կը հաաատանք թէ՛ Մենք, Ձերդ Սրբութիւնը և նորընտիր Ձեր Աթոռակից Եղբայրը միասնաբար, սրբութեամբ և վճռականութեամբ պիտի պահպանենք յետ ալսու կանոնը մեր եկեղեցւոյ նուիրապետական Աթոռներու պատմականօրէն նուիրագործուած իրաաատութեանց սահմաններու, համեարաշխ գործակցութեան մթնոլորտի մէջ:

Հեռացնել 32-րդ և 33-րդ յօդուածները՝ կը նշանակէ հեռացնել խախտումը մեր Աթոռներու իրաաատութեանց սահմաններուն, կը նշանակէ հեռացնել բուն պատճառը տագնապին, որ քսան տարիներէ ի վեր կը պառակտէ ու կը տկարացնէ մեր եկեղեցւոյ մարմինը: Միայն հեռացումովը բուն պատճառին՝ կրնանք հեռացնել նաև հետևանքները:

Ահա թէ ինչու սրտանց կ'ողջունենք Ձեր ճամակի յուադրիչ ոգին և շինարար հաաատիացումները և իրապէս կը հաաատանք որ այսօրուսէ՛ սկսեալ և յետ ալսու բազում առիթներով, միատեղ պիտի կարողանանք զգալ ու ապրիլ քաղցրութիւնը մեծ Սաղմոսերգոյի տեսիլքին. «Զի՛ բարի, զի՛ վայելուչ, զի բնական եղբարք ի միասին... անդ պատրաստեաց Տէր գորհնութիւն և զկեանսն յափտենից» (Սաղմոս ԺԼԲ 1, 3):

Մայիսի 22-ին Անթիլիասում Պատգամավորական Ժողովին և ապա մայիսի 29-ին՝ օծման և այլ հանդիսություններին Մայր Աթոռի պատգամավորների մասնակցությունը շերտերէն և որդիական երախտագիտությամբ բնորոշվեց ամենուրեք՝ որպէս սրտագին ցանկության արտահայտություն անցյալի տխուր էջը փակելու և հուշով նայելու ապագային՝ «շուտափույ» կերպով վերացած տեսնելու տագնապը» և ողջունելու վերահասատաոված, բաղձալի միությունը սիյուրքի մեր ազգային-եկեղեցական կյանքի մէջ:

Արդարև, Մայր Աթոռի մասնակցությունը Անթիլիասի հանդիսություններին, հույս ներշնչող նախաձեռնություն էր, ճին վերբերը բուժելու, ինչպէս նշում է նաև Բեյրութի օրաթերթերից մէկը. «Այսօր մոտիկ անցյալի վերբերը դարմանելու միջոցով Ամենայն Հայոց Կաթողիկոսությունը իր մասնակցությունը կրերէ Մեծի Տանն Կիլիկիոյ աթոռակից-կաթողիկոսի ընտրության» («Ազդակ», մայիսի 29):

Սիյուրքահայ մամուլը հույնական գոհունակությամբ ողջունեց Անթիլիասի հանդիսություններին Մայր Աթոռի մասնակցությունը, որպէս ուրախալի մի իրադարձություն, որական մի ազդանշան, որը հուսադրող հեռանկարներ էր բացում սիյուրքի մեր եկեղեցւոյ ծոցում ծանոթ տագնապի և երկփեղկման բարվոք և օրինական լուծման ճանապարհին:

Մայր Աթոռը հավատում է, որ իր այդ մասնակցությամբ մի նոր էջ է բացվելու սիյուրք-հայրենիք եկեղեցական հարաբերությունների մէջ:

Այո՛, Մայր Աթոռը ուրախ սրտով, բա՛ց սրտով մասնակցեց և՛ Պատգամավորական Ժողովի ընտրական նիստին, և՛ հաջորդ օրերի հանդիսություններին:

Մայիսի 22-ին, կիրակի օրը, Անթիլիասի ս. Գրիգոր Լուսավորիչ Մայր տաճարում հատենի Պատգամավորական Ժողովի խոսք է առնում Տ. Տ. Խորեն Ա Կաթողիկոսը և, խոսելով նաև Մայր Աթոռի ու Անթիլիասի հարաբերությունների բարվոքման մասին, ասում է.

«Մեր խոր բաղձանքն է որ մոտիկ ապագային, Հայաստանեայց եկեղեցւոյ առջև բացուի լուսահեղ ճանապարհ մը, որ երկու Աթոռները կա-

րենան միասնաբար ծառայել հայ ազգին: Կոչ կ'ուղղենք յարգամեծար պատգամաւորներուդ եւ յառաջիկային գումարելի Ազգ. Ընդհանուր Ժողովի անդամներուն որ այս ճամբուն վրայ խոչընդոտ հանդիսացող դժուարութիւնները—ի մասնաւորի 32-րդ եւ 33-րդ յօդուածներու հարց—վերացնեն եւ ամբողջական համերաշխութեան ճամբան հարթեն»:

Այնուհետեւ Պատգամաւորական Ժողովը միաձայնութեամբ արձանագրում է 'ի վանի կողմից ժողովին ներկայացված հետևյալ առաջարկը՝ ի մասին երկու Աթոռների հարաբերությունների բարվոքման.

«Նկատի ունենալով նաև յատենի Պատգամաւորական Ժողովին Վեհափառ Հայրապետին կողմէ արտայայտուած բաղձանքը, եւ հիմնուելով վերջին Ազգային Ընդհանուր Ժողովին արդէն իսկ արտայայտութիւն գտած տրամադրութեանց վրայ, ազգային պատգամաւորական ժողովը իր կարգին ջերմապէս կը թելադրէ իրաւասու ժողովներուն և մարմիններուն, և մասնաւորապէս յառաջիկայ Ազգային Ընդհանուր Ժողովին, նպաստել Հայաստանեայց եկեղեցւոյ երկու Աթոռներուն միջև յամեցող տարակարծութեանց պատճառներու վերացման, ի մասնաւորի Կիլիկիոյ Կաթողիկոսութեան 32-րդ և 33-րդ յօդուածներու յարուցած դժուարութեանց հարթումով»:

Մայիսի 29-ին, կիրակի օրը, Հոգեգալստյան տոնին, Անթիլիասի ս. Գրիգոր Լուսավորիչ Մայր տաճարում կատարվում է նորընտիր աթոռակից-կաթողիկոս Գարեգին արքեպիսկոպոսի օծման հանդիսությունը, որին մասնակցում են նաև Մայր Աթոռի երկու պատգամաւորները:

Իր օծումից հետո Ս. Տ. Գարեգին Բ աթոռակից-կաթողիկոսը իր անդրանիկ քարոզում նշում էր իր ընտրության և օծման առթիվ հայ եկեղեցու ծոցում ստեղծված «սիրոյ, միասնականութեան բարեբաստիկ և յուսադիչ երևոյթը... յոյսի և ուրախութեան արտապնդիչ զգացումներով կը զեղու սիրտըս երբ կը տեսնեմ Ամենայն Հայոց Կաթողիկոսութեան մասնակցութիւնը այս կաթողիկոսական ընտրութեան և օծման: Գեղեցիկ, պայծառ օր մըն է այս մեր եկեղեցւոյ պատմութեան մէջ»:

Բոլորի արտերում, ամենքի հոգիների մէջ և շրթների վրա արձագանքում էին միության, համերաշխության և սիրո խոսքերը: Բոլորի ցանկությունն էր, որ այս առթիվ արտասանված գեղեցիկ խոսքերը կյանքի վերածվեն, դառնան կենդանի գործ:

Իրոք հուզիչ և հուսադիչ էին Անթիլիասի հանդիսությունների առթիվ Ամենայն Հայոց Հայրապետի և Կիլիկյան Աթոռի կաթողիկոսի միջև փոխանակված գրությունների արտահայտություններն ու հավաստիացումները: Հուզիչ և հուսադիչ եղան նաև նույն առթիվ Անթիլիասում արտասանված ճառերն ու հայ մամուլի հոդվածները: Բայց այդ բոլորը կարող են օճառի պղպջակի նման ցնդել, եթե, ինչպէս Վեհափառ Հայրապետն է ասում, չհեռացվեն տազնապի բուն պատճառները, քանի որ «միայն հեռացումով բուն պատճառին կրճաճք հեռացնել նաև հետևանքները»: Իսկ տազնապի բուն պատճառները պարզ է, որ հանդիսացան 32-րդ և 33-րդ հոդվածները և նրանց գործադրումը Միացյալ Նահանգների, Պարսկաստանի և Հունաստանի էջմիածնապատկան թեմերից ներս:

Արդարև, մեր եկեղեցու և Մայր Աթոռի ծանր վիշտն էր արտահայտում տ. Սերովբէ արքեպ. Մանուկյանը Բեյրութում, պաշտոնական մի տեսակցության առիթով, երբ, խոսելով 32-րդ և 33-րդ հոդվածների մասին, շեշտում էր.

«Մեզ համար այդ հողվածներուն վերացումը մեծ նշանակություն ունի: Կիլիկիո Աթոռի պատմության ընթացքին, հաճախ թյուրիմացություններ և տարակարծություններ ծագած են զույգ Աթոռներուն միջև: Բայց ոչ մեկ ատեն անոնք օրենքի ույժ ստացած են, կանոնագրության մեջ չեն անցած: Վերջին անգամ այդ տարակարծությունները կանոնի վերածվեցան, նպատակ ունենալով ս. Էջմիածինը տկարացնելու և Կիլիկիո Աթոռը դարձնելու արտասահմանի միակ կեդրոնը, ինչ որ կհակառակ Հայց. եկեղեցվո սկզբունքներուն և կանոններուն» («Ազդակ», 1 հունիսի):

Մենք համոզված ենք, սակայն, որ մեր եկեղեցու և ժողովրդի կենսական ու մնայուն շահերը պիտի թելադրեն բոլորին անխտիր՝ վերականգնումը օրինականության, միության և շինարար գործակցության մեր նվիրատվական պատմական Աթոռների միջև, Աթոռներ, որոնք ամուր կանգնած պետք է մնան հայրենի հողի վրա խարսխված Միածնի իջման վեմի վրա:

Մայիսի 29-ին, երեկոյան, պաշտոնական ընդունելության ժամանակ, Տ. Տ. Խորեն Ա կաթողիկոսը «Իր աննուն ուրախությունն ու գոհունակությունն» էր հայտնում հրապարակով նաև Մայր Աթոռի ներկայացուցիչների մասնակցության համար և ասում.

«...Դուք, գերաշնորհ և սիրելի ներկայացուցիչներ ս. Էջմիածնի, փոխանցեցեք Ամենայն Հայոց Հայրապետին՝ Մեր Վեհափառ Եղբորը՝ Ն. Ս. Ս. Վազգէն Ա կաթողիկոսին Մեր խոր շնորհակալութիւնը, Մեր եղբայրական ջերմ սէրն ու սրտագին բարեմաղթութիւնները Իր առողջութեան և արեւշատութեան: Թող Նորին Սրբութիւնը Հայց. եկեղեցու շքեղ ծաղկումը միութեան ու միասնականութեան մէջ տեսնելու բարեբախտութիւնը ունենայ»:

Անթիլիասի հանդիսություններից հետո Մայր Աթոռ ժամանեց տ. Ներսէս եպ. Պոզապալյանը, որը անձամբ բերեց և Ամենայն Հայոց Վեհափառ Հայրապետին հանձնեց Տ. Տ. Գարեգին Բ աթոռակից-կաթողիկոսի 30 մայիս թվակիր պաշտոնական գրությունը, որի մեջ ասված էր.

«Ժնշպէս Խորեն Ա Վեհափառ Հայրապետը Իր 2 մայիս, 1977 թուակիր և 159/77 թուահամար նամակով կը յայտնէ, յառաջիկային խորհրդակցութեանց, բանալցութեանց ճամբով, փոխադարձ սիրոյ, եղբայրութեան և յարգանքի մթնոլորտին մէջ, մեր եկեղեցիի գաղափարէն և սկզբունքէն առաջնորդուած, Մենք ևս կը յուսանք և Մեր գերագոյն կարելին ի գործ պիտի դնենք որ կարելի փութով վերջ գտնեն տարակարծութիւնները և գործնական, սահման և օգտաւէտ արտապայտութեան ընթացքի մէջ մտնէ Հայց. եկեղեցու միութիւնը՝ ի փառս Աստուծոյ, և ի բարին հայ ժողովուրդին»:

Տ. Տ. Վազգէն Ա Ամենայն Հայոց կաթողիկոսը Իր մայիս 29 թվակիր նետկալ նետագրով շնորհալիորում էր Տ. Տ. Գարեգին աթոռակից-կաթողիկոսի ընտրությունը.

«Մրաւանց շնորհավորում ենք Գարեգին արքեպիսկոպոսի իբրև աթոռակից՝ Ձեզ Կիլիկյան Աթոռի: Հայցում ենք Աստուծո օրհնությունը և օգնականությունը Ձերդ Սրբության և Գարեգին աթոռակից-կաթողիկոսի առաքելության՝ ի խնդիր մեր Մայր եկեղեցու միության և համայն հայ հավատացյալ մեր ժողովրդի ազգային միասնության ամրապնդման: Սուրբ Էջմիածնից և վերածնված մայր հայրենիքից եղբայրական սիրո ողջույն ամենաբարի մաղթանքներով»:

Մայր Աթոռը գոհ է, որ իր երկու ներկայացուցիչներով մասնակցեց

Տանն Կիլիկիայի աթոռակից-կաթողիկոսի ընտրության և օծման հանդիսություններին:

Մայր Աթոռը նույնպես գոհունակությամբ արձանագրեց սույ առթիվ գրված հավաստիացումները մեր եկեղեցական տազնապալի կացությունների վերացման առնչությամբ և ի մասնավորի պաշտոնական խոստումները՝ ա՛յն մասին, որ շուտով կջնջվեն 32-րդ և 33-րդ հոդվածները Կիլիկյան Աթոռի կանոնագրությունից:


Մայր Աթոռը և մեր բովանդակ ժողովուրդը լավատեսությամբ սպասում են, որ խոսքերը կենդանի և շինարար գործի վերածվեն, առաջին հերթին վերացումովը 32-րդ և 33-րդ հոդվածների, որով միայն ճանապարհ կարող է բացվել հետագա բանակցությունների, գործնական միջոցառումներով բուժելու համար քսան տարիների տազնապալի բացած վերքերը հայ եկեղեցու մարմնի վրա:

Այս մտածումներով «Էջմիածին» ամսագրի խմբագրությունը ջերմորեն շնորհավորում է Նորին Սուրբ Օծություն Ս. Տ. Գարեգին Բ աթոռակից-կաթողիկոսի ընտրությունը՝ մաղթելով Նրան քաջառողջություն, հայրապետական արդյունավետ գործունեություն՝ իրականացնելու համար մեր եկեղեցական ու ազգային միասնականության վերաբերյալ բոլոր այն բարի մտածումներն ու սպասելիքները, որոնք նույնպես Իրենն են որպես բարձրաստիճան հոգևորականի և հայ մարդու:

Ծ Ա Ն Ո Թ Ո Ւ Թ Յ Ո Ւ Ն

Հիշեցման կարգով մեր ընթերցողների ուշադրությանն ենք հանձնում, թե Կիլիկյան Աթոռի կանոնադրության 32-րդ հոդվածով Կիլիկյան թեմ են հռչակվում Մայր Աթոռ ու Էջմիածնի իրավասության ներքո գտնվող Ամերիկայի Միացյալ Նահանգների, Պարսկաստանի և Հունաստանի թեմերը: Իսկ 33-րդ հոդվածը ճախատեսում է, որ սփյուռքում մասն ալ թեմեր կարող են միացվել Անթիլիասի Կիլիկյան Աթոռին:





ՄԵԾԻ ՏԱՆՆ ԿԻԼԻԿԻՈ ԱԹՈՈՒԻ
ԱԹՈՈԱԿԻՑ-ԿԱԹՈՂԻԿՈՍԻ ԸՆՏՐՈՒԹՅՈՒՆ

Սույն թվականի մայիսի 22-ին, կիրակի օրը, Անթիլիասի կաթողիկոսարանի հանդիսությանց դանլինում, Տ. Տ. Խորեն Ա կաթողիկոսի նախագահության ներքո, գումարվելու է Կիլիկյան Աթոռի պատգամալորական ժողով, աթոռակից-կաթողիկոսի ընտրության համար:

Կիլիկյան Աթոռի կանոնադրության 12-րդ հոդվածի տրամադրության համաձայն Տ. Տ. Խորեն Ա կաթողիկոսը Ամենայն Հայոց Տ. Տ. Վազգեն Ա կաթողիկոսին ուղղալ էր 23 հունվար թվակիր պաշտոնական գրությամբ հրավեր էր ուղարկել Մայր Աթոռին՝ սույն ընտրությանը մասնակցելու երկու պատգամալորներով:

Ստորև հրատարակում ենք այս առիթով Մայր Աթոռի և Կիլիկյան Աթոռի միջև փոխանակված պաշտոնական գրությունները:

«ԷԶՄԻԱՅԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

ԿԱԹՈՂԻԿՈՍԱՐԱՆ ՄԵԾԻ ՏԱՆՆ ԿԻԼԻԿԻՈՅ
ԱՆԹԻԼԻԱՍ—ԼԻԲԱՆԱՆ

Թիւ 26/77

23 յունուար 1977

ՆՈՐԻՆ Ա. ՕԾՈՒԹԻՒՆ Տ. Տ. ՎԱԶԳԷՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՅ

Ա. ԷԶՄԻԱԾԻՆ

Վեհափառ Եղբայր ի Քրիստոս,

Ազգ. Կեդր. Վարչության Խառն ժողովը, իր 29 դեկտեմբեր 1976, չորեքշաբթի օրուան բացառիկ նիստին մէջ, ընդառաջելով Մեր խնդրանքին, միաձայնութեամբ որոշեց ձեռնարկել այթոռակից-կայթողիկոսի մը ընտրութեան:

Այս առնչութեամբ ցարդ ստացած ըլլալու էք Մեր 20 յունուար 1977 թուակիր կոնդակը եւ իրազեկ դարձած անոր բովանդակութեան:

Այթոռակից-կայթողիկոսի ընտրութիւնը տեղի պիտի ունենայ յառաջիկայ 22 մայիս 1977, կիրակի, կ. վ. ժամը 3-ին, Մայր տաճարին մէջ. իսկ օծումը՝ յաջորդ կիրակի, 29 մայիս, Հոգեգալստեան տօնին:

Այսու հրաւիրագրով կը խնդրենք որ Ամենայն Հայոց Հայրապետութիւնը մասնակցի սոյն ընտրութեան մէկ հոգեւորական եւ մէկ աշխարհական պատգամաւորներով՝ համաձայն Կիլիկիոյ Կայթողիկոսութեան կանոնագրութեան 12-րդ յօդուածի տրամադրութեան:

Քաջատողջ եւ երջանկալից երկար կեանք մաղթելով Ձերդ Վեհափառութեան,

Մնամ եղբայրական ջերմ սիրով եւ ողջագութեամբ

Աղօթակից

ՆՈՐԷՆ Ա

ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈՅ

ՆՈՐԻՆ ՍՐԲՈՒԹԻՒՆ Տ. Տ. ԽՈՐԷՆ Ա
ՄԵԾԻ ՏԱՆՆ ԿԻԼԻԿԻՈՅ ԿԱԹՈՂԻԿՈՍԻՆ

Հ.ԴԻ. 265

ԱՆԹԻԿԻԱՄ

Սիրեցեալ Եղբայր Մեր ի Քրիստոս,

Յուզումով կարդացինք Ձեր 23 լուծուար 1977 թուակիր նամակը, որով կը յայտնէք թէ առողջական պատճառներով անհրաժեշտ կը նկատէք Ձեր կողքին ունենալ գործակից եղբայր մը իբրև աթոռակից-կաթողիկոս, և առ այդ հրաւեր կ'ողղէք Մեզի որ երկու ներկայացուցիչներ ուղարկենք Անթիքիսա, մասնակցելու մայիսի 22-ի ընտրութեան և մայիսի 29-ի օծման արքայական արարողութեանց:

Վստահ եղէք, շնորհազարդ Եղբայր, որ այս պահուն Մեր առաջին մտածումն ու իղձն է Ձեզի բերել Մեր ջերմագին մաղթանքը բաշտողութեան, որպէսզի նաև լետ այսու շարունակէք մասնակից մնալ պատմական Աթոռիդ յետագայ շինարար գործնէութեան՝ հոգևոր, կրթական ու ազգային-մշակութային զարգացման ուղիներով:

Մենք սրտանց կ'ողջունենք Ձեր հրաւերը, անոր մէջ տեսնելով վեր-յառնումը այն բարի ոգիին որ սկիզբ առած էր մեր միջև Երուսաղէմ, մեր ողջագործումի օրերուն 1963-ի հոկտեմբերին:

Մենք կը հաւատանք նաև թէ Ձերդ Սրբութիւնը և ձեր ազգային-եկեղեցական մարմինները խորհած էք արդէն դիմել այն միջոցառումներուն, որոնք օրինաւոր հնարաւորութիւնը պէտք է ստեղծեն ճանապարհը բանալու մեր ներկայացուցիչներու աթոռակից-կաթողիկոսի ընտրութեան մասնակցութեան, իբրև հրապարակային արտայայտութիւն մեր երկու Աթոռներու միջև քսան տարիներէ ի վեր եղած անհասկացողութեանց վերացման: Կը խորհինք թէ, այս պահուն Մեզ և Ձեզ մտահոգողը և հետևաբար՝ կարևորը, հրամայականը ոչ թէ պարզապէս ձևական մասնակցութիւնն է Մայր Աթոռիս ներկայացուցիչներու Ձեր Աթոռի Ազգային ընդհանուր ժողովին, այլ կարևորն ու հրամայականն է՝ վերացնել այն առարկայական պատճառները, որոնց հետևանքը հանդիսացաւ այն տագնապալի վիճակը, որ անս կը գո-յատնէ քսան և աւելի տարիներէ ի վեր ի ցաւ մեր բոլորիս սրտերուն և ի վնաս մեր սուրբ եկեղեցիին ու մեր ժողովուրդի հիմնական ու տևական շահերուն:

Մայր Աթոռս շատոնց ի վեր համբերութեամբ և լատտեսութեամբ կը սպասէ, վերացած տեսնել սփիւռքի մեր եկեղեցական տագնապին ծնունդ տուող պատճառները: Աթոռիդ կանոնադրութեան մէջ օրէնքի ուժ ստացած 32-րդ և 33-րդ յօդուածներու տրամադրութիւնները օրինակ, բոլորովին անհամատեղելի են մեր երկու Աթոռներու միջև համերաշխ գործակցութեան գաղափարին հետ:

Հետևաբար կը խորհինք թէ, Մայր Աթոռիս ներկայացուցիչներու մասնակցութիւնը հնարաւոր դարձնելու համար, անհրաժեշտ է որ Աթոռիդ Ազգային ընդհանուր ժողովը նախքան ընտրութեան անցնիլը, իր իշխանութեամբ չեղեալ հոչակէ 32-րդ և 33-րդ լօղուածները ու նաև տրամադրութիւն յայտնէ պատշաճ բանաձևումով մը, որ աթոռակից-կաթողիկոսի ընտրութենէն և օծումէն յետոյ, շուրջ մէկ տարուան ընթացքին՝ մեր Աթոռներու միջև բանակցութիւններու և փոխադարձ հասկացողութեանց ճանապարհով, օրինաւոր և բարոյք լուծում գտնեն նաև միւս հարցերը, որոնք Ձեզ ուղարկած էինք 1971-ի նոյեմբերին, Ձեր պաշտօնական ներկայացուցիչներու ձեռամբ, և զոր կրկին Ձեր ուշադրութեան յանձնած էինք Մեր 14 փետրուար 1972 նամակով, հարցեր, որոնք կը կարօտին օրինական կարգաւորման, համաձայն մեր եկեղեցւոյ կարգ ու կանոնին:

Յիշեցման կարգով ներփակ Ձեզի վերստին կը ներկայացնենք այդ հինգ հարցերը, բանաձևուած Մեր կողմէ 12 նոյեմբեր 1971-ին:

Մեր ցանկութիւնն է և ակնկալութիւնը, որ ամէն ինչ առաջուց յստակոյի, որպէսզի յետոյ անախորժ կացութիւններ չստեղծուին ո՛չ Մեզի և ո՛չ ալ Ձեզի համար: Որով լաւատեսութեամբ պիտի սպասենք Ձեր շուտափոյոջ պատասխանին, որ մայիսի 22-ին գումարուելիք Աթոռիդ Ազգային ընդհանուր ժողովի օրակարգին վրայ պիտի դրուին Մեր առաջարկած վերոյիշեալ հարցերը, կարենալ սիրով նշանակելու համար Մայր Աթոռ սուրբ Էջմիածնի ներկայացուցիչները, որոնք պիտի բերեն պատկառելի Ազգային ընդհանուր ժողովիդ Մեր օրհնութիւնը և ողջոյնը մեր հայրենի աշխարհին ու ժողովուրդին:

Ուրախ ենք որ Մեր այս գիրը սիրով յանձն առաւ Ձեզի բերել Արևմտեան Եւրոպայի հայրապետական պատուիրակ և Գերագոյն հոգևոր խորհուրդիս անդամ գերաշնորհ տ. Սերովբէ արքեպիսկոպոս Մանուկեան, որ այս առաքելութեամբ կը ժամանէ Պէյրութ սոյն թուի 27 ապրիլին օդային ճանապարհով:

Լիայոյս ենք, որ տ. Սերովբէ արքեպիսկոպոս իր վերադարձին Մայր Աթոռ ս. Էջմիածին, իր հետ կը բերէ Ձեր գրաւոր յստակ պատասխանը վերոյիշեալ Մեր առաջադրած բոլոր հարցերուն վերաբերեալ:

Մնամք սիրով և ամենաբարի մաղթանքներով աղօթակից Եղբայր՝

ՎԱԶԳԷՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

26 ապրիլ 1977 թ.

Ս. Էջմիածին

ԿԱԹՈՂԻԿՈՍԱՐԱՆ ՄԵԾԻ ՏԱՆՆ ԿԻԼԿԻՈՅ
ԱՆԹԻԼԻԱՍ—ԼԻՖԱՆԱՆ

Թիւ 159/77

2 մայիս 1977

ՆՈՐԻՆ Ա. ՕԾՈՒԹԻՒՆ Տ. Տ. ՎԱԶԳԷՆ Ա.
ՎԵՀԱՓԱՌ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. ԷԶՄԻԱՄԻՆ

Ծնորհագարդ Եղբայր ի Քրիստոս,

Ծնորհակալութեամբ ստացանք Ձեր Եղբայրութեան 26 ապրիլ 1977 թուակիր եւ 265/77 թուահամար պաշտօնագիրը, ձեռամբ Արեւմտեան Երուսալի հայրապետական պատուիրակ եւ Գերագոյն հոգեւոր խորհուրդի անդամ գերաշնորհ տ. Սերովբէ ա. արքեպիսկոպոս Մանուկեանի, ի մասին Մեծի Տանն Կիլիկիոյ կաթողիկոսի ընտրութեան՝ Ամենայն Հայոց Կաթողիկոսութեան մասնակցութեան:

Ա.— Նախ կ'ուզենք ճշտել, թէ 22 մայիս 1977-ին գումարուելիք ժողովը պատգամատրական ժողովն է, որ բացի կաթողիկոս ընտրելէ որեւէ այլ իրաւատրոխն չունի, որով կարելի չէ կանոնագրային փոփոխութիւն առաջացնել այս ժողովին միջոցով:

Սակայն, անցնող Ազգ. Ընդ. ժողովին մէջ կազմուած էր յանձնախումբ մը՝ Մեծի Տանն Կիլիկիոյ Կաթողիկոսութեան կանոնագիրը վերամշակելու համար: Նոյն ժողովին մէջ, ինչպէս նաեւ յետագային, ազգայիններու տրամադրութիւնները ամէն պատրաստակամութիւն ցոյց կու տային 32-րդ եւ 33-րդ յօդուածները կանոնագրէն դուրս ձգելու:

Այս հիման վրայ, առնելով ա. Աթոռիս եպիսկոպոսներու, ազգ. մարմիններու եւ պատասխանատու ազգայիններու կարծիքները, կրնանք հաւատարմացնել Ձեզ, թէ յառաջիկային գումարուելիք Ազգ. Ընդ. ժողովը վերոյիշեալ երկու յօդուածները պիտի վերցնէ Մեծի Տանն Կիլիկիոյ Կաթողիկոսութեան կանոնագրութենէն:

Բ.— Ինչ կը վերաբերի կաթողիկոսական երկու ա. Աթոռներու միջեւ գոյութիւն ունեցող տարակարծութիւնները տեսակցութիւններու եւ բանակցութիւններու ճամբով եւ շուտափոյթ կերպով վերացնելու խնդրին, Մենք միշտ պատրաստ եղած ենք բանակցութեանց ճամբով հասկացողութեան մը հասնելու տեսակէտին:

Կը հաստատենք նաեւ, թէ ըլլայ Ազգ. Ընդ. ժողովի անդամները, ըլլայ ազգային պատասխանատուութիւններ ունեցող մարմիններն ու ազգայինները նոյնպէս տրամադիր են բանակցութեանց ճամբով հասկացողութեան մը գալու, որպէսզի ընդմիշտ անհետանան երկու Աթոռներու միջեւ գոյութիւն ունեցող բոլոր տարակարծութիւնները: Կը հաստատենք թէ փոխադարձ հասկացողութեան ոգիով կարելի պիտի ըլլայ Ձեր կողմէ արծարծուած հարցերն ու այլ հարցեր իրենց դրական լուծումին հասցնել ցանկալի արագութեամբ եւ յսնգիլ ամբողջական համաձայնութեան՝ ի փառս Հայց. սուրբ. ա. եկեղեցւոյ եւ ի շահ ազգիս հայոց:

Ի խորոց սրտի Ձեզի կը մաղթենք բոլոր տարակարծութիւնները ընդմիշտ բարձուած տեսնելու անխառն ուրախութիւնն ու երջանկութիւնը, եւ զեղուն սիրով կ'ողջունենք Ձեզ եւ Մայր Աթոռի միաբանութիւնը, ինչպէս նաեւ հայրենի երկրի բովանդակ հայութիւնը:

Մնամ եղբայրական սիրոյ ողջագործանք,

Աղօթակից

ԽՈՐԷՆ Ա.

ԿԱԹՈՂԻԿՈՍ ՄԵԾԻ ՏԱՆՆ ԿԻԼԿԻՈՅ

ՀՄԲ. 297

10 մայիս 1977 թ.

ՆՈՐԻՆ ՍՈՒՐԲ ՕԾՈՒԹԻՒՆ Տ. Տ. ԽՈՐԷՆ Ա.
ՄԵԾԻ ՏԱՆՆ ԿԻԼԻԿԻՈՅ ԿԱԹՈՂԻԿՈՍԻՆ
ՆԱԽԱԳԱՀ ՊԱՏԳԱՄԱԽՈՐԱԿԱՆ ԺՈՂՈՎԻ

ԱՆԹԻԼԻԱՍ

Սիրեցեալ եղբայր Մեր ի Քրիստոս,

Գոհումնականութեամբ, Մենք և Գերագոյն հոգևոր խորհուրդս, ծանօթացանք Ձերդ Սրբութեան 2 մայիս 1977 թուակիր պաշտօնական նամակի և Արևմտեան Երոպայի Մեր հայրապետական պատուիրակ՝ գերաշ. տ. Սերովբէ արքեպիսկոպոսի 7 մայիս 1977 թուակիր զեկուցագրի բովանդակութեանց և անոնց լոյսին տակ որոշեցինք Մայր Աթոռիս երկու ներկայացուցիչները ուղարկել Անթիլիաս, մասնակցելու կաթողիկոսական Աթոռիդ 22 մայիս 1977-ի պատգամատրական ժողովին և 29 մայիս 1977-ին աթոռակից-կաթողիկոսի օծման արարողութեանց: Մեր ներկայացուցիչները պիտի ըլլան գերաշնորհ տ. Սերովբէ արքեպիսկոպոս Մանուկեան և գերաշնորհ տ. Ներսէս եպիսկոպոս Պոզապպեան:

Ձերդ Սրբութեան վերոյիշեալ նամակը հոգեկան մխիթարութիւն հանդիսացաւ Մեզի համար, անոր մէջ տեսնելով եղբայրական շինարար ոգի և կամեցողութիւն՝ ընդմիշտ վերացած տեսնելու Մայր Աթոռիս և Մեծի Տանն Կիլիկիոյ Աթոռի միջև շուրջ քսան տարիներէ ի վեր գոյատևող տխուր կացութիւնը, ինչ որ բազում տարիներու Մեր իղձն ու սպասումը եղած են, և որուն անդրադարձած էինք նաև 26 ապրիլ 1977 թուակիր Ձեզի ուղղեալ Մեր նամակին մէջ:

Մեր սուրբ եկեղեցին՝ ներքին միութեան, օրինականութեան և խաղաղութեան նաահանգիստը տանող ճանապարհին վրայ, Մենք կը կամենանք հետևողականօրէն մնալ լաւատես, համոզուած ըլլալով թէ Ձեր վերոյիշեալ նամակին մէջ յատկօրէն արտայայտուած հաւաստիացումները կարճ ժամանակի մէջ կեանքի պիտի կոչուին, յապատումովը Ձեր կանոնագրի 32-րդ և 33-րդ յօդուածներուն և օրինական կարգաւորումովը ծանօթ թիւգ հարցերուն, բանակցութեանց եղանակաւ, հարցեր, որոնց ուրախ ենք որ կ'անհարկէ նաև Ձերդ Սրբութիւնը իր նոյն նամակին մէջ:

Ձեր հաւաստիացումները իրօք մխիթարեցին Մեր սիրտը, որոնց կենսագործումով կը հաւատանք թէ նոր էջ մը պիտի բացուի մեր Աթոռներու յարաբերութեանց պատմութեան մէջ: Կը հաւատանք թէ՛ Մենք, Ձերդ Սրբութիւնը և նորընտիր Ձեր Աթոռակից եղբայրը միասնաբար, սրբութեամբ և վճռականութեամբ պիտի պահպանենք յետ այսու կանոնը մեր եկեղեցոյ նոիրապետական Աթոռներու պատմականօրէն նոիրագործուած իրաւասու-

թեանց սահմաններու, համերաշխ գործակցութեան մթնոլորտի մէջ: Հետացնել 32-րդ և 33-րդ յօդուածները՝ կը նշանակէ հեռացնել խախտումը մեր Աթոռներու իրաւաստութեանց սահմաններուն, կը նշանակէ հեռացնել բուն պատճառը տագնապին, որ քսան տարիներէ ի վեր կը պատակտէ ու կը տկարացնէ մեր եկեղեցոյ մարմինը: Միայն հեռացումովը բուն պատճառին՝ կրնանք հեռացնել նաև հետևանքները:

Ահա թէ ինչու արտանց կ'ողջունենք Ձեր նամակի յուսարիչ ոգին և շինարար հաւատարմութիւնը և իրապէս կը հաւատանք որ այսօրոքնէ սկսեալ և յետ այսու բազում առիթներով, միատեղ պիտի կարողանանք զգալ ու ապրիլ քաղցրութիւնը մեծ Սաղմոսերգոյի տեսիլքին «Զի՛ բարի, զի՛ վայելուչ, զի բնական է իշխարք ի միասին... անդ պատրաստեաց Տէր զօրհնութիւն և զկեանսն յաիտենից» (Սաղմոս ԸԼԲ 1, 3):

Թող Աստուած անասան ու ծաղկեալ պահէ Մայր Աթոռ սուրբ Էջմիածինը և Մեծի Տանն Կիլիկիոյ Աթոռը ու միշտ օգնական մնայ մեզի բոլորիս, որպէսզի Մեր կողմէ արծարծուած այս հարցերը իրապէս և դրապէս լուծուած գտնեն ցանկալի արագութեամբ, յանգեալով ամբողջական համաձայնութեանց ի փառս մեր սուրբ եկեղեցոյ և ի շահ մեր ժողովուրդի, ինչպէս Դուք կ'ընդգծէք:

Թող Աստուած օրհնէ նաև մեր եղբայրութիւնը, մեր գործակցութիւնը և մեր հոգևոր ու ազգային առաքելութիւնը, նուիրական նշանաբանին ներքոյ՝ մէկ ու անբաժան եկեղեցի, մէկ ու անբաժան ժողովուրդ, մէկ ու անբաժան ապագայ վերածնած մեր արդի մայր երկրի պայծառ հորիզոնին վրայ:

«Այլ ինքն Աստուած և Հայր մեր, և Տէր մեր Յիսուս Քրիստոս՝ ողորկեցէ զնանապարհս մեր առ ձեզ: Եւ զձեզ ինքն Տէր բազմապատիկս և առաւելս արասցէ սիրով ընդ միմեանս և առ ամենեւին՝ որպէս և մեր ի ձեզ» (Ա. Թեա. Գ 11—12):

Սուրբ Էջմիածնէն և Մեր սրտէն ընդունեցէք Մեր եղբայրական ողջոյնը և սէրը, ամենաբարի Մեր մաղթանքներով հանդերձ:

Վ.Ա.Զ.Գ.Է.Ն. Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

169/77

Ամթիլիաս, 30 մայիս

ՆՈՐԻՆ Ս. ՕԾՈՒԹԻՒՆ
ՎԵՀԱՓԱՌ Ս. Ս. ՎԱԶԳԷՆ Ա.
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. ԷԶՄԻԱԾԻՆ

Վեհափառ Տէր և սիրելի Ասագ Եղբայր,
Երէկ, 29 մայիսին, կիրակի առաւօտ Ամթիլիասի Մայր տաճարին մէջ ծունկի եկայ սուրբ խորանին վրայ և ձեռամբ Ն. Ս. Օ. Ս. Ս. Խորէն Ա. Կաթողիկոսի եւ Հայց. եկեղեցւոյ տաւր եպիսկոպոսներու ստացայ կաթողիկոսական օծում դառնալով աթոռակից-կաթողիկոս Մեծի Տանն Կիլիկիոյ:

Այսօր, 30 մայիսին, երկուշաբթի առաւօտ, այս նոր պատասխանատւութեանըս առաջին հանգրուանին, արտի պարտք կը զգամ անդրանիկ պաշտօնական նամակս ուղղելու Զերդ Վեհափառութեան, յայտնելու համար իմ սրտագգաց ուրախութիւնն ու շնորհակալութիւնը այն սրտապընդիչ երեւոյթին համար, որով երջանկութիւնը ունեցայ թէ՛ իմ ընտրութեան, 22 մայիսին, և թէ՛ օծմանս՝ վայելելու ներկայութիւնն ու մասնակցութիւնը Ամենայն Հայոց Կաթողիկոսութեան երկու պատուիրակներուն՝ յանձնու գերշ. տ. Սերովբէ ա. արքեպս. Մանուկեանին և գերշ. տ. Ներսէս ա. եպսկ. Պոզապալեանին, առաքուած Զերդ Ս. Օծութեան կողմէ:

Անհուն ուրախութիւնս անձնական չէ միայն, այլ ընդհանրական: Գոհունակութեան և ցնծութեան բացառիկ և ոգետորիչ զգացումներով ողջունեցաւ այս մասնակցութիւնը թէ՛ Պատգամաւորական Ժողովին և թէ՛ ժողովուրդին կողմէ: Երեք առիթներով հրապարակային և գրաւոր արտայայտութիւններով իմ անկեղծ ուրախութիւնս արտայայտեցի այդ երջանկաբեր երեւոյթին համար: Կաթողիկոսական օծման առիթով արտասանածս քարոզէն օրինակ մը կը ներփակեմ, որպէսզի անձամբ և ուղղակիօրէն տեղեկանաք իմ զգացումներու մասին: Նորին Ս. Օծութիւն Ս. Ս. Խորէն Ա. Կաթողիկոս ինք եւս Իր սրտագգաց ուրախութիւնն մէկէ աւելի անգամներ յայտնեց այս բարեբաստիկ առիթով: Վստահաբար գերշ. տ. Սերովբէ և Ներսէս սրբազաններ մանրամասնօրէն կը զեկուցեն անցնող շաբթուան ընթացքին վերստեղծուած միասնութեան ոգիին և մթնոլորտին մասին: Ինչպէս Խորէն Ա. Վեհափառ Հայրապետը Իր 2 մայիս, 1977 թուակիր և 159/77 թուահամար նամակով կը յայտնէ, յառաջիկային խորհրդակցութեանց, բանակցութեանց ճամբով, փոխադարձ սիրոյ եղբայրութեան և յարգանքի մթնոլորտին մէջ, մէկ եկեղեցիի գաղափարէն և սկզբունքէն առաջնորդուած, մենք եւս կը յուսանք և մեր գերագոյն կարելին ի գործ պիտի դնենք որ կարելի փութով վերջ գրտնեն տարակարծութիւնները և գործնական, սահուն և օգտաւէտ արտայայտութեան ընթացքի մէջ մտնէ Հայց. եկեղեցւոյ միութիւնը՝ ի փառս Աստուծոյ, և ի բարին հայ ժողովուրդին: Վստահ ենք որ պատշաճագոյն



ժամանակին և պատշաճագոյն ձեով գործնական հունի մէջ կը մտնեն անհրաժեշտ խորհրդակցութիւններն ու բանակցութիւնները այս ուղղութեամբ: Յատաշիկայ շաբաթներու ընթացքին, երբ սկսինք գործնապէս լծուիլ մեր պաշտօնի վերաբերեալ աշխատանքներուն, մեր գործունէութեան մէջ առաջնահերթ տեղ պիտի գրաւէ Հայց. եկեղեցոյ միութիւնը զօրացնելու մեր նախանձախնդրութիւնը:

Զերմօրէն պիտի խնդրէի Զեզմէ որ Զեր աղօթքներուն մէջ յիշէիք զիս մանաւանդ սկզբնական այս օրերուն որպէսզի Աստուած զօրացնէ զիս այս ծանր պարտաւորութեանց մէջ:

Մնամ խոնարհ եղբայրական սիրով,

Աղօթակից

ԳԱՐԵԳԻՆ Բ

ԱԹՈՌԱԿԻՑ-ԿԱԹՈՂԻԿՈՍ

ՄԵԾԻ ՏԱՆՆ ԿԻԼԻԿԻՈՅ

ՀՄՐ. 472

6 յուլիս 1977 թ.

ՆՈՐԻՆ ՍՈՒՐԲ ՕԾՈՒԹԻՒՆ Տ. Տ. ԳԱՐԵԳԻՆ Բ
ԱԹՈՌԱԿԻՑ-ԿԱԹՈՂԻԿՈՍ ՄԵԾԻ ՏԱՆՆ ԿԻԼԻԿԻՈՑ

ԱՆԹԻԼԻԱՍ

Սիրելի Սրբազան Եղբայր ի Քրիստոս,

Յուզումով կարդացինք Ձեր 30 մայիս 1977 թուակիր նամակը, զոր գրի առեր էիք Ձեր օծման կիրակիին յաջորդող առաւօտեան: Ձեր գիրը իրա հաճոյք և հոգեկան մխիթարութիւն պատճառեց Մեզի: Անոր մէջ գնահատեցինք Ձեր մտածումներուն պայծառութիւնը, Ձեր զգացումներուն ջերմութիւնը և մանաւանդ Ձեր հայաշունչ ոգին, որ միշտ յատկանշած է Ձեր անձնատրութիւնը:

Կ'աղօթենք որ բարեաց Պարգևատուն Ձեզ արժանի ընէ երկար, շատ երկար տարիներ ծառայելու մեր սուրբ եկեղեցիին և ժողովուրդին, իբրև իսկապէս Գարեգին Երկրորդ Յովսէփեանց մը մեր օրերուն և գալիք ժամանակներուն: Մեր լուսաբնակ նախնեաց հոգին թող մնայ Ձեզի միշտ գործակից ու մարտակից:

Այսօր երբ Ձեր ընտրութեամբ և գահակալութեամբ նոր էջ մը կը բացուի Տանն Կիլիկիոյ Աթոռին տարեգրութեան մէջ, Մենք արտանց կը բաղձանք որ Դուք նոր էջ մը կարողանաք բանալ նաև մեր եկեղեցւոյ պատմագրքին մէջ և լուսաւոր անուն մը թողուլ այնտեղ: Այդ էջը Դուք պիտի կարողանաք բանալ մանաւանդ Ձեր վճռական նպատակը բերելով մեր եկեղեցւոյ ներքին միութեան վերահաստատման, վերացումովը բոլոր այն արգելակումներուն և արարքներուն, որոնք դուռ բացին անօրինականութիւններու, տագնապալի կացութիւններու և երկփեղկումներու, սփիւռքի մեր եկեղեցիներու կեանքէն ներս: Մենք բնաւ տրամադիր չենք եղածը ողբերգականացնելու կամ մեղադրանքներ շալլելու, սակայն չենք ալ կրնար խորհիլ թէ այլևս կարելի է այդ ուղիով ընթանալ: Արդարութեան զգացումը, ողջմտութիւնը և մեր ժողովուրդի գերագոյն ու մնայուն շահերը հրամայականօրէն կը թելադրեն բոլորիս՝ ետ դառնալ կորուստի ուղիներէն և ընթանալ այն միակ ճանապարհով, որ մեր սուրբ եկեղեցւոյ կանոններով ու բազում սերունդներու կեանքի փորձով պատմականօրէն նուիրագործուած ու սրբագործուած է:

Հայ եկեղեցւոյ միութիւնը և հայ հաւատացեալ ժողովուրդի ազգային միասնութիւնը հնարաւոր է հաստատել միմիայն հայրենի հողի վրայ խարսխուած սուրբ Էջմիածնի Ամենայն Հայոց Հայրապետութեան վեմին վրայ, որուն հաւասարագոր ուրիշ հեղինակութիւն կամ կեդրոն չէ եղած, չկայ և չի կրնար ըլլալ:

Հայ եկեղեցւոյ նուիրապետական կառոյցի կեդրոնը ս. Էջմիածինն է: Կիլիկեան Կաթողիկոսութեան և Երուսաղէմի ու Կ. Պոլսոյ Աթոռները, սուրբ Էջմիածնի՝ դէպի սփիւռք երկարած թներն են, գործակիցներն են, ամէն մէկը իր իրաւասութիւններով, իր ներքին կանոնադրութեամբ և իր աշխատանքի բաժինով: Խախտել այս պատմականօրէն հաստատուած նուիրապետական կառոյցը, կը նշանակէ անխուսափելի կերպով ստեղծել տնապէս տագնապալի կացութիւններ և պառակտումներ, ինչպէս եղաւ վերջին քսան տարիներու ընթացքին: Անբնական է և անկանոն՝ պատկերացնել մէկ ու անբաժան եկեղեցի մը երկու հաւասարագոր գլուխներով: Մէկ ու անբաժան մեր եկեղեցւոյ նուիրապետական կառոյցը իր ներքին հաւասարա-

կշռութիւնը և կարգապահութիւնը կը կորսնցնէ ամէն անգամ երբ նոյն նուիրապետական կառուցին մէջ տեղ ունեցող մասնատր Աթոռ մը կը փորձէ տեղը գրաւել եկեղեցոյ բուն ու միակ գլուխին, ձգտելով իր իշխանութիւնը տարածել իր մասնատր Աթոռի սահմաններէն դուրս:

Մենք շատ գոհ ենք որ այլևս այս ճշմարտութիւնները յստակ դառնալով նաև Ձեր Աթոռէն ներս, պաշտօնական հաւաստումներ ունեցանք Տ. Տ. Խորէն Ա կաթողիկոսի և Աթոռիդ Պատգամատրական ժողովին կողմէ թէ պիտի ջնջուին 32-րդ և 33-րդ յօդուածները Աթոռիդ կանոնագրութենէն մօտ ապագային, Ձեր Ազգային Ընդհանուր Ժողովի որոշումով, և ապա պիտի վերացուին նաև հետևանքները այդ յօդուածներուն, գործնական միջոցառումներով, փոխադարձ համաձայնութեամբ: Այդ հաւաստումներուն մէջ Մենք տեսանք նոր ոգի մը, օրինապահ ու շինարար ոգին Ձեր Աթոռին, որով և լաւատես սրտով, բաց սրտով Մեր ներկայացուցիչները առաքեցինք Անթիլիաս, մասնակցելու ձեր հանդիսութիւններուն:

Արդ, Մեր ջերմագին իղձն ու սպասումն է որ հնարատր ամենակարճ ժամանակի մէջ կատարուի խոստացուած ջնջումը 32-րդ և 33-րդ յօդուածներուն, որպէսզի օրինատր և գործնական ճանապարհը բացուի սփիտքի մեր եկեղեցական կեանքի տագնապալի կացութեանց վերացման, Մայր Աթոռիս և Ձեր Աթոռի շինարար գործակցութեամբ, հիմնական նպատակ ունենալով վերականգնել այն իրաւիճակը որ հաստատուած ու յարգուած էր՝ 1929-էն մինչև 1956, և որուն նկատմամբ ոչ մէկ առարկութիւն կար ոչ ոքի կողմէ մինչև այդ թուականը:

Որով, Մենք ուղիղ կը նկատենք և գործնական որ 17 յունիս թուակիր Ձեր հեռագրով առաջարկած Աթոռիդ պատուիրակութեան ժամանումը ս. էջմիածին, տեղի ունենայ անմիջապէս վերոյիշեալ յօդուածներու ջնջումէն յետոյ Աթոռիդ Ազգային Ընդհանուր Ժողովին կողմէ: Վստահ եղէք թէ գործելու այս կերպը լաւագոյնս պիտի ծառայէ Մեր և Ձեր բարի նպատակներու կենսագործման:

Համբերատար ու լաւատես ոգիով պիտի սպասենք այդ երջանիկ պահին, և սիրով պիտի ողջունենք Աթոռիդ պատուիրակութեան ժամանումը, Մայր Աթոռիս և Ձեզի համար յարմարագոյն թուականի մը:


Մեզի համար յոյժ հաճելի պիտի ըլլայ եթէ հաճիք Տ. Տ. Խորէն Ա Մեր Վեհափառ Նորօրը ներկայացնել Մեր ամենաբարի մաղթանքները կայուն առողջութեան ու եռանդաշատ գործունէութեան, ի պայծառութիւն Կիլիկեան պատմական Աթոռիդ և ի կենսագործումն Հայաստանեայց մեր Մայր եկեղեցոյ ու հարազատ ժողովուրդի բոլոր արդար ու նուիրական իղձերուն և սպասումներուն:

Ներայրական սիրոյ ողջագործումով և համակրալից ջերմագին զգացումներով, մնամք աղօթող Փրկչի Իջման սուրբ սեղանի առաջ Ձեր. Սրբութեան արևշատութեան և հայրապետական առաքելութեան պայծառ արդիւնաւտութեան համար:

«Զի թէպէտ և մարմնով հեռի եմ, այլ հոգով ընդ ձեզ եմ. խնդամ իբրև տեսանեմ զկարգն ձեր և զհաստատութիւն հաւատոցն ձերոց որ ի Բրիստոս Յիսուս» (Կողոս. Բ 5). ամէն:

Վ Ա Զ Գ Է Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ



**ՎԵՀԱՓԱՌ ՀԱՅՐԱՊԵՏԻ ԱՅՑԵԼՈՒԹՅՈՒՆԸ ՀԱՅԿԱԿԱՆ
ՍՍՀ ՄԻՆԻՍՏՐՆԵՐԻ ՍՈՎԵՏԻ ՄԵԾԱՀԱՐԳ ՆԱԽԱԳԱՀ
ՏԻԱՐ Ֆ. Տ. ՍԱՐԳՍՅԱՆԻՆ**


Հունիսի 29-ին, չորեքշաբթի օրը, առավոտյան ժամը 10-ին, Վեհափառ Հայրապետը այցելություն տվեց Երևանում, Կառավարական Տանը, ՀՍՍՀ Մինիստրների սովետի նորընտիր նախագահ Ֆ. Տ. Սարգսյանին:

Վեհափառ Հայրապետին ընկերակցում էր Գերագույն հոգևոր խորհրդի անդամ և Արարատյան հայրապետական թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանը:

Ամենայն Հայոց Հայրապետը և Մինիստրների սովետի պարոն նախագահը ընդունելության սկզբում փոխանակեցին ողջույնի և բարիգալստյան ջերմ խոսքեր:

Այնուհետև սրտագին մթնոլորտում տեղի ունեցավ զրույց, որին ներկա էին նաև Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ պարոն Սարգիս Գասպարյանը և ՀՍՍՀ Մինիստրների սովետի գործերի կառավարիչ պարոն Հ. Ե. Վարդանյանը:





ՀԱՂՈՐԴԱԳՐՈՒԹՅՈՒՆ

Սույն թվականի հունիսի 6—10 օրերին Մոսկվայի և համայն Ռուսիո Պատրիարք Տ. Պիմենի նախաձեռնությամբ և հրավերով Մոսկվայում գումարվեց կրոնական գործիչների համաշխարհային համաժողով՝ նվիրված կայուն խաղաղության, զինաթափման և ժողովուրդների միջև արդար հարաբերությունների հաստատմանը:

Կոնֆերանսին մասնակցեցին քրիստոնյա և ալլ կրոնների շուրջ 650 ներկայացուցիչներ, աշխարհի 107 տարբեր երկրներից:

Սույն կոնֆերանսին Հայաստանյայց առաքելական եկեղեցին և Մայր Աթոռը ներկայացնում էր անձամբ Ամենայն Հայոց կաթողիկոս Տ. Տ. Վազգեն Առաջինը՝ ընկերակցությամբ տ. Կոմիտաս, տ. Ծաֆե, տ. Արսեն սրբազանների, տ. Ոսկան ծ. վրդ. Գալբակյանի և տ. Տիրան վրդ. Կյուրեղյանի:

Հունիսի 6-ին, երկուշաբթի օրը, առավոտյան ժամը 10-ին, Մոսկվայի «Յենտր Էստրադա» դահլիճում բացվեց համաշխարհային սույն կոնֆերանսը՝ բոլոր ներկաների աղոթքով և կոնֆերանսի նախապատրաստական կոմիտեի նախագահ տ. Յուվենալի միտրոպոլիտի բացման ճառով:

Կոնֆերանսի լիագումար նիստում ողջույնի խոսքով առաջինը հանդես եկավ Տ. Պիմեն Սրբազան Պատրիարքը: Այնուհետև ՍՍՀՄ Մինիստրների սովետի նախագահ Ալեքսեյ Կոսիգինի ողջույնի ողերձը ընթերցեց ՍՍՀՄ Մինիստրների սովետին առընթեր կրոնական գործերի խորհրդի նախագահ Վ. Ա. Կուրոյեդովը:

Ընթերցվեցին նաև Միավորված ազգերի կազմակերպության գլխավոր քարտուղար Կուրտ Վալդհայմի և մի շարք պետությունների ղեկավարների ողջույնի ողերձները:

Մուֆթի Ջիյաուդդին Բաբախանովը, հանուն Սովետական Միությունում ապրող մահմեդականների, հանդես եկավ ընդարձակ զեկուցումով, որը նվիրված էր խաղաղության գաղափարի շուրջ տարբեր կրոնների մերձեցմանն ու միջկրոնական համագործակցությանը՝ ի նպաստ աշխարհի խաղաղության պաշտպանությանը:

Լիագումար նիստում հանդես եկավ նաև Ամենայն Հայոց Հայրապետ ֆրանսերեն մի ճառով, որը նվիրված էր կայուն խաղաղության, զինաթափման և ժողովուրդների միջև արդար հարաբերությունների հաստատմանը:

Հունիսի 7-ին, երեքշաբթի օրը, կոնֆերանսն իր աշխատանքները շարունակեց աշխատանքային երեք խմբերում:

Հունիսի 9-ին, հինգշաբթի օրը, ժամը 15-ին, Կրեմլում ՍՍՀՄ Գերագույն սովետի նախագահության նախագահի տեղակալ Ս. Բ. Նիզադբեկովը և նախագահության քարտուղար Մ. Պ. Գեորգաձեն ընդունեցին կոնֆերանսի պատվո և գործադիր նախագահության անդամներին: Ընդունելության ժամանակ ողջույնի խոսքով հանդես եկավ նաև Հայոց Հայրապետը:

Նույն օրը, ժամը 20-ին, ՍՍՀՄ Մինիստրների սովետին առընթեր կրոնական գործերի խորհուրդը, ի պատիվ կոնֆերանսի պատգամավորների, կազմակերպեց պաշտոնական ընդունելություն՝ գլխավորությամբ խորհրդի նախագահ Վ. Ա. Կուրոյեդովի:

Հունիսի 10-ին, ուրբաթ օրը, գումարվեց կոնֆերանսի եզրափակիչ միստը, որը ողջույնի և շնորհակալության հեռագիր ուղղեց ՍՍՀՄ Մինիստրների սովետի նախագահ Ալեքսեյ Կոսիգինին՝ կոնֆերանսի աշխատանքներին ցույց տրված ուշադրության և բարյացակամության համար:

Հանուն կայուն խաղաղության, զինաթափման և ժողովուրդների միջև արդար հարաբերությունների հաստատման, կոնֆերանսում ընդունված որոշումների և եզրակացությունների լույսի տակ, սույն միատուն ընդունվեցին նաև երկու փաստաթղթեր՝

ա) Կոչ աշխարհի բոլոր երկրների կառավարություններին.

բ) Կոչ ամբողջ աշխարհի կրոնական գործիչներին և հավատացյալներին:


Կոնֆերանսն իր աշխատանքների վերջում հրապարակեց համապատասխան հաղորդագրություն:


Մոսկվայի սույն կոնֆերանսը կարևոր մի ներդրում հանդիսացավ խաղաղության ի նպաստ մղված պայքարի ճանապարհի վրա՝ հօգուտ բոլոր ազգերի և ժողովուրդների խաղաղ համագործակցության:

Հունիսի 11-ին, շաբաթ օրը, Վեհափառ Հայրապետը վերադարձավ Մայր Աթոռ՝ խաղաղության աստվածահաճո գործին ի նպաստ իր գործոն մասնակցությունը բերած լինելու ներքին գոհունակությամբ:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
18 հունիսի 1977 թ.





ԿՐՈՆԱԿԱՆ ԳՈՐԾԻՉՆԵՐԻ ՀԱՄԱԾԽԱՐՀԱՅԻՆ
ՀԱՄԱԺՈՂՈՎ՝ ՆՎԻՐՎԱԾ ԿԱՅՈՒՆ ԽԱՂԱՂՈՒԹՅԱՆ,
ԶԻՆԱԹԱՓՄԱՆ ԵՎ ԺՈՂՈՎՈՒՐԴՆԵՐԻ ՄԻՋԵՎ ԱՐԴԱՐ
ՀԱՐԱԲԵՐՈՒԹՅՈՒՆՆԵՐԻ ՀԱՍՏԱՏՄԱՆԸ

1977 թվականի հունիսի 6—10 օրերին Մոսկվայի և համայն Ռուսիո Պատրիարք Նորին Սրբություն Ս. Պիմենի նախաձեռնությամբ և հրավերով Մոսկվայում գումարվեց կրոնական գործիչների համաշխարհային կոնֆերանս՝ նվիրված կալուն խաղաղության, զինաթափման և ժողովուրդների միջև արդար հարաբերությունների հաստատմանը:

Կոնֆերանսին մասնակցեցին քրիստոնեական, բողոքական, հինդու, մահմեդական, հրեական, շինտոյական և սիբ կրոնների շուրջ 650 ներկայացուցիչներ, աշխարհի 107 տարբեր երկրներից, որոնք եկել էին համագործակցության և եղբայրական ոգով քննարկելու միջազգային մի շարք կարևոր հարցեր և բերելու իրենց նպատը լարվածության թուլացման, սպառազինությունների մրցավազքի կասեցման և ժողովուրդների միջև արդար հարաբերությունների հաստատման սրբազան գործին:

Կոնֆերանսի աշխատանքներին մասնակցում էին Հռոմեական կաթոլիկ եկեղեցու, Եկեղեցիների համաշխարհային խորհրդի, Խաղաղության քրիստոնեական կոնֆերանսի, Լույսերական համաշխարհային ֆեդերացիայի, Բապտիստների համաշխարհային ալիանսի, Մուսուլմանական համաշխարհային կոնգրեսի, Խաղաղության բողոքական ասիական կոնֆերանսի, Համայն Աֆրիկայի եկեղեցիների կոնֆերանսի, Եվրոպական եկեղեցիների կոնֆերանսի և շրջանային ու համաշխարհային բազմաթիվ այլ կրոնական կազմակերպությունների ներկայացուցիչներ:

Սույն կոնֆերանսին Հայաստանյայց առաքելական եկեղեցին և Մայր Աթոռ ս. Էջմիածինը անձամբ ներկայացնում էր Ամենայն Հայոց կաթողի-

կոս Ս. Տ. Վազգեն Առաջինը՝ ընկերակցությամբ տ. Կոմիտաս, տ. Ծաֆե, տ. Արսեն սրբազանների, տ. Ոսկան Ծ. վրդ. Գալբակյանի և տ. Տիրան վրդ. Կյուրեղյանի:

Կոնֆերանսը նախապատրաստվում էր տասնչորս ամիսներից ի վեր: Ռուս պրավոսլավ եկեղեցու ներկայացուցիչ, Տուլայի և Բելգի միտրոպոլիտ Յովենալիի նախագահությամբ կազմվել էր երեսուն երկրների տարբեր կրոնների 95 ներկայացուցիչներից բաղկացած միջազգային նախապատ-



Վեհափառ Հայրապետը, ի գլուխ հաջ եկեղեցու սլատվիրակության, Մոսկվայի խաղաղության համաժողովում (1977 թ. հունիս 6—10)

ռաստական մի կոմիտե, որին անդամ էին նաև Մայր Աթոռի ներկայացուցիչներ տ. Ծանեև և տ. Արսեն սրբազանները:

Կոնֆերանսի գումարումից առաջ ընտրվել էր պատվո նախագահություն, որի կազմում էր նաև Վեհափառ Հայրապետը՝ ի թիվս այլ հոգևոր պետերի:

Հունիսի 6-ին, առավոտյան ժամը 10-ին, Մոսկվայի «Տենոր Էստրադա» դահլիճում հանդիսավոր իրադրության մեջ բացվեց կրոնական գործիչների սույն համաշխարհային կոնֆերանսը՝ աղոթքով և ապա նախապատրաստական կոմիտեի նախագահ Յուլենայի միտրոպոլիտի բացման նախով:

Պատվո նախագահության սեղանի շուրջ տեղ էին գրավել Տ. Պիմեն Պատրիարքը, Տ. Վազգեն Ա Ամենայն Հայոց կաթողիկոսը, Ալեքսանդրիայի և համայն Աֆրիկայի Տ. Նիկոլասոս Պատրիարքը, բուլղար օրթոդոքս եկեղեցու պետ Տ. Մաքսիմ Պատրիարքը, վրաց օրթոդոքս եկեղեցու պետ Դավիթ Ե Պատրիարք-կաթողիկոսը, ինչպես նաև այլ կրոնների հոգևոր պետեր և կրոնական կազմակերպությունների բարձրաստիճան ներկայացուցիչներ:

Նախագահության սեղանի շուրջ տեղ էր գրավել նաև ՍՍՀՄ Մինիստրների սովետին առընթեր կրոնական գործերի խորհրդի նախագահ Վ. Ա. Կուրոյեդովը:

Լիագումար սույն նիստում ողջույնի խոսքով առաջինը հանդես եկավ Նորին Սրբություն Տ. Պիմեն Պատրիարքը: «Մարդկային գոյության և նրա իրականության նկատմամբ զգայուն վերաբերմունքը,—ասաց նա,—մղում է մեզ՝ տարբեր կրոնների ներկայացուցիչներին, դիպուկի նստելու միմյանց հետ, հասարակաց որոշումներ ընդունելու և միասնաբար գործելու: Կայուն խաղաղությունը, զինաթափումը և ժողովուրդների միջև արդար հարաբերությունների հաստատումը մեր ժամանակի կարիքների ամենապերճախոս արտահայտությունն են և այն ազնիվ նպատակը, որին ձգտում ենք մենք բոլորս»:

Այնուհետև Վ. Ա. Կուրոյեդովը ընթերցեց ՍՍՀՄ Մինիստրների սովետի նախագահ Ալեքսեյ Կոսիգինի ուղերձը՝ ուղղված համաշխարհային սույն կոնֆերանսին: Իր ուղերձում Ալեքսեյ Կոսիգինը սովետական կառավարության և անձամբ իր անունից ջերմորեն ողջունում էր կոնֆերանսի մասնակիցներին՝ բարձր գնահատելով կոնֆերանսի նպատակները և լիակատար հաջողություն մաղթելով նրա մասնակիցներին՝ խաղաղության ի նպաստ իրենց ազնիվ ջանքերի ճանապարհին:

Լիագումար սույն նիստում հրապարակվեցին նաև Միավորված ազգերի կազմակերպության գլխավոր քարտուղար Կուրտ Վալդհայմի, ինչպես նաև մի շարք պետությունների ղեկավարների ողջույնի ուղերձները:

Կոնֆերանսի առավոտյան լիագումար նիստում կոնֆերանսի գլխավոր թեմայի մասին ընդարձակ զեկուցումով հանդես եկավ մոֆթի Զիյաուդդին Բաքալասնովը՝ շեշտելով խաղաղության գաղափարի շուրջ տարբեր կրոնների մերձեցման և միջկրոնական համագործակցության անհրաժեշտության հնարավորությունը խաղաղության պաշտպանության գործում:

ՀԱՅՈՑ ՀԱՅՐԱՊԵՏԻ ԽՈՍՔԸ ՀԱՄԱԺՈՂՈՎՈՒՄ

(6 հունիսի 1977 թ.)

Կոմֆերանսի լիազումար առավոտյան նիստում ֆրանսերեն լեզվով հանդես եկավ նաև Հայոց Հայրապետը՝ հետևյալ բովանդակային ճառով.

ԽՈՍՔ ԽԱՂԱՂՈՒԹՅԱՆ ՀԱՄԱԺՈՂՈՎՈՒՄ

Անցնում են տարիներ ու տասնամյակներ, գալիս են նոր սերունդներ, փոփոխվում է մեր աչքերի առաջ քարտեզը աշխարհի ու դիմագծությունը մարդկային կյանքի, ծնունդ են առնում գիտական, ընկերային, քաղաքական նոր զարգացումներ, սակայն այդ բոլորից վեր կա ու կանգուն է մնում մեկ համընդհանուր աներեք ճշմարտություն մեր փոթորկահույզ երկրագնդի ամբողջ տարածքի վրա, որ հետզհետե ավելի ու ավելի պայծառ և համայնական է դառնում: Այդ ճշմարտությունը՝ մարդկանց ու ժողովուրդների լայն զանգվածների գիտակցությունն ու կամեցողությունն է՝ պահպանելու և հետըզհետե առավել ամուր հիմքերի վրա դնելու աշխարհի խաղաղ գոյավիճակը: Բոլորի երազանքն է մարդկային կյանքի ու պատմության անդատանից պոկել, արմատախիլ անել ազգամիջյան թշնամանքներին ու պատերազմներին սնունդ տվող թունալից արմատները և վերջապես իրականացած տեսնել տեսիլքը Եսայի մարգարեի՝

«Եւ ձուլեսցեն զսուներս իւրեանց ի խոփս, և զսուինս իւրեանց ի մանգաղս. ոչ առնուցու ազգ յազգի վերայ սուր, և ոչ ևս ուսանիցին տալ պատերազմ» (Եսայի Բ 4):

Բոլոր մարդիկ կամենում են երկրի վրա վերջապես հաստատված տեսնել՝ խաղաղ գոյակցության և բարեկամական գործակցության հարաբերություններ ազգությունների և պետությունների միջև:

Համամարդկային այս ազնիվ երազանքի, այս բարի կամեցողության սրտահույզ մի արտահայտություն է հանդիսանում մեր այս համաժողովը, որտեղ հավաքվել ենք կրոնական հավատքի մարդիկ, տարբեր եկեղեցիների, տարբեր կրոնական դավանությունների պատկանող կրոնապետեր և հոգևորական պատասխանատու գործիչներ, եղբայրական հրավերովը ռուսաց պրավոսլավ մեծ եկեղեցու Պատրիարք Նորին Սրբություն Պիմեն Հայրապետի:

Հանուն Հայ առաքելական եկեղեցու Մենք սրտանց ողջունում ենք սույն մեծ համաժողովը, որ գումարված է իր խոսքը ասելու մեր օրերի մարդկանց ու պետություններին:

Մարդկային աշխարհը համայն պահանջում է պետությանց ղեկավարներից, պահանջում է մեր բոլորից՝ հաց, լույս և խաղաղություն:

Մարդկությունը իր ձեռքին մեջ ունի այժմ նյութական ուժի հզորագույնը՝ ատոմական էներգիան: Այն կարելի է օգտագործել թե՛ կյանքի խաղաղ զարգացման և թե՛ պատերազմական նպատակներով: Արդ, մեր օրերի ամենահրամայական հարցն է՝ ձեռք բերել մարդկային այն բարոյական ուժը, որով կարելի լինի նյութի սանձազերծած էներգիան ծառայեցնել մարդկության բարօրության ու երջանկության, ի խնդիր հացի և լույսի:

Մեր, հոգևորականներին առաքելությունը պետք է լինի մեր հոգու բոլոր ուժերով աղոթել Աստծուն և չտկարացող եռանդով գործել, այդ բարոյական ուժը առավել ու առավել հզորացնելու և կազմակերպելու ուղ-

դությամբ, որպեսզի ազգությունների և պետությունների միջև ստեղծվեն խաղաղարար հարաբերություններ բոլոր տեսակի հարցերի լուծման ճանապարհի վրա:

Ամեն բանի մասին կարելի է տարակարծիք լինել և վիճել. խաղաղության հրամալականը սակայն վեր պետք է լինի ամեն վեճից և դառնա բոլորի համար մտածելու ու գործելու գերագույն կանոն՝ ամեն տեսակի հարցերը լուծելու:

Երկուդի և անստուգության մեջ տառապող աչսօրվա մարդկությանը պարտինք, մանավանդ մենք հոգևորականներս, ցույց տալ խաղաղության և ամբողջական զինաթափման ճանապարհը:

Ատոմական դարաշրջանի պայմաններում այլևս կարելի չէ քրիստոնյա լինել, մարդ լինել, և խաղաղության դատին պաշտպան չհանդիսանալ և չգործել խաղաղության հաղթանակի համար:

Ոչ մեկ ընկերային, քաղաքական, ազգային կամ միջազգային հարց այլևս կարելի չէ լուծել պատերազմով:

Պատերազմի հնարավորությունը պետք է մարդկային կյանքի մտածումից դուրս վանել, իբրև միջազգային իրավունքի գերագույն կանոն:


Մարդու և ազգությունների գերագույն իրավունքը՝ ապրելու իրավունքն է, իսկ այն կենսագործելու հիմնական պայմաններն են՝ ապահովումը ընկերային արդար հարաբերությունների և ապահովումը պետությունների միջև խաղաղ գոյակցության:

Անկախ քաղաքական-ընկերային վարչակարգերից և վեր այդ բոլորից, մարդիկ աչսօր պահանջում են՝ խաղաղ ապրելու իրավունք, աշխատանքի իրավունք, հավասարության իրավունք, ազգային ազատ ինքնորոշման իրավունք: Առանց այս հիմնական իրավունքների կենսագործման, հիմնական վտանգված կլինեն նաև մարդկային ազատությունները: Ահա, Մեր կարծիքով, Հելսինկիի պատմական փաստաթղթի գերագույն իմաստն ու նպատակը:

Այս բարձր բեմից Մենք կոչ ենք անում աշխարհի բոլոր պետություններին՝ խաղաղության պահպանման հրամալականը դարձնել իրենց սահմանադրությունների գերագույն օրենքը: Եվ, սիրեցյալ եղբայրներ, հույժ նշանակալից է և մխիթարական Մեզ համար, որ մեր այս համագումարը տեղի է ունենում այն մեծ պետության մայրաքաղաքում, որի տեղեմանն ու կառուցման հիմքում է գտնվում խաղաղության աստվածահաճ գաղափարը, մի պետություն որ ահա վաթսու տարիներից ի վեր անշեղորեն հավատարիմ է մնացել այդ մարդասիրական սկզբունքին և աչսօր էլ նա իր նպատակները կապել է խաղաղության դատի հաղթանակի հետ:

Մեզ համար մխիթարական է նաև, որ մեր դարաշրջանում բոլոր պետությունները հետգհետև համոզվում են թե իրենց իսկ ազգային սեփական շահերը թելադրում են որդեգրել խաղաղասիրական քաղաքական ուղի:

Հայ ժողովուրդը ևս, որ անցյալում ահավոր կերպով տուժել է պատերազմների ընթացքում, ինչպես, օրինակ՝ 1915 թվականին, երբ Արևմտյան Հայաստանում զոհ գնացին երկու միլիոն հայ քրիստոնյաներ Օսմանյան Կայսրության կազմակերպած ցեղասպանության, աչսօր նոր ու երջանիկ կյանքի կոչված սովետական ժողովուրդների մեծ ընտանիքում, մի սրբազան իղձ ունի. այն է՝ տեսնել աշխարհում խաղաղ ու արդար գոյավիճակ, ժողովուրդների միջև բարի կամեցողություն և պետությունների միջև շինարար գործակցություն:



ԿՈՆՖԵՐԱՆՍԻ ՊԱՏՎՈՒ ԵՎ ԳՈՐԾԱԴԻՐ ՆԱԽԱԳԱՀՈՒԹՅԱՆ ԱՆԴԱՄԱՐՆԵՐԸ ԿՐԵՄԼՈՒՄ
ՍՈՆՄ ԳԵՐԱԳՈՒԹՅՆ ՍՈՎԵՏԻ ՆԱԽԱԳԱՀՈՒԹՅԱՆ ԿՈՂՄԻՑ ԿԱԶՄԱԿԵՐԴՎԱԾ
ԸՆԴՈՒՆԵԼՈՒԹՅԱՆ ՊԱՀԻՆ
(8 ՀՈՒՆԻՍԻ 1977 Թ.)

Ուրեմն հալ եկեղեցու և ժողովրդի անունով կոչ ենք անում ձեզ բոլորիդ, որ ամենքս միասին կազմենք մի միասնական հոգևոր հզոր եղբայրություն և աղոթենք ու գործենք մեր բոլոր ուժերով, որպեսզի երկրի վրա իրագործվի կամքը Աստուծո՝ «Յերկիր խաղաղություն, ի մարդիկ հաճություն»:

Փառք մեր Աստծուն, խաղաղության Աստծուն: Փառք ու երանի բոլոր խաղաղարարներին: Ամեն:

Հունիսի 7-ին, երեքշաբթի օրը, կոնֆերանսն իր աշխատանքը շարունակեց աշխատանքային երեք մեծ խմբերում:

Առաջին խմբի քննարկման թեման էր՝ «Հանուն կայուն խաղաղության»: Այս թեմայի շուրջ լսվեց համապատասխան զեկուցում: Այնուհետև տեղի ունեցավ մտքերի փոխանակություն, որին մասնակցեցին նաև Վեհափառ Հայրապետը և տ. Ծախե արքեպիսկոպոսը:

Երկրորդ խմբում քննարկվեց «Հանուն զինաթափման» թեման: Այս թեմայի քննարկմանը մասնակցեցին տ. Ոսկան ծ. վրդ. Գալբակյանը և տ. Տիրան վարդապետը:

Երրորդ խմբի թեման էր՝ «Արդար հարաբերություններ ժողովուրդների միջև»: Այս խմբի աշխատանքներին մասնակցեցին տ. Կոմիտաս և տ. Արսեն սրբազանները, որոնք հանդես եկան համապատասխան գրավոր ճանդերով:

Հունիսի 8-ին և 9-ին աշխատանքները շարունակվեցին աշխատանքային խմբերում: Այստեղ քննարկված թեմաների շուրջ ընդունվեցին համապատասխան եզրակացություններ և որոշումներ, որոնք ներկայացվեցին հունիսի 10-ի լիագումար միսիին՝ հաստատման համար:

Հունիսի 9-ին, ժամը 15-ին, Կրեմլում ՍՍՀՄ Գերագույն սովետի նախագահության նախագահի տեղակալ Ս. Բ. Նիազբեկովը և նախագահության քարտուղար Մ. Պ. Գեորգաձեն ընդունեցին կոնֆերանսի պատվի և գործադիր նախագահության անդամներին, այդ թվում նաև՝ Հայոց Հայրապետին: Ընդունելության ժամանակ պետական բարձրաստիճան անձնավորությունների և կոնֆերանսի նախագահությունների անդամների միջև փոխանակվեցին ողջույնի և բարիգալստյան խոսքեր:

Այս առիթով Հայոց Հայրապետը մույնպես ողջույնի և շնորհակալության խոսք ուղղեց սովետական կառավարության բարձրաստիճան ներկայացուցիչներին:

Նույն օրը, ժամը 16-ին, գումարվեց կոնֆերանսի երրորդ լիագումար միստը, որտեղ քննության առնվեցին աշխատանքային խմբերում կատարված աշխատանքների արդյունքները:

Հունիսի 9-ին կոնֆերանսի պատգամավորները ըստ կրոնների ունեցան առանձին հանդիպումներ, որոնց ընթացքում քննության առնվեցին յուրաքանչյուր կրոնի վերաբերյալ առանձնահատուկ հարցեր, կոնֆերանսի աշխատանքի արդյունքները՝ նրա գաղափարներն ու եզրակացությունները կենսագործելու հեռանկարով: Այս հանդիպման ժամանակ, հանուն հալ եկեղեցու, խոսք առավ նաև տ. Ծախե արքեպիսկոպոսը:

Ժամը 20-ին ՍՍՀՄ Միմիստրների սովետին առընթեր կրոնական գործերի խորհուրդը, ի պատիվ կոնֆերանսի պատգամավորների, կազմակերպեց պաշտոնական ընդունելություն՝ գլխավորությամբ խորհրդի նախագահ Վ. Ա. Կուրյելովի:

Հունիսի 10-ին գումարվեց կոնֆերանսի չորրորդ և վերջին լիագումար նիստը:

Կոնֆերանսը ողջույնի և շնորհակալության հեռագիր ուղղեց ՍՍՀՄ Մի-նիստրների սովետի նախագահ Ա. Ն. Կոսիգինին՝ իր հարգանքը և երախտագիտությունը փոխանցելու սովետական կառավարությանը կոնֆերանսի աշխատանքներին ցույց տված նրա ուշադրության և քաղաքականության համար: Կոնֆերանսը իր պատասխան ուղերձի մեջ ջերմորեն շնորհավորում էր սովետական կառավարությանը և սովետական ժողովրդին՝ Հոկտեմբերյան հեղափոխության 60-ամյակի առթիվ:

Սույն նիստում ընդունվեցին նաև երկու փաստաթղթեր.

ա. «Կոչ աշխարհի բոլոր երկրների կառավարություններին».

բ. «Կոչ ամբողջ աշխարհի կրոնական գործիչներին և հավատացյալներին»:

Առաջին կոչի մեջ կոնֆերանսն իր գոհունակությունն էր հայտնում «միջազգային լարվածության թուլացման համար, որպես անհրաժեշտ պայման՝ ստեղծելու արդար և խաղաղ մի աշխարհ» և հրավիրում էր «բոլոր ժողովուրդներին լարվածության թուլացումը տարածելու աշխարհի բոլոր շրջաններում, այն նպատակով, որ քաղաքական լարվածության թուլացմանը հետևի ուղեմղական և տնտեսական լարվածության թուլացումը և այդպիսով լարվածության թուլացումը դառնա անշրջելի»: Կոնֆերանսի մասնակիցները խոնարհաբար դիմում էին նաև բոլոր կառավարություններին, որպեսզի «ազդու միջոցներ ձեռնարկեն՝ նվազեցնելու ուղեմղական թյուքները, կրճատելու զենքերի արտադրությունն ու վաճառքը և այնպես անելու, որ նյութական ռեսուրսները և մարդկային ուժերն օգտագործվեն ի շահ համայն մարդկության քաղաքական և երջանկության: Պատերազմը և ուղեմղական նախապատրաստությունները խորթ են ոգեկան կարգի արժեքներին, պատերազմը կործանում է մարդու քաղաքական հիմքերը»:

Կոչը անկեղծորեն ողջունում է «զինաթափման վերաբերյալ համաշխարհային կոնֆերանս հրավիրելու գաղափարը՝ մեծ ու փոքր, ջերմամիջուկային զենք ունեցող և չունեցող բոլոր պետությունների, ինչպես նաև ոչ կառավարական կազմակերպությունների մասնակցությամբ»:

Հաստատելուց հետո, թե աշխարհի զանազան մասերում դեռևս գոյություն ունեն պատերազմի օջախներ, կոչի հեղինակները նշում են. «Մենք համոզված ենք, որ կայուն խաղաղության հաստատման համար անհրաժեշտ են տնտեսական արդար հարաբերություններ ինչպես պետությունների ներսում, այնպես էլ նրանց միջև: Մենք ցավում ենք այն փաստի համար, որ քաղաքական ապագադրությամբ դեռևս ճանապարհ չի բացել դեպի ժողովուրդների և պետությունների տնտեսական անկախությունը»:

Կրոնական գործիչներին և հավատացյալներին ուղղված կոչը շեշտը դնում է աշխարհի կրոնների միջև համագործակցության կարևորության վրա՝ ի խնդիր խաղաղության պաշտպանության գործի: «Մեր կրոնական տարակարծությունները մեզ չեն անջատում միմյանցից, որովհետև մեր քաղաքական մտահոգությունները նույնն են. ամբողջ մարդկության քաղաքական նկատմամբ մեր զգացած պատասխանատվության մեջ մենք գտնում ենք հասարակաց մի գետին»: Կոչն ընդգծում է, որ կրոնական գործիչները պետք է նպաստեն հանրային կարծիքի ստեղծմանը՝ ընդհանուր և ամբողջական զինաթափման համար: «Մարդկության ճակատագիրը ջերմամիջուկային աղետի մշտական սպառնալիքի տակ է: Մինչ մարդկության երկու

երրորդ մասը ապրում է կիսաքաղց վիճակում, աշխարհի պետությունները վատնում են տարեկան ավելի քան 300 միլիարդ դոլլար պատերազմի և սպառազինությունների համար»:

Վերոհիշյալ կոչը շեշտում է նաև ոչ կառավարական կազմակերպությունների դերի անող նշանակությունը՝ «ազդելու հանրային կարծիքի վրա, պայքարելու ընդդեմ կեղծ պրոպագանդայի և փոխելու կառավարությունների քաղաքականությունը հոգուտ բոլոր ժողովուրդների գերագույն շահերի»:

Կոնֆերանսը պարտականություն դրեց Գործադիր նախագահության վրա՝ լայնորեն տարածելու ներկա ժողովի աշխատանքի արդյունքները և նպաստելու, որ կյանքի կոչվեն նրա գաղափարներն ու եզրակացությունները:

Սրանով կրոնական գործիչների համաշխարհային կոնֆերանսն ավարտեց իր աշխատանքները և հրապարակեց համապատասխան Հաղորդագրություն:

Մոսկվայի սույն կոնֆերանսը արժեքավոր մի ներդրում հանդիսացավ կայուն խաղաղության, զինաթափման և ժողովուրդների միջև արդար հարաբերությունների հաստատման համար մղվող պայքարի ճանապարհի վրա:

Նույն օրը, ժամը 11.30-ին, կոնֆերանսը ղեկավարող կոմիտեն կազմակերպեց մամուլի ասուլիս սովետական և արտասահմանյան թերթերի թղթակիցների համար:

Ժամը 14-ին Նորին Սրբություն Պիմեն Պատրիարքը, հանուն ռուս պրավոսլավ եկեղեցու, «Արքայտ» ռեստորանում կազմակերպեց ողջերթի ընդունելություն, որին ներկա եղան շուրջ 1500 հրավիրյալներ: Ընդունելության ընթացքում փոխանակվեցին ճառեր:


Կոնֆերանսի մասնակիցները իրենց ազատ ժամերին հնարավորություն ունեցան Մոսկվայում այցելելու տեղական եկեղեցիներ և կրոնական այլ կազմակերպություններ և ծանոթանալու նրանց կյանքին ու գործունեությանը:

Կոնֆերանսի մասնակիցները Մոսկվայի կոնսերվատորիայում ներկա եղան նաև ռուսական հոգևոր և սիմֆոնիկ երաժշտությանը նվիրված մի համերգի:

Կոնֆերանսի բոլոր պատգամավորները իրենց խոր երախտագիտությունն ու շնորհակալությունը հայտնեցին ռուս պրավոսլավ եկեղեցուն, Սովետական Միությունում գործող այլ եկեղեցիներին և կրոնական կազմակերպություններին իրենց նկատմամբ ցուցաբերված ջերմ և եղբայրական հյուրընկալության համար:

Այստեղ մասնավոր կարևորությամբ պետք է արձանագրել բոլոր պատգամավորների անվերապահ, եղբայրական ջերմ շնորհակալությունն ու երախտագիտությունը սովետական ժողովրդին նրա սրտաբաց և եղբայրական ընդունելության համար:

Հունիսի 11-ին կրոնական գործիչների համաժողովի բոլոր մասնակիցները հրաժեշտ տվեցին Մոսկվային և վերադարձան իրենց տեղերը, խաղաղության աստվածահաճո գործին ի նպաստ իրենց գործուն մասնակցությունը բերած լինելու ներքին մեծ գոհունակությամբ և ողջ աշխարհում բարի կամքի տեր միլիոնավոր մարդկանց հետ միասին խաղաղության արդար դատը պաշտպանելու վճռականությամբ:



ԱՄԵՆԱՅՆ ՀԱՅՈՑ ՀԱՅՐԱՊԵՏԸ ՄՈՍԿՎԱՅՈՒՄ

Հունիսի 4-ին, առավոտյան ժամը 8.30-ին, Վեհափառ Հայրապետը մեկնեց Մոսկվա՝ մասնակցելու հունիսի 6—10 օրերին տեղի ունենալիք համակրոնական միջազգային համագումարին, որը նվիրված էր տևական խաղաղության, զինաթափման և ազգերի միջև արդար հարաբերությունների հաստատմանը:

Վեհափառ Հայրապետը Մայր տաճար իջավ եկեղեցական թափորով և, հաջող ուղևորության համար աղոթք կատարելուց հետո, մեկնեց Երևանի օդանավակայան Մայր Աթոռի միաբանության ուղեկցությամբ՝ տ. Հուսիկ եպիսկոպոսի գլխավորությամբ:

Օդանավակայանում Վեհափառ Հայրապետին ճանապարհեց և քարի երթ մաղթեց նաև ՀՍՍՀ Մինիստրների սովետին ստրկներ հայ եկեղեցու գործերի խորհրդի նախագահ Սարգիս Գառպարյանը:

Վեհափառ Հայրապետին դեպի Մոսկվա ուղեկցեց Գերագույն հոգևոր խորհրդի անդամ, Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը:

Մոսկվայի օդանավակայանում Վեհափառ Հայրապետին դիմավորեցին վերոհիշյալ ժողովին մասնակցելու համար Մոսկվա ժամանած տ. Ծաֆե արքեպ. Աճեմյանը, Մայր Աթոռի դիվանապետ տ. Արսեն եպ. Բերբերյանը, Նոր Նախիջևանի և Ռուսաստանի հայոց թեմի առաջնոր-

դական տեղապահ ու Մոսկվայի հայոց հոգևոր հովիվ տ. Տիրան վրդ. Կյուրեղյանը, ինչպես նաև Դամասկոսի հայոց առաջնորդ տ. Ոսկան ծ. վրդ. Գալբակյանը:

Մոսկվայի օդանավակայանում Հայոց Հայրապետին ողջունում և քարի գալուստ է մաղթում, հանուն Նորին Սրբություն Ռուսաց Տ. Պիմեն Պատրիարքի, տ. Անտոնին միտրոպոլիտը՝ իր ուղեկիցներով:

Վեհափառ Հայրապետը և Իր շքավարի անդամները առաջնորդվում են «Ռկրախնա» հյուրանոց:

Հունիսի 5-ին, կիրակի. Հիշատակ Եղիա մարգարեի: Մոսկվայի հայոց ս. Հարություն եկեղեցում պատարագում է տ. Արսեն եպ. Բերբերյանը: Ա. պատարագին ներկա է լինում նաև Վեհափառ Հայրապետը, Որը և քարոզում է «Հայր մեր»-ից առաջ՝ ողջունելով և օրհնելով եկեղեցում ներկա եղող հայ հավատացյալներին:

Այնուհետև Վեհափառ Հայրապետը խոսում է Իր՝ Մոսկվա ժամանման շարժառիթի մասին, որ է՝ մասնակցությունը համակրոնական միջազգային համագումարին՝ նվիրված տևական խաղաղության, զինաթափման և ազգերի միջև արդար հարաբերությունների հաստատմանը:

Վեհափառ Հայրապետն Իր խոսքի մեջ չերմորեն ողջունում է այդ կոնֆերանսի նրավիրումը, որպես աշխարհում մնալուն խաղաղության հաստատման համար կարևոր մի նախաձեռնություն:

Հունիսի 6-ին Մոսկվայում բացվում է խաղաղության այդ կոնֆերանսը, որի աշխատանքներին մասնակցում է ման հայ եկեղեցու պատվիրակությունը՝ Հայոց Հայրապետի գլխավորությամբ (տես այս մասին «Էջմիածին» ամսագրի սույն համարը, էջ 24—31):

Ժողովում Վեհափառ Հայրապետը հանդես է գալիս խաղաղության մկրված բովանդակալից մեծ ճառով:

Հունիսի 11-ին, շաբաթ օրը, կեսօրից հետո, Մայր Աթոռ է ժամանում Վեհափառ Հայրապետը՝ ողեկությամբ տ. Կոմիտաս արքեպ. Տեր-Ստեփանյանի և տ. Ոսկան ծ. վրդ. Գալբակյանի:

Վեհափառ Հոր բարեհաճ կարգադրությամբ տ. Արսեն եպս. Բերբերյանը և տ. Տիրան վրդ. Կյուրեղյանը հովվական այցելություն են տալիս Ռոստովի և Չալդրի (Հյուսիսային Կովկաս) հայոց եկեղեցի-

ներին: Մայր Աթոռի ներկայացուցիչներին սիրալիր ընդունելություն են ցույց տալիս Ռոստովի քաղաքային գործադիր կոմիտեի նախագահ Հակոբ Բլուգյանը, Ռոստովի հայոց հոգևոր հովիվ տ. Գրիգոր ավագ քհն. Տերտերյանը, Չալդրի քաղաքային գործադիր կոմիտեի նախագահ Մ. Սամվելյանը և հոգևոր հովիվ տ. Վահան քհն. Դարբինյանը:

Կիրակի օրը Ռոստովի հայոց ս. Գրիգոր Լուսավորիչ եկեղեցում ս. պատարագ է մատուցում տ. Արսեն եպս. Բերբերյանը և ներկայացնում թեմի առաջնորդական նոր փոխանորդ տ. Տիրան վրդ. Կյուրեղյանին հավատացյալներին, հաղորդելով ման Հայոց Հայրապետի ողջույնը և օրհնությունը:

Հունիսի 13-ին Մայր Աթոռ են ժամանում տ. Արսեն եպս. Բերբերյանը և տ. Տիրան վրդ. Կյուրեղյանը:



ԲՆԱԿ ԵԿԵՂԵՍԻՆԵՐ



ՀԱՂՈՐԴԱԳՐՈՒԹՅՈՒՆ

Սույն թվականի հունիսի 18-ին Նորին Սուրբ Օծություն Ս. Տ. Վազգեն Ա Ամենայն Հայոց Հայրապետը, ուումին օրթոդոքս եկեղեցու հրավերով, ընկերակցությամբ Մայր Աթոռի դիվանապետ գերշ. տ. Արսեն եպս. Բերքեյանի, մեկնեց Բուխարեստ՝ հանուն հայ եկեղեցու մասնակցելու ուումին օրթոդոքս եկեղեցու նորընտիր Հովվապետ, Նորին Սրբություն Ս. Յուստին Պատրիարքի գահակալության հանդիսությանը:

Նույն օրը, երեկոյան ժամը 18.30-ին, նորընտիր Պատրիարքը պատրիարքարանի դահլիճում ընդունեց Հայոց Հայրապետին և բարի գալուստ մատթեց Նրան:

Հունիսի 19-ին պատրիարքական Մայր տաճարում, բազմաթիվ քույր եկեղեցիների պատվիրակությունների և պետական պաշտոնական անձնավորությունների ներկայությամբ, տեղի ունեցավ Ս. Յուստին Պատրիարքի գահակալության հանդիսավոր արարողությունը: Այս առթիվ Նորին Սրբությունը, հանուն հայ եկեղեցու, հանդես եկավ ողջույնի ուղերձով՝ շնորհավորելով նորընտիր Պատրիարքին և Իր խոսքի մեջ ընդգծելով հայ և ուումին եկեղեցիների սերտ բարեկամությունը, ինչպես անցյալում, այնպես էլ մեր օրերին: Հայոց Հայրապետի ուղերձի ընթերցումից հետո երկու հոգևոր Պետերի միջև փոխանակվեցին հուշանվերներ:

Նույն օրը «Աթենե Պալատ» հյուրանոցի դահլիճում ուումին եկեղեցու կողմից տրվեց պաշտոնական ճաշկերույթ՝ ի պատիվ գահակալության հանդիսություններին ժամանած հյուրերի:

Ճաշկերույթին ներկա էին ուումին կառավարության բարձրաստիճանի ներկայացուցիչներ և այլ պաշտոնական անձինք:

Երեկոյան ժամը 19-ին, Բուխարեստի պետական ֆիլհարմոնիայի դահլիճում, հյուրերի պատվին կազմակերպվեց հոգևոր համերգ՝ պատրիարքարանի երգչախմբի կատարմամբ:

Հունիսի 20-ին, երկուշաբթի օրը, երեկոյան ժամը 19-ին, Վեհափառ Հայրապետը «Հրաշափառ»-ով մուտք գործեց Բուխարեստի հայոց ս. Հրեշտակապետաց եկեղեցի, ուր թեմակալ առաջնորդ տ. Տիրայր եպիսկոպոսը ողջունեց և բարի գալուստ մաղթեց Հայոց Հայրապետին՝ հանուն ուսմանահայ հավատացյալների:

Այնուհետև Նորին Սրբությունը Իր հայրապետական օրհնությունը բաշխեց ներկաներին:

Ժամը 20-ին հայոց առաջնորդարանի դահլիճում տեղի ունեցավ հյուրասիրություն ի պատիվ Վեհափառ Հայրապետի:

Հունիսի 22-ին Նորին Սրբությունը վերադարձավ Մայր Աթոռ՝ ընկերակցությամբ Ռումինիայի և Բուլղարիայի հայոց թեմերի թեմակալ առաջնորդ տ. Տիրայր սրբազանի և Մայր Աթոռի դիվանապետ տ. Արսեն եպս. Բերբերյանի:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
24 հունիսի 1977 թ.





ՀՈՐ ԵՎ ՈՐԴՈՒ ԴԱՏԱՊԱՐՏԵԼԻ ԱՐԱՐՔԸ

ՎԵՐԱՊԱՏՎԵԼԻ ՍԱՐԳԻՍ ԿՈՆՍՈԼԻՑԱՆԻՆ

ՓԱՍՏԵՆԱ

Վեհափառ Ս. Տ. Վազգեն Ա Հայրապետը ծանոթանալով 3 փետրվար 1977 թվականի Ձեր նամակի բովանդակությանը, թելադրեց մեզ Ձեզ գրել հետևյալները.

ա. Այս տարվա փետրվարի 8-ին միաժամանակ ստացվեցին ամերիկաբնակ վերապատվելիներ՝ դոկտ. Չոփուրյանի և Ս. Դուրյանի հեռագրերը հետևյալ բովանդակությամբ՝

«Մենք խորապես ցավում ենք Ձեր որոշման համար Տիրայր Կոնսուլյան քահանայի նկատմամբ: Կոչ ենք անում Ձեզ պահպանել նրան իր այժմյան դիրքում, մինչև որ նա կարողանա մեկնել երկրից»:

Այդ հեռագրերը զարմանք պատճառեցին մեզ: Անմիջապես հեռախոսով կապվեցինք Թբիլիսիի հայոց թեմակալ առաջնորդ տ. Գևորգ եպիսկոպոսի հետ հետաքրքրվելով Տիրայր քահանա Կոնսուլյանի մասին, պատասխան ստանալով, թե ոչ մի նոր կացություն չկա նրա կյանքում, որ բնականոն պայմանների մեջ նա շարունակում է իր պաշտոնը իբրև ծխակատար քահանաներից մեկը Թբիլիսիի հայոց առաջնորդանիստ ս. Գևորգ եկեղեցում: Որով Չոփուրյան և Դուրյան վերապատվելիներին ուղարկեցինք հետևյալ պատասխան հեռագրերը փետրվարի 9-ին:

«Վեհափառ Հայրապետը շատ վշտացած է, որ սուտ տեղեկություններ հաղորդված են Ձեզ: Տիրայր Կոնսուլյան քահանան Թիֆլիսում պաշտոնավարում է բնական պայմաններում, գնահատված հավատացյալների, համայնքի և առաջնորդ սրբազանի կողմից: Նա ձեռնադրված է Թիֆլիսի սուրբ Գևորգ եկեղեցու վրա և

ուխտած ընդմիշտ ծառայելու պնդելով: Նրա պաշտոնից հրաժարվելու մասին Մայր Աթոռն ոչինչ չգիտե: Ձեր տեղեկությունները անճիշտ են»:

Բայց, որպեսզի առավել ծանոթանանք հարցին, տ. Տիրայր քահանային հրավիրեցինք Մայր Աթոռ նրանից լուսաբանություն ուզելու համար: Տ. Տիրայր Կոնսուլյան քահանան ներկայացավ Մայր Աթոռ փետրվարի 9-ին: Դիվանատան մեջ նրա հետ խոսեցինք տ. Կոմիտաս արքեպիսկոպոսն ու ես իբրև դիվանապետ: Տ. Կոմիտաս արքեպիսկոպոսը նախկին առաջնորդն է եղել Թբիլիսիի և տ. Տիրայր Կոնսուլյանին քահանա ձեռնադրողը:

Կարճ խոսակցությունից պարզվեց, որ տ. Տիրայր Կոնսուլյան քահանան գոհ է իր աշխատանքից և մտադիր չէ իր ծառայության ուխտը դրժելու և լքելու իր հոտը, բայց միայն իր հայրն է՝ վերապատվելի Կոնսուլյանը իր վրա ճնշում գործում և հրավիրում Ամերիկա: Տ. Տիրայր քահանան լսելով մանավանդ տ. Կոմիտաս արքեպիսկոպոսի հորդորը, վերջնապես խոսք էր տվել, թե կմնա իր պաշտոնի վրա և հաջորդ օրն իսկ Թբիլիսիից հեռախոսով կհայտնի հորը՝ վերապատվելի Կոնսուլյանին, իր պաշտոնի վրա մնալու որոշման մասին: Այսպիսով թվաց, թե ամեն ինչ հստակ էր և քաջալերական: Սակայն մեծ եղավ մեր հուսախաբությունը, երբ երկու օր հետո նույն տ. Տիրայր քահանան հեռագրեց Մայր Աթոռ փետրվարի 11-ին, հետևյալը.

«Մեր հանդիպումից հետո հեռախոսային խոսակցություն տեղի ունեցավ իմ

և հորս միջև: Իմ խիղճը թույլ չի տալիս հակառակ լինել հայրական ցանկության: Վերջնականապես որոշել եմ ընտանիքով մեկնել հորս մոտ մշտական բնակությանը:

Պարզ եղավ մեզ համար, որ Դուք, վերապատվելի, կրկին ազդել էիք Ձեր որդու վրա և պարտադրել նրան, որ ուխտադրուժ լինի և լքի իր համայնքը: Անհավատալի և ցավալի են այս բոլոր իրողությունները: Դուք ինչպե՞ս կարող եք հաշտեցնել Ձեր հոգևորականի խիղճը նման վերաբերմունքի հետ: Եթե հայրական կարոտի հարց է, ապա Դուք ինչո՞ւ լքեցիք Ձեր որդուն և ձեր հոտը Երևանում և այժմ ինչո՞ւ չեք վերադառնում մայր հայրենիք: Եվ Դուք շատ լավ գիտեք, որ Ձեր մեկնումով տուժեց, այո, զգալի չափով տուժեց ձեր ավետարանական եկեղեցին Երևանում: Եվ հիմա ցանկանում եք, որ Ձեր ուխտադրուժ օրինակին հետևի նաև Ձեր որդին, որ ձեռնադրված է Թբիլիսիի ս. Գևորգ եկեղեցու վրա և ուխտած այնտեղ ծառայելու ընդմիջտ և ուր նա լավ է աշխատում, սիրված է հավատացյալների կողմից: Ի սեր Աստուծո, անդրադարձեք, թե ի՞նչ եք անում: Մի օր ի՞նչ պատասխան պիտի տաք Պողոս առաքյալին: Եվ դեռևս բարոյական ծանրակշիռ մի հարց էլ կա, որ պետք է ստիպի Ձեր որդուն չհեռանալու

իր բնական երկրից, որպեսզի չլքի իր առաջին կնոջից ունեցած իր օրինավոր երեք զավակները և այսպիսով չգլորվի իր հարազատ զավակները ուրանալու հակաքրիստոնեական ու հակամարդկային մեղքի մեջ: Սիրելի վերապատվելի, խղճացեք Ձեր որդուն, մի կործանեք նրան Աստուծո և մարդկանց դատաստանի առաջ:

Վեհափառ Հայրապետի վճռական որոշումն է՝ փորձել ամեն գնով համոզել տ. Տիրայր քահանային, որ մնա իր պաշտոնի վրա, բայց եթե նաև նրա քրիստոնեական խիղճը մթազնի Ձեր ճնշումների հետևանքով, այդ դեպքում պիտի գործադրվի Գերագույն հոգևոր խորհրդի որոշումը, Հայաստանից իրենց եկեղեցին ու ժողովուրդը լքող հոգևոր պաշտոնյաների նկատմամբ, նախկինը՝ հայրապետական՝ վճիռով պիտի տնօրինվի նրա կարգալուծումը համաձայն հայ եկեղեցու կանոնների:

«Բայց մեք ոչ եթե երկմտությամբ եմք ի կորուստ, այլ հաւատովք ի փրկութիւն» (Եբր. Ժ 39):

Սիրով ի հրիստոս՝

ԴԻՎԱՆԱՊԵՏ՝

ԱՐՍԵՆ ԵՊԻՍԿՈՊՈՍ ԲԵՐԲԵՐՅԱՆ


Ծ Ա Ն Ո Ւ Ց Ո Ւ Մ

Մայր Աթոռ ս. Էջմիածնի Դիվանը այսու լիազորված է ծանուցելու ի գիտություն Հայաստանյայց եկեղեցու նվիրապետական Աթոռներին և թեմական եկեղեցական իշխանություններին, որ Ամենայն Հայոց Հայրապետի 26 հունիս 1977 թ. վճռով կարգալուծված է արված վրահայոց թեմից տ. Տիրայր քահանա Կոնստյանը, որը 1971 թվականին ձեռնադրված լինելով Թբիլիսիի սուրբ Գևորգ եկեղեցու վրա, այժմ դրժել է իր ծառայության ուխտը և լքել իրեն վստահված հոտը, առանց հարգելի պատճառի և առանց հոգևոր վերին իշխանությունների արտոնության և հակառակ վերջին տասը ամիսների ընթացքում բազմիցս նրան եղած հորդորներին և նախազգուշացումներին վրահայոց թեմակալ եպիսկոպոսի և Մայր Աթոռի կողմից:

Վերոհիշյալ կարգազուրկ քահանան դատվում է աշխարհականների շարքը իր նախկին՝ Ժիրայր Կոնստյան անունով:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
28 հունիս 1977 թ.



ԵԿԵՂԵՑԱԿԱՆ ԲԵՄ. ԼՈՒՐԵՐ

Հունիսի 1-ին, չորեքշաբթի.—Այսօր ուխտավորաբար Մայր Աթոռ ժամանեց Անգլիայի հայոց հայրապետական պատվիրակ տ. Ներսես եպս. Պոզապալյանը, որը մայիսի 22—29 օրերին մասնակցել էր Անթիլիասում Մեծի Տանն Կիլիկիո աթոռակից-կաթողիկոսի ընտրության և օծման հանդիսություններին՝ որպես Մայր Աթոռի պատգամավոր:

*
* *

Նույն օրը, երեկոյան ժամը 20-ին, Վեհաբանի հանդիսությանց դահլիճում միաբանները ստիժը ունեցան դիտելու 1976 թվականի սեպտեմբերի վերջերին Մայր Աթոռում կատարված սրբալույս մեռոնի օհնության և Վեհափառ Հայրապետի գահակալության 20-ամյակի հանդիսություններին նվիրված գունավոր կինո-ժապավենը:

Ծարձապատկերը դիտեցին նաև Մայր Աթոռում գտնվող պոլսահայ ուխտավորները:

*
* *

Հունիսի 3-ին, ուրբաթ.—Այսօր, երեկոյան ժամը 19-ին, Վեհաբանում, Վեհափառ Հայրապետի նախագահությամբ, գումարվեց Գերագույն հոգևոր խորհրդի հերթական նիստը, որին նրավիրվել էր ներկա լինելու տ. Ներսես եպս. Պոզապալյանը: Վեհափառ Հայրապետը հատենի ժողովի ողջունեց տ. Ներսես եպիսկոպոսի ներկայությունը: Ապա խոսք առավ տ. Ներսես եպիսկոպոսը և համատուտակի, բայց ամբողջական ձևով զեկուցեց մայիսի 22—29 օրերին Անթիլիասում կատարված Մեծի Տանն Կիլիկիո աթոռակից-կաթողիկոսի ընտրության և օծման հանդիսությունների մասին, որոնց նա մասնակցել էր որպես Մայր Աթոռի պատգամավոր:

Գերագույն հոգևոր խորհուրդը իր գոհունակությունը արձանագրեց տ. Ներսես եպիսկոպոսի շահեկան զեկույցման առիթով:

*
* *

Հունիսի 5-ին, Կիրակի.—Այսօր Մայր տաճարում ս. պատարագ է մատուցում տ. Նշան քհն. Բելլերյանը:

*
* *

Հունիսի 6-ին, երկուշաբթի.—Տօն սրբ-
բոց կուսանացն Հռիփսիմեանց.

Այսօր ս. Հռիփսիմե տաճարում ս. պատարագ է մատուցում տ. Հովսեփ քհն. Հակոբյանը և «Հայր մեր»-ից առաջ քարոզում՝ «Զի մահուամբ ձերով մեզ ճանա-
պարհ հորդեցիք. ելանել ամենայն մարդոյ առ Աստուած» (Ծարական) բնաբանով:

Հավարտ ս. պատարագի կատարվում է հոգեհանգստյան մասնավոր պաշտոն՝ վանքի վերակառուցման բարերարներ Հյուսիսյան և Մարտիկյան գերդաստանների ննջեցյալների հիշատակին:

*
* *

Հունիսի 7-ին, երեքշաբթի.—Տօն սրբ-
բոց կուսանացն Գալիանեանց.

Այսօր ս. Գալանե վանքի տաճարում ս. պատարագ է մատուցում վանքի վանա-
հայր տ. Գուրգեն քհն. Աշուրյանը: «Հայր մեր»-ից առաջ քարոզում է տ. Արտակ քհն. Միմոնյանը՝ «Առաքեա՛ Տէր, զլոյս քո և զճշմարտութիւն քո, զի առաջնորդեցես ինձ և հանցեն զիս ի լեռն սուրբ և ի յարկս քո» (Սաղմ. ԽԲ 3) բնաբանով:

Հավարտ ս. պատարագի կատարվում է հոգեհանգստյան պաշտոն՝ «վասն համօրէն ննջեցեալ կաթողիկոսաց, եպիսկոպոսաց, վարդապետաց, սարկաւազաց և ամե-
նայն ոխտի մանկանց Հայաստանեայց եկեղեցոյ»:

*
* *

Հունիսի 9-ին, հինգշաբթի.—Տօն սրբ-
բոյն Յովհաննու Կարապետին և Աթանա-
գիենայ եպիսկոպոսին.

Եկեղեցական հանդես ի վանս ս. Շողակաթի.

Այսօր, օրվա տոնի առիթով, վանքի եկեղեցում ս. պատարագ է մատուցում տ. Գրիգոր քհն. Փանոսյանը և «Հայր մեր»-ից առաջ քարոզում՝ «Տէր լոյս իմ և կեանք իմ, ես յումմէ՛ երկեաց. Տէր սպաւէն կեանց իմոց, ես յումմէ՛ դողացայց» (Սաղմ. ԻԶ 1) բնաբանով:

Հավարտ ս. պատարագի կատարվում է հոգեհանգստ՝ վանքի վերանորոգության բարերար, նորոգ հանգուցյալ Սուրեն Քալենտերյանի հիշատակին:

*
* *

Հունիսի 11-ին, շաբաթ.—Տօն սրբոյն
Գրիգորի Լուսաւորչին մերոյ ելն ի Վի-
րապէն.

Այսօր Մայր տաճարում, Իջման ս. սեղանի վրա, պատարագ է մատուցում ուխտավորաբար Մայր Աթոռում գտնվող Երուսաղեմի հայոց ս. Հակոբյանց վանքի միաբան տ. Ռուբեն վրդ. Հովակիմյանը:

«Հայր մեր»-ից առաջ քարոզում է պատարագիչ վարդապետը՝ «Ուրախ եղե ես ոյք ասէին ցիս ի տուն Տեառն երթի-
ցուք մեք» (Սաղմ. ՄԻԱ 1) բնաբանով:

*
* *

Հունիսի 12-ին, կիրակի.—Տօն կաթու-
ղիկէ ս. Էջմիածնի.

Այսօր, օրվա մեծ տոնի առիթով, Մայր տաճարում, Ավագ սեղանի վրա, հանդիսավոր պատարագ է մատուցում Մայր տաճարի լուսարարապետ տ. Հուսիկ եպս. Սանթրոյանը: «Հայր մեր»-ից առաջ քարոզում է Վեհափառ Հայրապետը՝ «Էջ Միածինն ի Հօրէ և լոյս փառաց ընդ նմա» շարականի բնաբանով՝ վեր հանելով հայ եկեղեցու կյանքում և հայ ժողովրդի պատ-
մության մեջ Մայր Աթոռ ս. Էջմիածնի կատարած հոգևոր, մշակութային, հայրե-
նասիրական լուսավոր առաքելության մա-
սին, ս. Գրիգոր Լուսավորչի օրերից մինչև մեր ժամանակները:

Հավարտ ս. պատարագի, Վեհափառ Հայրապետի հանդիսադրությամբ, կատարվում է Հայրապետական մաղթանք:

Հունիսի 14-ին, երեքշաբթի.—Այսօր, առավոտյան, հոգևոր ճեմարանի ուսանողությունը տեսչի և դասախոսական կազմի գլխավորությամբ քառօրյա ուխտագնացության մեկնեց Այց-Արշակունիների դամբարան, Թալինի, Մաստարայի, Հատինի, Մարմաշենի, Օձունի, Հնեվանքի, Սանահրենի, Հաղբատի և Քոբայրի վանքեր և Հայաստանի հյուսիսային շրջանների պատմական հուշարձաններ ու քաղաքներ: Հունիսի 17-ին ուսանողությունը վերադարձավ Մայր Աթոռ՝ անցնելի տպավորություններով:

Հունիսի 19-ին, կիրակի.—Այսօր Մայր տաճարում ա. պատարագ է մատուցում տ. Մոմիկ վրդ. Սարգսյանը և «Հայր մեր»-ից առաջ քարոզում՝ «Ծանաչել զիմաստութիւն և զխրատ, իմանալ զքանս հանճարոյ» (Առակք Ա. 1) բնաբանով:

Հավարտ ա. պատարագի կատարվում է հոգեհանգստյան պաշտոն՝ բեյրութահայ վաստակավոր ուսուցիչ և հասարակական գործիչ, նորոգ հանգուցյալ Գրիգոր Պողարյանի հիշատակին:

Հունիսի 25-ին, շաբաթ.—Գիտ Նշխարաց սրբոյն Գրիգորի Լուսաւորչին մերոյ.

Այսօր Մայր տաճարում ա. պատարագ է մատուցում ուխտավորաբար Փարիզից ժամանած Մայր Աթոռիս միաբան տ. Գրիգորիս վրդ. Բունիաթյանը:

Հունիսի 26-ին, կիրակի.—Այսօր Մայր տաճարում ա. պատարագ է մատուցում ուխտավորաբար ա. Էջմիածին ժամանած Դամասկոսի հայոց առաջնորդ տ. Ոսկան ծ. վրդ. Գալքակյանը և «Հայր մեր»-ից առաջ քարոզում՝ «Արդ եկաք հաւատացեալք և կոչեցեալք յորդեգրութիւն սրբոյն Գրիգորի» (Ծարական) բնաբանով:

Հունիսի 29-ին չորեքշաբթի.—Այսօր, երեկոյան ժամը 20-ին, Վեհաբանում տեղի ունեցավ Մայր Աթոռի միաբանների հերթական հավաք, որի ընթացքում Վեհափառ Հայրապետը ողջերթի հայրական խոսք է ասում տ. Հակոբ արք. Գրլընճյանին, որը ուսանելու պիտի մեկնի Գերմանիա:

Ապա՝ «Կանոնի փիլիսոփայական հայացքների տեսությունը» թեմայով իր երրորդ զեկուցումն է կարդում ուխտավորաբար Մայր Աթոռում գտնվող արեւմտահայ Ստեփանոս Զազալյանը:

Դասախոսությանը ներկա էր նաև Վեհափառ Հայրապետը:

Հունիսի 30-ին, հինգշաբթի.—Տօն Սըրբոց Թարգմանչացն մերոց Սահակայ և Մեսրոպայ.


Այսօր Օշական գյուղում, ա. Մեսրոպ Մաշտոցի աճյունն ամփոփող եկեղեցում, ա. պատարագ է մատուցում ուխտավորաբար ա. Էջմիածնում գտնվող ԱՄՆ-ի հայոց արևելյան թեմի Հայ եկեղեցասեր երիտասարդաց կազմակերպության ղեկավար և Ուեստչեստերի հոգևոր հովիվ տ. Գարեգին քհն. Գաապարյանը:

«Հայր մեր»-ից առաջ պատարագիչը հայրենաշունչ և ոգևորիչ քարոզ է խոսում՝ «Ծանաչել զիմաստութիւն և զխրատ, իմանալ զքանս հանճարոյ» (Առակ. Ա. 1) բնաբանով:

Ա. պատարագին ներկա էր նաև Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը:

Ա. պատարագի երգեցողությունը կատարվում է ամերիկահայ երիտասարդաց կազմակերպության մասնակցությամբ:

Հավարտ ա. պատարագի Վահան Ամատունի մեծ իշխանի դամբարանի վրա կատարվում է հոգեհանգստյան պաշտոն՝ ինչպես հայրենակներ իշխանի, այնպես էլ այս եկեղեցու վերակառուցման քարերարներ Հայկ և Թորգոմ Դազարոսյանների հիշատակին:



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ՏԱՃԱՐՈՒՄ

Մայիսի 28-ին, շաբաթ օրը, երեկոյան ժամերգությունից հետո, Մայր տաճարում քահանայական ձեռնադրության կոչման արարողություն է կատարվում՝ ձեռամբ Մայր տաճարի լուսարարապետ տ. Հուսիկ եպս. Սանթրոյանի:

Հոգևոր ճեմարանից 1960 թվականի շրջանավարտ Սարգիս արկ. Սարգսյանը, որը 1976—1977 ուսումնական տարում իր հայագիտական ուսումը կատարելագործում էր հոգևոր ճեմարանում, քահանայական ձեռնադրություն ընդունեցին ըստ Ձեռնադրության Մաշտոցի:

Հնչում է «Նալեաց ի մեզ» շարականը: Ավանդատից դեպի իջման ս. սեղանն է առաջնորդվում ձեռնադրող սրբազանը, որին հետևում են նորընծաներ Սարգիս և Վազգեն սարկավազները:

Խարտավիլակի պաշտոնը կատարում է տ. Հակոբ արքեպ. Գրլընճյանը:

Հաճիխավոր հայտարարությամբ նորընծաները հանձն են առնում «ամենայն պատրաստությամբ և առանց ձանձրանալույ կալ ի պաշտօնն Աստուծոյ, և ոչ խափանել զգործըն Աստուծոյ վասն մարմնատր գործոյ»:

Ապա տեղի է ունենում նորընծաների ուղղափառ դավանության հրապարակային խոստովանությունը. «Ունիմք զդաւանութիւն ուղղափառ հաւատոյ... ընդ սուրբ Հայրապետսն...», և խոստանում են աշակերտել ու հետևել Հայաստանյայց եկեղեցու ուղղափառ հայրապետներին և վարդապետներին:

Մայիսի 29-ին, կիրակի. Հոգեգալուստ. առավոտյան ժամը 11-ին Մայր տաճարում սկսվում է ս. պատարագի արարողությունը: Պատարագում է Մայր տաճարի լուսարարապետ տ. Հուսիկ եպս. Սանթրոյանը:

«Զի ողորմած և մարդասէր ես Աստուած» մատթանքից հետո հնչում է «Այսօր Աստուածութիւնն զուարճանայ» ցնծայից շարականը և սկսվում Ձեռնադրության կարգը՝ Ավագ սեղանի առաջ:

Եկեղեցական թափորով Մայր տաճար է իջնում Վեհափառ Հայրապետը՝ ներկա լինելու ձեռնադրության հանդիսությանը:

Մայր տաճարի կամարների տակ հընչում է «Աստուածային և երկնատր շնորհ» հոգևորական կոչման հոգեգմայլ շարականը: Նորընծաները Ավագ սեղանի վրա դառնում են դեպի ժողովուրդը՝ վերամբարձ ձեռքերով, ի նշան աշխարհից իրենց հրաժարման: Ապա երբ դեպի Ավագ խորանն են շրջվում, տ. Հուսիկ եպիսկոպոսն իր ձեռքերը խաչաձև դնում է նորընծաներից յուրաքանչյուրի գլխին և ասում. «Ես դնեմ զձեռս ի վերայ սորա և դուք ամենեքեան աղօթս արարէք, զի արժանի լիցի սա զաստիճան քահանայութեան, անարատ պահել առաջի սեղանոյ Տեառն Աստուծոյ»:

Հետո շարունակվում է ս. պատարագը մինչև «Ողջոյն տուք միմեանց» քարոզը: Նորընծաները օրհնությամբ ստանում են քահանայական փիլոն և պատարագի զգեստներ:

Ձեռնադրության խորհուրդը հասնում է



Ջոնատանյանից մի պահ

իր լրումին, հոգևոր վերացման արբազան բարձունքին, երբ ձեռնադրող արբազանը քահանայական լրիվ զգեստներ հագած երկու նորընծաների ճակատն ու ձեռքերը օծում է արքայույս մեռոնով և նրանց հոգեւորական նոր անուն շնորհում: Սարգիս արկ. Սարգսյանը պահում է իր ավագանի անունը՝ Սարգիս, իսկ Վազգեն արկ. Ասատուրյանը վերանվանվում է տ. Ավագ քահանա: Այնուհետև նորընծա քահանաներն իրենց առաջին օրհնությունն են տալիս ժողովրդին Ավագ սեղանից:

Օծման արարողության ավարտին, օրվա խորհրդի և շնորհաբաշխության առթիվ, հայրական գորովով լցված խրատական է խոսում Վեհափառ Հայրապետը՝ «Եւ ամենեքեան լցան Հոգովն Սրբով» բնաբանով, վեր հանելով նախ Հոգեգալստյան տոնի հոգևոր, պատմական նշանակությունը քրիստոնեական առաջին եկեղեցու կազմակերպչական գործունեության և համաշխարհային քրիստոնեական առաքելության բնագավառում: Այնուհետև Հայոց Հայրապետը բարեմաղթում է, որ նորընծաները,

որպես հայ եկեղեցու նվիրյալ և գիտակից սպասավորներ, իրենց ապագա հոգևոր, եկեղեցականներ, հայրենասիրական առաքելության մեջ միշտ տոգորված լինեն տ. Հոգու զորությանը և մեր նախնաց վերանորոգիչ հավատքով:

Նույն օրը, երեկոյան ժամերգության ժամանակ, Մայր տաճարում կատարվում է վեղարի տվչության կարգ նորընծա տ. Ավագ արքեպի:

Համապատասխան աղոթքներով և ս. Գրական ընթերցումներով տ. Հուսիկ եպիսկոպոսը նորընծայի գլխից հանում է հին մարդը խորհրդանշող սարկավազական «ջրբունը» և այն փոխարինում կուսակրոն քահանայությունը խորհրդանշող հայ եկեղեցու վեղարով:

Նորընծա տ. Ավագ արքեպ. Ասատուրյանը և նորընծա տ. Սարգիս քհն. Սարգսյանը իրենց քահանայական ձեռնադրության քառասունըր կանցկացնեն Մայր Աթոռում, հոգևոր վարժության ներքո լուսարարապետ տ. Հուսիկ եպիսկոպոսի:

Տ. ԱՎԱԳ ԱՐԵՂԱ ԱՍԱՏՈՒՐՅԱՆ

Նորընծա տ. Ավագ արքեպան ծնվել է Բաղրադրում 1942 թվականին. ավագանի անունով՝ Վազգեն:

Նա իր նախնական կրթությունն ստացել է տեղի հայոց Թարգմանչաց և Սվաճյան ազգային վարժարանում: Ապա հաճախել է Հիսուսյան քոլեջ և Ալ-Հիքմա համալսարան: 1968-ին մեկնել է Միացյալ Նահանգներ՝ իր ուսումը կատարելագործելու համար, և սովորել ս. Փրոքսիմիոս քոլեջում ու, 1970 թվականին այն ավարտելով փայլուն հաջողությամբ, ստացել է «Պսակավոր Սրվեստից» տիտղոս: Ապա հետևել է Նյու Օռլեան Թուրեյն համալսարանի փիլիսոփայական դասընթացներին և վկայվել փիլիսոփայական մագիստրոսի գիտական աստիճանով 1971 թվականին:

1973 թվականից նա հաճախել է Նյու Յորքում ս. Վլադիմիր օրթոդոքս համալսարան և այն ավարտել 1976-ին՝ «Աստվածաբանական մագիստրոս»-ի տիտղոսով՝ ավարտաճառ ներկայացնելով «Ա. Գրիգոր Նարեկացին որպես միստիկ»:

1975-ին սարկավազ է ձեռնադրվել Նյու Յորքի հայոց ս. Վարդան եկեղեցում՝ ձեռամբ թեմակալ առաջնորդ տ. Թորգոմ արքեպ. Մանուկյանի:



1976-ի սեպտեմբերին ժամանում է Մայր Աթոռ. նա, իբրև ազատ ուկնդիր, հետևում է հայագիտական և հայ եկեղեցագիտական դասընթացներին հոգևոր ճանապարհում

և միևնույն ժամանակ անգլերեն լեզու դասավանդում:

1977-ի մայիսի 29-ին, Հոգեգալստյան տոնի օրը, ձեռնադրվում է կուսակրոն քահանա:

Տ. ՍԱՐԳԻՍ ԲԱՀԱՆԱ ՍԱՐԳՍՅԱՆ

Նորընծա տ. Սարգիս քահանան ծնվել է 1939 թվականին Սիրիայի Հալեպ քաղաքում: Նախնական կրթությունը ստացել է տեղի Կիլիկյան հայոց վարժարանում: Ապա երկու տարի սովորել է Կիպրոսի Մելքոնյան կրթական հաստատությունում: 1956-ին ընդունվել է ս. Էջմիածնի հոգևոր ճեմարան, 1957-ին տ. Սահակ արքեպիսկոպոսի ձեռամբ սարկավագ է ձեռնադրվել: 1960-ին մեծ հաջողությամբ ավարտել է հոգևոր ճեմարանը և, իր աստվածաբանական ուսումը շարունակելու համար, մեկնել ԱՄՆ և ընդունվել Քեմբրիջ քաղաքի եպիսկոպոսական աստվածաբանական դպրոց: Մեկ տարի հետո փոխադրվել է Նյու Յորքի «Չեմբրլի Թեոլոգիկլ» սեմինարիա և այն ավարտել 1965-ին:


1965—1967 թթ.՝ Պրովիդենսի հայոց եկեղեցու հովվի օգնական: Այնուհետև, 1967-ին Սան Ֆրանցիսկոյի հայոց ս. Հովհաննես եկեղեցում ծառայելով, միաժամանակ հետևել է քաղաքային համալսարանում գրադարանային գիտության և 1969-ին



հեռակա կարգով ավարտել Զիկագոյի «Գրքիչը ինստիտուտ»-ի անգլերեն լեզվի բաժինը:

1973-ին վերադառնում է Մայր Աթոռ և նշանակվում հոգևոր ճեմարանի ավագ վերակացու և դասախոս:

Նորընծա տ. Սարգիս քին. Սարգսյանը և տ. Ավագ արեղա Ասատուրյանը գտնվում են իրենց հոգևոր և մտավոր ուժերի զարգացման խոստումնալից շրջանում: Երկուսն էլ պատրաստված և իրենց հոգևոր կոչման բարձրության գիտակցություն ունեցող նորընծաներ են:

«Էջմիածին» ամսագրի խմբագրությունը ջերմորեն շնորհավորում է նրանց քահանայական ձեռնադրությունը այն հուսադրիչ լավատեսությամբ, որ նրանք իրենց սպագա եկեղեցանվեր ծառայությամբ կարողացնեն Հայոց Հայրապետի բարձր վստահությունը և կոստանան «մշակք սուսնց ամօթոյ» Տիրոջ ազգու ծառայության մեջ, ինչպես նաև հայ եկեղեցու հոգևոր սպաավորության նվիրական ասպարեզում:





ԱՄԱՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հունիսի 12-ին, երկուշաբթի օրը, ժամը 11-ին, Վեհափառ Հայրապետի նախագահությամբ, հոգևոր ճեմարանի հանդիսությանը դահլիճում տեղի ունեցավ 1976—1977 ուսումնական տարվա ամավերջի հանդիսությունը, որին ներկա էին Մայր տաճարի լուսարարապետ տ. Հուսիկ եպս. Սանթրոքյանը, ս. Գեղարդ վանքի վանահայր տ. Վահան եպս. Տերյանը, Մայր Աթոռի միաբանությունը, ճեմարանի դասախոսական կազմը և ուսանողությունը, մայրավանքի պաշտոնեությունը և այլ հրավիրյալներ:

Ակավում է հանդիսությունը թիվ արտասանված Տերունական աղոթքով, որին հաջորդում է Հայաստանի պետական հիմնի նվազը:

Հոգևոր ճեմարանի փոխտեսուչ տ. Անանիա վրդ. Արաքսյանը կատարում է ամավերջի հանդիսության բացումը:

Այնուհետև ճեմարանի երգչախումբը կատարում է գեղարվեստական բաժնի ծրագիրը՝ բաղկացած խմբերգերից, արտասանություններից և մենամկազներից:

Երգչախումբը ոգևորությամբ կատարում է «Ճեմարանի քայլերգ»-ը, «Էջ Միածինն ի Հօրէ», «Որք զարդարեցին» շարականները, «Հողալլո», «Հոյ Նար» (Կոմիտաս—Համբարձում Բերբերյան), «Մայր տաճարին» (խոսք և երաժշտություն՝ Սամվել Գեվորգյանի), «Այագյազ և քեզի մեռնիմ» (Կարա-Մուրզա) խմբերգերը:

Գլխավորում ուսանող Բյուզանդ սրկ. Գալայջյանը, ի դեմս հոգևոր ճեմարանի ուսանողության, կարդում է Հայոց Հայրապետին ուղղված որդիական երախտագիտության և շնորհակալության ջերմ ուղերձ:

«Ավարտվել են արդեն դասերը, և մեր՝ ճեմարանականներին հոգիները լի են բերկրանքով ու խանդավառությամբ, քանի որ հաջողությամբ ենք պսակել այս ուսումնական տարին ևս»: Նա, խոսքը ուղղելով տեսչական և դասախոսական կազմին, ասում է. «Մենք զգում ենք և գիտենք, որ դուք հույսեր եք կապել մեզ՝ ճեմարանականներին հետ, և ես ուսանողության անունից վստահեցնում եմ ձեզ, որ հավատաք մեզ, որ ձեր հույսերը և ջանքերը ի դերն չեն անցնի: Ձեր ճակատի քարացած ակունքները մեր կյանքի գարունը ապրող երիտասարդներին հոգիներում և ուղեղներում պիտի լինեն թարմ ու կենդանացած: ...և միշտ ու միշտ հրաֆրելու մեզ, որ աշխատենք հանուն մի վեհ նպատակի, հանուն Հայաստանյայց եկեղեցու հոգևոր սպասավորության և պայծառության: ...Եվ դուք, սիրելի դասախոսներ, անխնա և անդուլ կերպով աշխատում եք և մեր հոգիներում ցանում ու անեցնում պարտականություններ այնպիսի իդեալների, ինչպիսիք են՝ հայրենի հող, մայրենի եկեղեցի և հայ ժողովուրդը:

Մենք գիտենք մեր պատմությունից, որ մեր բարի և շինարար ժողովուրդը միշտ ստեղծագործել է իր նեղ օրերին, քանի որ անցյալում մայրամուտ է եղել Հայաստան աշխարհում, և կրել է օտարի դաժան լուծը, իսկ այսօր արշալույս է Հայաստանում, և մենք՝ հայորդիներս, առաջ գնալով հիմնավորելու ենք մեր գոյությունը: Այստեղից է սկիզբ առել հայ դպրությունը: Յուրաքանչյուր ճեմարանական զգում է իր մեջ, որ ինքն է շարունակելու այդ մեծ գործի մի մասը՝ հովանավորությամբ աստվածա-

նիմն Մայր Աթոռիս և այս սրբազան հաստատության:

Այս Ա լսարանի ուսանող Վահրամ Տերտերյանը, Հովհաննես Գրիգորյանը (Գ դասարան), Արա Շուկյանը (Ա լսարան), Հրաչ Օղյուզյանը (Ա լսարան), Վաչագան Ավետիքյանը (Ա լսարան), Արա Տազնյանը (Ա դասարան), Վաչե Բոգոյանը (Ա դասարան), Վարդգես Ավագյանը (Գ դասարան) հանդես են գալիս հայերեն, ռուսերեն, անգլերեն արտասանություններով և դաշնամուրային մենանվագներով:

Այնուհետև հանդես եկավ հոգևոր ձեռարանի տեսուչ տ. Հովհաննես ավագ քին. Մարությանը՝ 1976—1977 ուսումնական տարվա հաշվետու զեկուցումով՝ ներկայացնելով մեկ տարվա համառոտ, քայքայ ամբողջական պատկերը հոգևոր ձեռարանից ներս տարվող ուսումնական-դաստիարակչական աշխատանքների:

Իր զեկուցագրում տեսուչ հայրը ներկայացրեց 1976—1977 ուսումնական տարվա ուսանողների թիվը՝ ըստ լսարանների և դասարանների.

Գ լսարան՝ 5 ուսանող

Ա լսարան՝ 6 »

Գ դասարան՝ 8 »

Ա դասարան՝ 6 »

Ուսանողներից 17-ը օտարաճախականներ են՝ Լիբանանից, Սիրիայից, Ռումինիայից, ԱՄՆ-ից, իսկ մնացածը՝ Հայաստանի և հարևան եղբայրական հանրապետություններից ու շրջաններից:

Այս տարի ձեռարանը չի ունեցել Բ լսարան և Բ դասարան:

Իրենց ձեռարանական ուսումն արդեն ավարտել են Գ լսարանի 5 ուսանողներ, որոնցից երկուսը, հայոց լեզվի ավարտական գրավորից ձախողվելու պատճառով, չեն մասնակցել քննություններին: Տեսչությունը հիշյալներին հնարավորություն կտա քննությունները հանձնելու առաջիկա ուսումնական տարվա սկզբին:

Նախկին շրջանավարտ ուսանողներ Միսակ սրկ. Մարգարյանը, Կիրակոս սրկ. Հովհաննյանը և տ. Թադեոս քին. Ավագյանը իրենց ավարտական քննությունները հանձնեցին այս ուսումնական տարվա վերջին:

Այս տարի էլ ձեռարանի դասախոսական կազմը գլխավորել է Վեհափառ Հայրապետը: Հոգևոր ձեռարանի տեսչական և դասախոսական կազմում տեղի են ունեցել որոշ փոփոխություններ: Վեհափառ Հայրապետի բարեհաճ կարգադրությամբ հրավիրվել են նաև նոր դասախոսներ՝ պատմական գիտությունների թեկնածու դոցենտ Սիմոն Կրկյաշարյանը՝ որպես հայ ժողո-

վորդի պատմության դասախոս, Վազգեն սրկ. Ասատուրյանը և Միքայել սրկ. Չլալյանը՝ որպես անգլերեն լեզվի դասախոսներ, և Հենրի Բալյանը՝ որպես վերակազմ: Դարձյալ Վեհափառ Հայրապետի հանձնարարությամբ ձեռարանի փոխտեսչի պաշտոնը հանձնվեց տ. Անանիա վրդ. Արաքսյանին, որը այս տարի վերադարձավ Մայր Աթոռ Զագորսկից, իր աստվածաբանական կրթությունը ստանալուց հետո:

Տեսուչ հայրը շեշտեց նաև, որ դասախոսական կազմը բարեխղճորեն կատարել է իր վրա դրված լուրջ պարտականությունը և ոչ մի ջանք չի խնայել՝ ուսանողներին ոգի, հավատք և նվիրում ներշնչելու իրենց ապագա գործունեության համար:

Հոգևոր ձեռարանի բժիշկն է Հրաչիկ Մանուկյանը, իսկ ձեռարանի գրադարանավարն է Տաճատ Վարդանյանը:

Ուսումնա-դաստիարակչական նպատակների իրագործման համար այս տարի էլ ձեռարանի հարկի տակ կազմակերպվել են մի շարք միջոցառումներ՝ զեկուցումների, հանդիպումների, տոնախմբությունների ձևով: Զեկուցումներից հատկապես կարելի է նշել համաշխարհային եկեղեցական էկումենիկ շարժմանը նվիրված մի շարք թեմաներ.

1.—«Եկեղեցին աշխրվա աշխարհին մեջ», զեկուցող՝ տ. Դավիթ եպ. Սահակյան:

2.—Մալաբար քույր եկեղեցու բարձրատիճան հոգևորական տ. Պատյոս Մար Գրիգորիոս միտրոպոլիտի հետևյալ երեք զեկուցումները.

ա. «Էկումենիկ շարժումը և արևելյան ուղղափառ եկեղեցիների մասնակցությունը այդ շարժմանը»:

բ. «Արևելյան ուղղափառ եկեղեցիների դիրքը եկեղեցիների միության հարցում մեր օրերում»:

գ. «Ավանդության և աստվածաբանության դերը միության հարցում»:

3.—«Մալաբար եկեղեցու պատմությունը և դավանանքը». զեկուցող՝ աստվածաբանական գիտությունների դոկտոր, Մայր Աթոռի միաբան Վրեժ սրկ. Ներսիսյան:

Ազգային, եկեղեցական, պատմական, ազգագրական, հայագիտական և բնագիտական ու աստղագիտական թեմաների շուրջ դարձյալ ավելի քան 10 շափեկան զեկուցումներ են կարդացվել այս տարի հոգևոր ձեռարանի հարկի տակ:

Ձեռարանի ուսանողների կյանքը հետաքրքիր դարձնելու նպատակով այս ուսումնական տարում կազմակերպվել են նաև եռօրյա ձմեռային շրջապտույտներ և այցելություններ՝ Աղվերան, Խորվիրապ,

Երևանի պետական պատկերասրահ, թանգարան, ձեռագրաց մատենադարան, Մարտիրոս Սարյանի տուն-թանգարան և այլուր: Ուսանողները ետ չեն մնացել նաև կուլտուրական միջոցառումներից՝ կինոյից, թատրոնից, երաժշտական ներկայացումներից՝ Էջմիածնի և Երևանի համերգային դահլիճներում:

Ա. Ստեփանուի տոնին Հուսիկ եպս. Սանթրոյանի ձեռամբ սարկավագ են ձեռնադրվել Գ լսարանի ուսանողներ Բյուզանդ Գալաջյանը և Գրիգոր Հաջյանը: Ուրարակության աստիճան է շնորհվել Ա լսարանից Վաչագան Ավետիսյանին, Մըկերտիչ Դիշիքըրըքյանին, Խաչիկ Խարազյանին, Արա Ծլուկյանին, Հովսեփ Պալըզյանին, Տիգրան Սահրադյանին, Վահրամ Տերտերյանին և Հրաչ Օղլուգյանին, իսկ դպրության աստիճան՝ Գ դասարանի ուսանողներ Վարդեն Ավագյանին, Հովհաննես Գրիգորյանին, Ստեփան Դավթյանին, Վոսմաշատի Հակոբյանին, Բորիս Մալյանին, Ազատ Մանդալյանին և Օնիկ Կյուզելյանին:

Համառոտ այս գեկուցումից հետո տ. Հովհաննես ավագ քահանան շնորհակալական խոսք է ուղղում Մայր Աթոռի միաբանությանը, պաշտոնեյաները, բարերարներին և բոլոր նրանց, ովքեր իրենց նյութական և բարոյական օժանդակությամբ սատարել են ճեմարանի աշխատանքներին:

Տեսուչ հայրը տեսչության և դասախոսական կազմի կողմից շնորհակալություն հայտնեց Վեհափառ Հայրապետին՝ Նրա հայրական ջերմ վերաբերմունքի համար կրթական այս կարևոր հաստատության հանդեպ: Նորին Սուրբ Օծությունն Իր գահակալության քսանմեկ տարիների ընթացքում միշտ էլ ժամանակ է գտել Իր Հայրապետական Աթոռից իջնելու և որպես ուսումնապետ մտնելու ճեմարանի դասարաններից ներս: «Ձեր հայրական հոգածությունը ճեմարանի և մեր հանդեպ բոլորիս հայտնի է: Ի դիմաց տեսչության և դասախոսական կազմի թույլ տվեք համբուրել Ձերդ ս. Աջը՝ մաղթելով Ձեզ քաջ առողջություն և բեղմնավոր նորանոր տարիներ»:

Այնուհետև տեսուչ հայրը Նորին Սրբությանն է ներկայացնում 1976—1977 ուսումնական տարվա այն առաջադեմ ուսանողներին, որոնք արժանացել են խրախուսանքի և հայրապետական օրհնության: Ուսանողներն աջահամբուրով ստանում են այս ստիթով սահմանված ընծաները:

Գ լսարան.—9,32 միջինով առաջինն է հանդիսանում Սորին սրկ. Մանդալյանը:

9,1 միջինով երկրորդն է հանդիսանում Բյուզանդ սրկ. Գալաջյանը:

Ա լսարան.—8,76 և 8,75 միջիններով առաջինն են հանդիսանում Հրաչ Օղլուգյանը և Վահրամ Տերտերյանը:

8,85 միջինով երկրորդն է հանդիսանում Հովսեփ Պալըզյանը:

Գ դասարան.—8,91 միջինով առաջինն է հանդիսանում Հայկ Չիլինգարյանը:

8,04 և 8,02 միջիններով երկրորդն են հանդիսանում Ստեփան Դավթյանը և Հովհաննես Գրիգորյանը:

Ա դասարան.—8,12 միջինով առաջինն է հանդիսանում Պետրոս Ասողյանը:

8 միջինով երկրորդն են հանդիսանում Հաջիմանուկ Գանձապետյանը և Արա Տազեյանը:

Օրինակելի վարքի համար տեսչությունը ներկայացնում է պարզևատրման երկու ուսանողների՝ Ա լսարանից Հովհաննես Ղազարյանին և Գ դասարանից Հովհաննես Գրիգորյանին:

Մայրենի լեզվի մեջ գերազանց առաջադիմություն ցուցաբերելու համար պարգևատրման է ներկայացվում Սորին սրկ. Մանդալյանը:

Տեսուչ հոր հրավերով խոսք է առնում նաև Վեհափառ Հայրապետը՝ այս հանդիսավոր առիթով մի անգամ ևս Իր պատգամն ու օրհնությունը տալու տեսչությանը, դասախոսական կազմին և ուսանողությանը: Վեհափառ Հայրապետը կրկին անգամ Իր բարձր գնահատությանն ու հայրական օրհնությանն է արժանացնում հոգևոր ճեմարանի հարկի տակ կատարված նվիրյալ ու բարեխիղճ աշխատողներին:

Վեհափառ Հայրապետը այնուհետև կոչ է անում ուսանողներին, որպեսի նրանք զգան եկեղեցական, ազգային-հայրենասիրական ծառայության գեղեցկությունը և կարևորությունը, որոնց կարիքը շատ է զգում մեր ժողովուրդը՝ Հայաստանում և ի սիյուս աշխարհի:

Հանդիսությունն ավարտվում է խմբովին երգված «Հայր մեր»-ով և Վեհափառ Հայրապետի «Պահպանիչ»-ով:



ՇԱՀԵ ԱՌՔԵՊԻՍԿՈՊՈՍ ԱԾԵՄՅԱՆ

ՓՐԿՈՒԹՅԱՆ ՀՂԱՅՔԸ—ՈՒՂՂԱՓԱՌ ՄՈՏԵՑՈՒՄՈՎ

Ա. Զատիկի Շրագալույցին և Մեծ պահոց վերջավորության, քառասուն օրերու զոյճումն և աղոթքն ետք, շաբաթ երեկոյան, ուղղափառ բոլոր եկեղեցիները կվառեն մոմերը և կպալթին ուրախության ձայնով, համայնքը ամբողջ կընդունի Հարության պատգամը և կկրկնէ մեկը մյուսին. «Քրիստոս յարեալ ի մեռելոց»:

Տոնական տարվան գերագույն պահն է, ինչպէս նաև տոնակատարություն մը, որ հավատացյալները իսկապէս կմասնակցին կյանքի հաղթանակին մահվան վրա, հըրճվագին ցնծությամբ:

Մեր եկեղեցւո մեջ, Մեծ պահոց քառասուն օրերու շրջանին, խորանները կմնան վարագուրված և հատուկ ժամերգություններ կհրաւիրեն հավատացյալները ապաշխարության և մեղքերու խոստովանության: Զատիկի Շրագալույցը այն պահն է, երբ վարագույրը կբացվի Հարության Ավետարանի ընթերցումով: Սակայն, վարագույրի բացումն և ուրախության պատգամն առաջ, նախագահող եպիսկոպոսը կկարդա Ծննդոց գիրքի առաջին երեք գլուխները—ստեղծումը և անկումը մարդուն, որմն ետք կընթերցվի 117-րդ սաղմոսի 24-րդ համարը. «Այսօր է զոր արար Տէր, եկայք ցնծացուք և ուրախ եղիոք»: Ապա քահանան կկարդա Ծննդոց գիրքի ԻԲ 1—8-էն Աբրահամ և Իսահակի պատմությունը: Կնեռնի ասոր ընթերցումը էլք ԺԲ 1—24-ի մասը, որ է պատեքի հաստատումին, ողջակեզի զոհաբերումին և դուռերու կնքումին պատմությունը:

Ասկէ ետք կկարդացվի Հովնանի ամբողջ գիրքը, Նից գիրքէն ԺԴ 24—ԺԵ 21, Կարմիր ծովու անցքը, որու վերջավորության կվառվին մոմերը և կերգվի Նաայի մարգարեության 60-րդ գլուխը «Լուսաւորեաց, լուսաւորեաց Երուսաղէմ, զի հասեալ է լոյս քոյ»: Ասոր կնեռնին չորս ընթերցումներ.

Յոր ԺԸ, 1—2, Յեսու Ա, 1—10, Բ Թագ. Բ, 1—23 և Եզեկ. ԼԷ 1—14, չորցած ուկորներու տեսիլքը:

Չորս գիրքերու այս ընթերցումն ետք, երիտասարդ դպիր մը կբարձրանա քեմ, կկենա վարագույրին դիմաց, մոմ ի ձեռին, կբանա Դանիէլի գիրքը և կսկսի եղանակով կարդալ երեք մանուկներու պատմությունը (Դանիէլ Գ 1): Եկեղեցիին մեջ գործածված բնագիրը Դանիէլի երկար բնագիրն է, որ Սեդրակ, Միսաք և Հարեդնակով կերգեն Տիրոջ փառաբանանքը հնոցի կրակին մեջ: Այս մասը կերգվի երեք դպիրներու կողմէ, որոնք կկենան քեմին մյուս կողմը և կմիջամտեն ընթերցումին, երգելով այն մասը որ կսկսի այսպէս. «Օրհնեալ ես դու Տէր Աստուած հարցն մերոց»: Վերջավորության դպրաց դասը կշարունակէ երգը՝ սաղմոսերգության երկրորդ մասը, այս անգամ փառաբանական տաղի ձևով, որուն կմասնակցին ներկաները: Գովաբանական երգասացութենն վերջ, վարագույրը կբացվի և սարկավազը կհայտարարէ. «Քրիստոս յարեալ ի մեռելոց, մահուամբ զմահ կոխեաց և յարութեամբն

իրով, մեզ զկեանս պարգեւեաց, նմա փառք յաիտեանս, ամէն»:

Կշարունակվի անմիջապես պատարագը, որո ընթացքին ընթերցումներն են՝ Ա. Կորնթ. ԺԵ. 1—11 և Մատթեոս ԻԷ մինչև Ավետարանին վերջը:

Այս է աստվածաշնչական ենթադրող փրկագործության պատմության: Պատմությունն է ան կյանքին տրված Ադամի և կյանքին վերանորոգված մարդուն մեջ Քրիստոսի հարությանը և սուրբ Հոգիի Գալուստով:

Ան պատմությունն է փրկագործության, հավատացյալին պատմված, ոչ թե աստվածաբանական տեսության մը ձևով, որ փորձեր թափանցել անոր միտքեն ներս և համոզել անոր տրամաբանությունը, այլ ծիսական սարքավորումի մը ձևով, հրավիրելով անոր մասնակցությունը և ամբողջական հաղորդությունը «Սուրբերու համայնք»-ի կյանքին: Հայ եկեղեցին և ուղղափառ եկեղեցիները, ընդհանրապես, թեզած չեն բնավ եկեղեցիի ուսուցումը, «Աստվածաբանական ամբողջություն» (Summa Theologica) մը մեջ, այլ նախընտրած են ուսուցումը, մեկնությունները, բացատրությունները և աստվածաբանական վարդապետությունները կեդրոնացնել ծիսական կյանքին մեջ, որ մասնակցող հավատացյալին բոլոր զգայարանները կրճճեն պաշտամունքային մտածողությունը:

Պրոֆ. Նիսսիդորիս «Ուղղափառ մտածողությունը» իր գիրքին մեջ կըսէ. «Ուղղափառ աստվածաբանությունը, գլխավորաբար, պատասխան մըն է ս. Հոգիի ներգործության: Անոր միջոցավ ս. Երրորդության շնորհքը մշտապես կհայտնվի և կը տարածվի աշխարհի մեջ... խոսակիցը աստվածաբանական ամեն մտածողության մեջ ուրիշ ոչ ոք է բաց միայն Աստված»: Այդ պատասխանը կրնա ըլլալ միայն «պատասխան մը հաղորդության, շնորհակալության... որովհետև անիմանալի Աստուծո ճանաչողությունը կախում ունի միշտ խոր ինքնաճանաչումեն Աստուծո կողմէ ճանչըցված մարդուն»:

Այս է հավանաբար բացատրությունը թե ինչո՞ւ, ուղղափառ մտածումին հավատարիմ մնալու համար, ավելի նկարագրական պիտի ըլլամ քան վերլուծական փրկագործության հոլացքի իմ այս ներկայացումիս մեջ:

Վերադառնանք հնոցի երեք մանուկներու պատմության: Դանիելի գիրքին մեջ, իրականին մեջ, փրկության երկու պատմություններ կգտնենք, երեք մանուկները, որոնք հնոցեն դուրս եկան կենդանի և թագավորը, որ հայտարարեց. «Օրհնեալ է

Աստուած Սեդրակայ, Միսաքայ և Աբեդ-նագով... զի ոչ գոյ Աստուած» (տես գրաբար Աստվածաշունչէն. Դանիել Գ 28—29):

Եկեղեցին ոչ իսկ կկարդա այս մասը. կանգ կառնէ հոն ուր երեք մանուկները դուրս կուգան հնոցի կրակէն, փառաբանելով զիրենք փրկող Աստվածը, որ զորենց իր հրեշտակը հրաշքը կատարելու համար:

Եկեղեցին կընդգծէ չորս զուգահեռներ. **Հնոցը և Խաչը, Հրեշտակը**, հնոցին մեջ և **Մեսիան** խաչին վրա, **Երեք մանուկները** և հավատացյալներու **ժողովը**, հաղթանակը **կյանքին** և Հարությանը ու Հոգեգալուստով սկսված քրիստոնեական **Նոր կյանքը**:

Պիտի փորձեմ փրկության հոլացքը նկարագրել քրիստոնեական կյանքի հետևյալ երեք պահերու ընդմեջէն. Խաչը, Հարությունը և Հոգեգալուստը:

Պողոս առաքյալի հայտարարութենէն ասդին թե «մեր քարոզեցուք զխաչելեալն Քրիստոս» քանզի «զայլակողությունը» եղավ մեր հավատքին հիմնաքարը և անոր գլխավոր արտահայտությունը: Արիոսական և Նեստորական վեճերը կեդրոնացած էին այն հարցին շուրջ թե արդո՞ք ս. Երրորդության երկրորդ անձը, Աստուծո Որդին, ճշմարիտ Աստված «խաչեցաւ, թաղեցաւ և յարեաւ» մարդկային և աստվածային իր գույգ հանգամանքով: Եկեղեցիին պատասխանը եղավ «այո», Քաղկեդոնի ժողովէն ետք՝ ավելի՛ շեշտակի կերպով, բաց մանավանդ իսլամության ծնունդէն ետք:

Հայ եկեղեցին պետք զգաց իր այս հասկացողությունը պաշտպանելու երկու ճակատներու վրա. քաղկեդոնական մեկնության դէմ քյուզանդական եկեղեցիին կողմէ և իսլամական խաչամերժության դէմ՝ պայքարելով «Երևութական» Եվսիքեսի դէմ: Հայերը նայեցան խաչին իբրև Աստուծո գործություն, պաշտպանություն և փրկություն իր ժողովրդին: Քաղկեդոնականներուն պատասխանեցին հարց տալով թե՞ եթե մարմնացալ Աստված չխաչվեցալ մարդկային և աստվածային իր միակ բնության մեջ, ինչպե՞ս կրնար ապահովված ըլլալ մարդկային ազգի փրկագործությունը: Եվ պահեցին «Սուրբ Աստուած»-ին մեջ «որ խաչեցար վասն մեր»-ը (Ռվմհի Բ ժողով, 554 թ.), կոչելով խաչը «աստուածընկալ ս. Նշան» երբ Հուստինիանոս ընդունեց 553-ին Սկյութական բանաձևը: «Մին ս. Երրորդութենէն զոհվեցալ խաչին վրա»:

Կոստանդին Մեծէն սկսյալ, խաչը նրկատվեցալ իբրև նշանը եկեղեցիի հաղթանակին աշխարհի մեջ և փրկությունը Հոռ-

մեական կայսրության, նման Իսրայելի փրկության եզիպտոսեն: Խաչի գործությամբ փրկությունը հասկցվեցավ իբրև հաստատումը Աստուծո թագավորության՝ եկեղեցիին, նկատված իբրև Նոր Իսրայել, գրեթե Բրիտանի արլամբ: Խաչի գործությունը հասկցվեցավ իբրև Աստուծո «Նյութական» միջամտությունը, պաշտպանելու իր ժողովուրդը և ապահովելու անոր հաղթանակը: Բրիտանական աշխարհին մեծ երազը առաջին երեք համաեկեղեցական ժողովներուն, մինչև հինգերորդ դարու կեսերը, տեսավ ամբողջ մարդկության փրկությունը իբրև բրիտանացունք բոլոր ազգերուն, իրականացումովը մարգարեություններուն որոնք նկարագրած էին ազգերու մեկտեղումը, կազմելու համար Նոր Երուսաղեմը: Այս էր պատճառը որ Հերակլիոս պատերազմեցավ պարսիկներուն դեմ որոնք խաչափայտը տարած էին իբրև ավար և ետ բերավ զայն հաղթականորեն: Խաչը այնտեղ խորհրդանշիչ մը չէր միայն, այլ ինչպես Աստվածածինը, փրկագործության գործիքը: Ինչպես աստվածամայրը իր մարմինեն տվավ մարմնացյալ Աստուծո, խաչը տվավ միջոցը զոհաբերության:

Այսպես խաչափայտը եղավ մեծ հարգանքի առարկա և շարականները կայսրուական հետևյալ արտահայտության նման նկարագրություններ. «Զօրութիւն սուրբ Խաչի քո Բրիտոս, զոր կանգնեցեր ի փրկութիւն աշխարհի, սա պահեցէ զմեզ յամենայն փորձութենէ»:

Խաչափայտը նկարագրվեցավ իբրև «Տապանակ Ուխտի» և գովաբանվեցավ իբրև «փայտ սրբազան... (մեջբերում Դավիթ Անհաղթի «Բարձրացուցէք-են) ...ժառանգակից Որդւոյն Աստուծոյ»:

Փրկության գաղափարը հասկցված իբրև պահպանությունը Աստուծո իր ժողովուրդին, իբրև Աստուծո թագավորությունը երկրի վրա, խաչին գործությամբ, նմանեցված է ժողովուրդի պաշտպանության անապատի օձերեն Մովսեսի գավազանով, երեք մանուկներու փրկության՝ հնոցի կրակեն Աստուծո միջամտությամբ, իբրև այրող մորենին որմե Աստված խոսեցավ Իսրայելի փրկարարին իբրև Նոր Օրենքի տախտակը, արլան նշանը Եզիպտոսի հրեա տուններուն ճակատին, որ փրկեց անոնց անդրանիկները, մեկ խոսքով, իբրև պաշտպանողական միջամտություն և Աստուծո գործիքը իր ժողովուրդի պահպանման և կյանքին համար: Փրկագործության այս հասկացողությունը նյութականացած խաչով կրնամ կոչել «աստվածաշնչական», «Հին Կտակարանյան» մեկնությունը բրիտանական հավատքին:

Անշուշտ, այս չէր միայն խաչով ըմբռնված փրկության գաղափարը արևելյան բրիտանության կողմե: Այս տեսանկյունեն դիտված փրկագործության երկրորդ հասկացողությունն ալ ունի աստվածաշնչական արմատ, սակայն այսպես մեկնաբանված: Խաչը կնկատվի այստեղ իբրև գերագույն զոհաբերությունը:

Դավիթ Անհաղթ, Ե դարու հապ փիլիսոփան, որ հաշտեցնի թարգմանեց Արիստոտելի և անոր աղեքսանդրյան մեկնիչներու գործերը, գրած է գովաբանական ճառ մը «Վասն խաչի» որ կրնե. «Քանզի, որ խաչն, անդ և խաչեցեալն (մինչև...) ...փրկութիւն»:

Ինչպես կհասկնանք զոհաբերության այս արարքը:

Պատարագի ընթացքին, զինիի ընծայումի ժամանակ գործածված բանաձևը կրնե. «Արքէք ի սմանէ ամենեքեան, այս է արիւն իմ Նորոյ Ուխտի, որ չաղագս ձեր և բազմաց հեղանի ի քառութիւն և ի թողութիւն մեղաց»:

Բրիտանի կողմն հոսող ջուրն ու արլունը նույնպես հասկցված են իբրև մկրտության ջուրը և հաղորդության զինին, «ի քառութիւն և ի թողութիւն մեղաց»:

Արանսան մինչև Մեյնտորֆ, ողղափառ աստվածաբանները ընդգծած են արմատական տարբերությունը փրկագործության երկու հասկացողություններու միջև. արևմտյանը հիմնված փրկագինի գաղափարին վրա և արևելյանը՝ հիմնված հարության գաղափարին վրա:

Հատկապես Ալեքսանդրիո հայրերը փրկագինի գաղափարը մերժեցին, որովհետև նկատեցին զայն լոկ իբրև դատարանական հասկացողություն մը: Մեղքը ըմբռնելով իբրև հանցանք մը, որուն համար զին մը պետք է վճարվի, իսկ փրկագործությունը՝ իբրև ժխտական արարք մը, քանի որ Բրիտանույ ապահովված փրկությունը հասկցված է ոչ ավելի քան հատուցումը պարտքի մը, մեղքերու պարտքին ջնջումը և արարածին հաշտությունը Արարիչին հետ:

Ապաշխարությունը և մեղքերու քալությունը մենք կհասկնանք իբրև հիվանդին դիմումը բժշկին և ոչ թե իբրև դատալարությունը մեղավորին դատալորին առջև: Ան դարձն է անատակ որդիին հայրական խնամքով ապահովված սիրտ թագավորությունն ներս: Մերն է օրենքը, որուն համաձայն եկեղեցին կդատե և կբուժե:

Այս է պատճառը որով ապաշխարության կանոններուն մեջ շեշտը կդրվի աղոթքի և պահքի վրա: Մեծագույն պատիժը զոր քա-

հաճա մը կրնա տալ կախակայումսն է եկեղեցիի խորհրդակատարական կյանքեն:

Աղեքսանդրիոս և Կապադովկիոս հայրերը կտրվեցան մեզի թե խաչը կեցած է մարդեղության և հարության միջև և չի կրնար անջատվիլ մեր փրկության պատմության ամբողջությունեն: Մարդեղությունը, առաջին քայլը փրկագործության ընթացքին, վերածնունդն է աստվածայինին մարդկային բնության մեջ, նոր արարչագործությունն է մարդկային բնության աստվածացումի հեռանկարով:

«Փրկիչը եղավ մարդու Որդի, որպեսզի մարդը ըլլա Աստուծո յորդի» (Իրենիոս): «Ան հաստատեց հաղորդությունը իր միացումովը Ամմահին հետ, որպեսզի մարդը կարենա մաս ունենալ Ամմահությունեն» (Գր. Նյունացի): «Ան մարդացավ, որպեսզի մենք աստվածանանք» (Աթանաս): Ամենն ամփոփ և ամբողջական գրությունը Կապադովկյան հասկացության, Գրիգոր Աստվածաբանի հետևյալ գրությունն է. «Աստված իր վրա առավ մեր ամբողջ էությունը. Ան մեր ցեղի ամբողջությունը կրեց միակ իր անձին մեջ և այդ ընելով, եղավ մեր բնության առաջին պտուղը (երախայրիք):

Ան իրապես ուզեց իր ամբողջության մեջ վերականգնել ինչ որ ինկած էր: Բայց ամբողջ մեր ցեղն իր անկումի մեջ: Ուրեմն ինքզինքն ճուշմացուց Ադամի հետ, իր ամբողջությամբ. Ան տարածեց ինքզինքն, Ինք որ կյանքն իսկ է, մահվան մեջ իսկ, որպեսզի ազատե մեզ մահեն: Ան թափանցեց ամբողջությանը մեջ Մեկին որուն միացուց ինքզինքն, ինչպես պիտի ըներ հոգին մեծ մարմինի մը, տալով կյանք անոր ամբողջության և փոխանցելով անոր կյանք զգացական ճամփով: Անոր համար մարդկային ցեղը կոչված է «Քրիստոսի մարմին» և Անոր անդամները՝ մասերը մարմինին (Ա. Կորնթ. ԺԲ 27), որովհետև Քրիստոս կբաշխվի ամբողջին հավասարապես և միևնույն ատեն կբնակի հատուկ կերպով մեզմե յուրաքանչյուրին մեջ» (De nostris Rectis Doem. Yert. Oratio III. P. G. 89, 1340):

Մարդեղություն, քարոզություն, չարչարանք, խաչելություն և հարություն կծառայեն մեկ նպատակի, կործանումը մեր մեղքերուն, գոր Տերը «Գառն Աստուծո» իր վրա առավ խորհրդներու կատարումով, եկեղեցին կկրկնե ճույն արարքները վերականգնելու համար մարդը իր իսկական բնության մեջ, այնպես ինչպես Աստված ստեղծեց զայն, վերաբերելու համար զայն իր նախնական ճակատագրին, որ է մասնակցություն աստվածային կյանքին, Աս-

տուծո տեսիլքին մեջ, այսինքն աստվածացումի:

Մեղքով աստվածային պատկերը չկորսվեցավ մարդուն մեջ, այլ խաթարվեցավ: Անկման աղետը չվտարեց մարդեն աստվածային իր բնությունը: Մթագնած, ետև նետված, անգիտացված, մոռցված, ան էտ լույսին կկոչվի Քրիստոսի փրկագործ արարքներով: Բոլոր անոնք որոնք կհավատան կրնան ըլլալ մեկ մարմին ի Քրիստոս: Հասնելու համար Աստուծո նմանության, մարդը պետք է վերածնի հոգիեն, որպեսզի ստանա իր փրկությունը իրագործելու ուժը:

Փրկագործությունը միատիկական ու անըկարագրելի կերպով կվերականգնե մարդս իր ամբողջության մեջ: Քրիստոս կոչե մեզ կազմելու «մեկ մարմին», որովհետև, ինչպես կըսե ս. Կյուրեղ. «Ան իր մեջ ուներ ամբողջ բնությունը, փոխակերպելու և վերականգնելու համար զայն իր սկզբնական վիճակին մեջ»:

Այսպես, ուղղափառ աստվածաբանությունը կընդգծե ուղղակի կապը խաչելության և հարության միջև, Քրիստոսի փրկագործ արարքին մեջ: Խաչի մահը սիրո մեծ զոհաբերությունն է հաշտեցումի նպատակով (մարդուն և Աստուծո) միայն ու միայն որովհետև անոր կհետևի հարությունը:

Հարությունը՝ մարդու նկատմամբ Աստուծո վերանորոգ սիրուն երաշխիքն է: Ան կբանա նաև մարդուն առջև աստվածասիրության ճանապարհը: Հարությամբ է որ ծնավ մարդու աստվածացումը Աստուծո տեսիլքին մեջ:

Խաչելության և հարության միջև տարածվող երեք օրերը բյուզանդական և հայկական պատկերագրության մեջ նկարագրված են Քրիստոսի պատկերով, մեծ խաչ մը ձեռքին, իջած դժոխք՝ կյանքի կոչելու Ադամ, Եվան, պատրիարքները և մարգարեները: Այս է հավատամքի մեջ հիշվածը թե «Իջեալ ի դժոխս, ազատեաց զհոգիս»: Այս հավատալիքը կարտահայտեն խաչելության ներգործությունը, իբրև մուտք սատանայի իշխանությունեն ներս և խորտակումը անոր ազդեցությամբ մարդու վրա: Ան պարտությունն է մահվան, մահով, որովհետև եկեղեցիի հայրերը մեղքը նկատեցին իբրև ծառանգական մահկանացություն («Ադամա եմոտ մահ յաշխարհ»), իսկ հարությունը՝ իբրև կյանքի իշխանության վերականգնումը: «Նույնպես և Քրիստոսի ամենեքին կենդանացին» (Ա. Կորնթ. ԺԵ 22):

Ուղղափառ աստվածաբանները կարդացին Կորնթացվոց թուղթը իբրև հիմնական

մեկնությունը հարության խորհուրդին և քիչ ուշադրություն դարձուցին Հոռմեացվոց և Գաղատացվոց թողություն. «Քրիստոս գնեաց զմեզ» (Գաղատ. Գ. 13): Անոնք մեկնեցին փրկագործությունը «փոխաբերաբար» իբրև հաղթանակ մահվան վրա և ճանապարհ դեպի սրբագործում:

Ս. Աթանաս քաավ. «Մենք կմեռնինք միայն ատենվան մը համար, ըստ մեր մարմնի բնության, որպեսզի ավելի լավ հարության մը արժանանանք: Ինչպես հողին նետված սերմերը, չենք ոչնչանար, այլ սերմանված հողին մեջ հարություն պիտի առնենք, մահը վերածված ըլլալով ոչինչի, մեր Տիրոջ շնորհքով»: Եվ Ոսկեբերան կալեցնէ. «Ժիշտ է որ ատաջվան նման կմեռնինք, սակայն չենք մնար մահվան մեջ և ասիկա մեռնիլ չէ: Մահվան ուժը և իրականությունը պարզապես ասոնք են. մեռած մարդ մը կարելիություն չունի ետ վերադառնալու կյանքին: Բայց եթե մահեն ետք, ան կյանք ունենա և ավելին՝ ավելի լավ կյանք մը ունենա, ասիկա մահ չէ այլ ելիս այլ քուն» (Մեքքերված Մեչենտորֆի «Վարժություն քյուզանդական աստվածաբանության» մեջ, էջ 218—219):

Ժառանգելու համար այդ կյանքը խոտացված Քրիստոսի հարությանը, քրիստոնյան պետք է անի «ի Քրիստոս» և ապրի Քրիստոսի կյանքը, ըլլալով ազատորեն. Քրիստոսի մարմնին անդամը: Մկրտությունը, դրոշմը և հաղորդությունը քաջերն են մեր բնության պայծառակերպության առաջնորդը:

Վերականգնելով մեր մեջ աստվածային պատկերը, մենք կըլլանք կատարյալ մարդ, «մարդ» բառին ամբողջական իմաստով: Այս կարելի է միայն ս. Հոգիի ներգործությամբ: Խաչը կիսատանա մեզի կյանք, վերածնվելով ի Քրիստոս: Հարությունը կիսատանա մեզի հալիստենական կյանք, իսկ ս. Հոգիին գալուստը կրանա ճանապարհը դեպի աստվածային պատկերին վերահաստատումը մեր մեջ, այսինքն մեր պայծառակերպումը:

Ուղղափառ եկեղեցին չունի քարոյական և կրոնական կանոններու օրինագիրք մը—նախապատրաստված դեղագիրքերու հավաքածո մը, որ ապահովեր այս հառաջընթացը և մարդուն քաջ առ քաջ ալլակերպումը: Ան ուղղություն կուտա միայն, սնունդ և օրինակ. ուղղություն՝ ս. Գիրքով և հայրերու մեկնություններով, սնունդ՝ ծիսակատարությամբ և խորհրդակատարումով, իսկ օրինակ՝ կատարելության նըմուշ և հավատքի ախտյան հանդիսացող սուրբերով: Ան կմղի մեզ «փնտրելու» հոգին: Գերագույն նպատակը քրիստոնեա-

կան կյանքին գիտակից և անձնական փորձառությունն է սուրբ Հոգիին:

Եկեղեցիի այս առաքելությունը սկսավ ս. Հոգիի էջքով առաքյալներուն վրա և կշարունակվի եկեղեցիին առաքելությամբ: Եկեղեցիին «առաքելականությունը» կրհասկնանք իբրև շարունակությունը Պենտեկոստեին եկեղեցիի կյանքին ներս ավելի քան իբրև հեղինակության աղբյուր:

Մկրտությունը շարականներեն մեկուն մեջ նկարագրված է այսպես. «Այսօր լուծան....., երկունք մահու», իսկ աղոթքը կալեցնէ. «Ջուրն այս...» իսկ դրոշմը, որ կհետևի մկրտության, կկնքե թուր զգայաբանքները ս. մյուսոնով, ընկելու համար մարմինը բնակարան Աստուծո հոգիին:

Այս ևոր մկրտվածը կընդունի ս. հաղորդությունը և կըլլա լման անդամ Քրիստոսի մարմնին: Դուքսեն դիտված, այնպես կրվի թե հակասություն մը կա այն իրողության մեջ թե՛ մեկ կողմեն ս. Հոգին կապահովե վավերականությունը և շարունակությունը խորհրդակատարական կրակքին և մյուս կողմեն, նույն ս. Հոգին կուտա եկեղեցվո յուրաքանչյուր անդամին աստվածային անձնական փորձառության մը կարելիությունը, ազատագրելով զայն մեղքի կապանքներեն և ընկելով զայն անկախ մարդ մը, բոլորովին պատասխանատու իր իսկ փրկության:

Այս «ձգտվածությունը» ինչպես կկոչե զայն Մեչենտորֆ, արտաքին երևույթ է միայն: Աստուծո արքայությունը եկեղեցիի խորհրդակատարական կյանքն է, սակայն պարսպ հոգացում մը կմնա ան եթե յուրաքանչյուր անհատ չպատասխանե անոր կոչին կամովին և չընե ճիգ մը հասնելու անոր կյանքի լրումին: Եկեղեցին մեր վրա կհրավիրե Աստուծո սերը. մեր նախաձեռնությունն է մեր սիրով պատասխանել Աստուծո սիրուն:

Թող քանամ այստեղ փակագիծ մը, ըսելու համար թե երկար դարեր, երբ եկեղեցին գործ ուներ քրիստոնյա պետություններու հետ, Բյուզանդիոն, Հայաստան և Միջին Արևելք, ուրիշ տեսակի ձգտվածություն մը գոյություն ունեցավ միշտ պաշտոնական եկեղեցիին և ցած եկեղեցականության միջև: Չորրորդ դարեն, վանականությունը եղավ ապատանարանը չհամակերպողներուն որոնք հոգևոր կյանքի անձնական իրենց փորձառությամբ ուզեցին հասնիլ քրիստոնեական կյանքի կատարներուն, ինքզինքնին հեռու պահելով տաճարացած եկեղեցիին: Տազնապներու ժամանակ հավատացյալները նախընտրեցին երթալ և խորհուրդ առնել վանականներեն և

սուրբերեն փոխանակ դիմելու վիճաքանող եպիսկոպոսներուն:

Այս է փրկության գաղափարին ուղղափառ հասկացողությունը, ընդհանուր իր գիծերուն մեջ, իբրև վերածնունդ և աճում ի Քրիստոս, մասնակցությամբ իր մարմնացումին, մահվան և հարության, ս. Հոգիի անմիջական ներգործումով անհատական կյանքին մեջ:

Այս պատկերը, թերի ամեն պարագայի, ավելի թերի պիտի ըլլար եթե չեզրափակեի վախճանաբանական հայեցողությամբ փրկության գաղափարին, ինչ որ պիտի կոչեինք փրկություն «Աստուծո հայեցողությամբ»:


Այս իմաստով փրկություն հասկացողությունը ունի երկու տարածք, զոր կրճանք կոչել մարդկային և աստվածային կամ ժամանակավոր և հավիտենական:


Եկեղեցվո բոլոր հայրերը, մանավանդ Կապադովկիացիները, հարսեղ Կեսարացիի գլխավորությամբ, երևակայեցին արարչությունը իբրև շարժում մը դեպի վերջնական լրում մը: Որոգի՞նեսի հակառակ, որ կերևակայեր թե գերագույն կատարելություն որուն կրճանք հասնիլ աստվածային «է»-ին contemplation-ն է, Կա-

պադովկյան հայրերը տեսան վախճանականությունը իբրև հառաջխաղացք մը, սիրո լարված վերելք մը, որ վերջ չունի, որովհետև գերադասը ըլլալով աստվածային՝ չունի վերջ և ապառում և կուտա մեզի «Նոր բաներ» սիրո միության մեջ: Այսպես ուրեմն, վախճանական նպատակը չի պատկանիր ապագային, այլ գոյութենական փորձառություն մըն է, հասանելի ի Քրիստոս ս. Հոգիի շնորհներով:

Խորհրդակատարական կյանքը և խորհրդավորական վանականությունը հիմնըված են այն հավատքին վրա թե վախճանական վերջը «Ներկա» է, արդեն իսկ իրականացած. ատիկա Նոր մարդկությունն է ի Քրիստոս: Ի վերջո, Աստուծո թագավորությունը պիտի պարփակե ամբողջ մարդկությունը, որովհետև խաչի զոհաբերությունը ամբողջ մարդկության համար է:

Այն ատեն միայն, երբ եկած ըլլա արդեն Աստուծո թագավորությունը, Քրիստոս պիտի գա Իր փառքին մեջ, երկրորդ անգամ, դատելու «զկենդանիս և զմեռեալս» և Անոր Թագավորության «վախճան մի՛ լիցի»:





Ա. ՀԱՏԻՏՅԱՆ

ՍՈՒՐԲ ԲԱՐՍԵՂ ՀԱՅՐԱՊԵՏ ԿԵՍԱՐԱՅԻ* (329—379)

Մատենագրական վաստակը

Ա. Բարսեղ Կեսարացին, որպես Դ դարի երկրորդ հիսնամյակի ընդհանրական եկեղեցու եռամեծ վարդապետ, թողել է դավանաբանական, մեկնողական, քարոզչական, կանոնագրական, ծիսագիտական, նամակագրական, մանկավարժական և այլ բնույթի հարուստ ու բազմաժանր վաստակ:

Ա. Բարսեղ Կեսարացու մատենագրական վաստակի «մի մասը ծանոթ է հունական մատենագրության մեջ, մի մասն էլ ծանոթ է միայն լատիներեն թարգմանությամբ: Կան նաև այնպիսիներ, որոնց հարազատությունը երկրայելի է»⁴²: «Կեսարացու ոչ բոլոր գործերն են հասել մեզ»⁴³: Վերջին ուսումնասիրությունները նշում են, սակայն, որ «քարեքախտաբար Կեսարա-

ցու մատենագրական ժառանգությունը դարերի ընթացքում մեծ կորուստներ չի կրել»⁴⁴:

Բարսեղ Կեսարացու մատենագրական վաստակը ամփոփված է Migne-ի հանրաժանոթ և մեծածավալ հայրաբանական գործերի հրատարակության չորս հատորներում⁴⁵:

Բարսեղ Կեսարացու գործերը թարգմանված են Դ դարից սկսած նաև լատիներենի: Նրա «գործերից» հին թարգմանություններ, բացի հայերենից, գոյություն ունեն նաև ասորերեն, արաբերեն, վրացերեն և ղպտերեն լեզուներով» և «նորագույն թարգմանությամբ նաև ռուսերեն»⁴⁶:

Երևանի ս. Մեսրոպ Մաշտոցի անվան ձեռագրաց Մատենադարանում միայն կան «ավելի քան երկու հարյուր հին ու նոր գրչագիր մատյաններ, մերթ էական մասով, հաճախ ամբողջությամբ Կեսարացու գոր-

* Ծարունակված «Էջմիածին» ամսագրի 1977 թվականի № 5-ից:

⁴² Հ. Ս. Անասյան, Հայկական մատենագիտություն, Ե—ԺԸ դդ., հատոր Բ, Երևան, 1976, էջ 1346:

⁴³ Կ. Մ. Մուրադյան, Բարսեղ Կեսարացին և նրա «Վեցօրեան» հայ մատենագրության մեջ, Երևան, 1976, էջ 55:

⁴⁴ Johannes Quasten, patrology, vol. III, էջ 208:

⁴⁵ Migne, Patrologia graeca, Paris, 1857—1886. T. XXIX—XXX. T. I—IV.

⁴⁶ Հ. Ս. Անասյան, նույնը, էջ 1346—1347:

ծերի ընդօրինակություններն են՝ կատարված տարբեր դարերում և զանազան գրչությամբ»⁴⁷:

Ս. Բարսեղ Կեսարացու մատենագրական վաստակը սերտորեն առնչվում է նույնպես եկեղեցու ուղղափառ հավատի և Նիկիական հանգանակի պաշտպանության, արիոսականության և այլ հերետիկոսությունների դեմ մղված պայքարի հետ:

Ըստ բովանդակության կամ թեմատիկայի ու գրական ժանրի Բարսեղ Կեսարացու մատենագրական ժառանգությունը, վերջին գիտական ուսումնասիրությունների համաձայն, բաժանվում է մի քանի մասերի⁴⁸: Հայերեն մի քանի ձեռագրերի հիշատակարանները կատարում են «թեմատիկ այլ բաժանմամբ» խմբավորումներ «Կեսարացու մատենագրական ժառանգության հայտնի մասի» վերաբերյալ⁴⁹: Տես նաև Մատենադարանի ցուցակ Բ հատոր, էջ 1276—1277, ուր կան Կեսարացու գործերի այլ թեմատիկ բաժանումներ, ըստ հետևյալի.

Աղոթք
Թուղթք,
Կանոնք,
Հարցմունք,
Գիրք հարցողաց,
Հրաշագործութիւնք,
Ծառք,
Խրատք,
Ներբողք,
Մանրանկար,
Մեկնութիւն վեցօրեից,
Յաղագս ձայնից,
Լուծմունք գրոց,
Վարդապետութիւն:

Հ. Ս. Անասյանն իր «Մատենագիտության» երկրորդ հատորի մեջ ներկայացնում է թեմատիկ այլ բաժանում Կեսարացու գործերի մասին⁵⁰:

Այստեղ Կեսարացու մատենագրական վաստակը ներկայացվում է ըստ Quasten-ի ուսումնասիրության.

1. ԴԱՎԱՆԱԲԱՆԱԿԱՆ ԳՐՎԱԾՔՆԵՐ.

Կեսարացու դավանաբանական բոլոր գրվածքները ուղղված են արիոսականության դեմ: Այդ շարքից են՝

⁴⁷ Կ. Մ. Մուրադյան, նույնը, էջ 55: Տես նաև «Յուցակ Մաշտոցի անվան Մատենադարանի», Երևան, 1985, հատոր Ա, Բարսեղ Կեսարացի, էջ 1462—1463, հատոր Բ, 1970, էջ 1276—1277:

⁴⁸ Quasten, նույնը, էջ 208—236:

⁴⁹ Կ. Մ. Մուրադյան, նույնը, էջ 55:

⁵⁰ Հ. Ս. Անասյան, նույնը, էջ 1348—1388:

ա) Հակաճառություն ընդդեմ Եվնոմիոսի: Եվնոմիոսը գաղատացի էր, եպիսկոպոս և ներկայացուցիչը ծայրահեղ արիոսական մոլորության և առաջնորդը՝ «անոմեական»-արիոսամիտ մի նոր մոլորության:

Բարսեղ Կեսարացին Եվնոմիոսի դեմ գրել է երեք Հակաճառություն 363—365 թվականներին և ջախջախել նրա վտանգավոր մոլորությունը՝ պաշտպանելով Նիկիական հանգանակի ուղղափառությունը:

բ) Յաղագս սրբոյ Հոգւոյն (ճառ):

Գրվել է 375-ին՝ ի պաշտպանություն սատվածային երկու անձնավորությունների՝ Որդու և ս. Հոգու համագոյակից լինելուն Հայր Աստծու հետ: Սույն ճառը նույնպես ուղղված է արիոսականության և սաբելականության դեմ: Սաբելը լիբիացի էր, եպիսկոպոս, «հայրաշարչար» մոլորության պաշտպան և նույնպես ծայրահեղ արիոսական:

2. ԾԳՆԱՎՈՐՈՒԹՅԱՆԸ ՆՎԻՐՎԱԾ ԳՐՎԱԾՔՆԵՐ (ascetia).

Ս. Բարսեղ Կեսարացին, որպես «արեվելյան վանականության օրենսդիր և կանոնագիր», հանգամանորեն զբաղվել է նոր տիպի վանականության հաստատման գործով: Տես այս մասին «Էջմիածին» ամսագիր, 1977, մայիս, էջ 30—31: Ascetia-ն այդ նպատակով գրված 13 ճառերից բաղկացած մի ժողովածու է:

Այս ժանրի գրվածքների մեջ կարևոր նշանակություն ունի նաև Բարսեղ Կեսարացու

ա) Բարոյականության (moralia) մասին գրած կանոնախումբը, որը բաղկանում է 80 կանոններից կամ բարոյա-խրատական հրահանգներից և ուսուցումներից: Յուրաքանչյուր կանոն հաստատվում է Նոր Կտակարանից կատարված համապատասխան մեջբերումներով: Թեև այս կանոնախումբը բոլոր քրիստոնյաների համար առանձնապես է ընդհանուր բարոյական պարտավորություններ՝ ապրելու համար օրինակելի և տիպար կրոնական կյանքով, սակայն իրականության մեջ այն մի ազդեցիկ և զորեղ ազդարարություն է կամ խրատաբանություն՝ ճգնավորական կյանքին ի պաշտպանություն: Այս կանոնախումբը համարվում է հնագույն և ամենակարևոր օրենսգիրքը վանականության: Սույն օրենսգիրքը Բարսեղ Կեսարացին կազմել է Պոնտոսում, Անեսայում, Իրիս գետի ափի իր վանական առանձնության մեջ, Գրիգոր Նազիազանցու հետ միասին:

բ) Երկու վանական կանոնախմբեր կամ կանոնադրություններ:

Սույն կանոնախմբերից առաջինը բաղ-

կանում է 55 գյուղներից: Կեսարացին վանական կյանքին նվիրված այս **ընդարձակ կանոնադրությունը** գրել է իր այցելած մեծաստանների վանականների՝ իրեն ուղղած մի շարք հարցերի հիման վրա: Երկրորդը՝ **համառոտ կանոնադրությունը**, բաղկանում է 313 հոդվածներից և սահմանում է վանաբնակ կրոնական միաբանության ամենօրյա կյանքի պարտավորությունները:

Սույն կանոնադրությունները մեր ձեռագրերում անվանվում են «Հարցողաց գիրք» կամ «Հարցմունք ճգնաւորացն, պատասխանի սրբոյ Բարսէի», որովհետև բաղկանում են հարց ու պատասխաններից և կրում են «հովվական խոսակցությունների կամ գրույցների» բնույթ՝ Կեսարացու և իր հաստատած վանքերի միաբանների միջև՝ գրի առնված աղագրության ձևով:

Կեսարացու սույն երկու կանոնախմբերը հանդիսանում են մինչև այսօր հույն վանականության հաստատուն և վավերական օրենսգիրքը: Դրանք ուժեղ ազդեցություն են գործել նաև ինչպես Արևմուտքի, այնպես էլ Արևելքի վանական կյանքի կազմակերպման վրա:

3. ԴԱՍՏԻԱՐԱԿԱԿԱՆ ԳՐՎԱԾՔՆԵՐ.

Բարսեղ Կեսարացին իր մատենագրական հարուստ վաստակում լայնորեն զբաղվել է նաև անտիկ մշակույթի շրջանակներում, հեթանոսական դպրոցներում և համալսարաններում սովորող քրիստոնյա նոր սերունդի և մտավորականության դաստիարակության կարևոր հարցով: Քրիստոնյա երիտասարդությունն ու մտավորականությունը ի՞նչ մոտեցում պետք է ունենան անտիկ մշակույթային արժեքների հանդեպ:

Այս հարցի ուսումնասիրությամբ երկար ժամանակ զբաղվել է Բարսեղ Կեսարացին և գրել՝ «Առ չափահաս» վերնագրով մի մեծ ճառ կամ «Խրատ երիտասարդներին, այն մասին, թե ինչպե՞ս նրանք լավագույնս պետք է օգտվեն հեթանոս գրողների գլբովածքներից»: Սույն ճառի մեջ Կեսարացին բնութային է առնում հեթանոս շրջանակներում դաստիարակվող քրիստոնյա ուսանողության հույն անտիկ դասական մշակույթից օգտվելու հարցը: Այդ ճառը շատ կարևոր էր եկեղեցու համար, նաև սրանով էր, որ այն ցույց է տալիս եկեղեցու հայրերի և այս գործում ա. Բարսեղ Կեսարացու կարծիքն ու մոտեցումը՝ դաստիարակության այդ մասնավոր հարցում հույն հին գրականության արժեքների մասին:

Բարսեղ Կեսարացին դաստիարակության հարցում Աստվածաշնչից հետո երկրորդ տեղը հատկացնում է հին հույն մշակույթին՝ դաստիարակչական նպատակնե-

րով: Հունական հին գրողների (բանաստեղծ, պատմաբան, փիլիսոփա, հեռորդ) հոգևոր և մշակութային ժառանգության ուսումնասիրությունը Բարսեղ Կեսարացին արժեքավոր և թույլատրելի է համարում այն դեպքում միայն, երբ այն կատարվում է խելացի և խղճամիտ ընտրությամբ՝ դուրս ձգելով նրանից այն ամենը, ինչ որ կարող է վտանգավոր ու վնասակար լինել քրիստոնյա ուսանողության մտքի ու հոգու դաստիարակության համար: Այս խնդրում Կեսարացին մտահոգվում է ավելի քրիստոնյա ընթերցողների բարոյական դաստիարակության, բան նրանց հավատքի հարցով: Նա թելադրում է ուսանողներին հունական հին գրականությունից վերցնել միայն մեղրը, բայց խուսափել մեղրի տալ թաքնված թույլից: Ըստ ա. Բարսեղի, Կեսարիայի երիտասարդ քրիստոնյա սերունդը կարող է բարոյականության և առաքնության սրանչելի օրինակներ գտնել Հոմերոսի, Հեսիոդոսի, Սոլոնի, Եվրիպիդեսի, փիլիսոփաներ Սոկրատի, Արիստոտելի, Պլատոնի կյանքի և գրական վաստակի մեջ:

Քրիստոնյա երիտասարդությանն ուղղած Կեսարացու սույն ճառը գրվել է համոզումով, արտակարգ ջերմությամբ և համակրանքով դեպի հելլենիստական մշակույթն ու դաստիարակությունը: Նրա լայնամտությունը այդ հարցում շատ մեծ ազդեցություն է գործել եկեղեցու վերաբերմունքի վրա, հետագա դարերում դեպի դասական ավանդությունը: Կեսարացին խորապես գիտակից էր առավելությանը այն ուսմունքին, որ քրիստոնեական ճշմարտությունը կապում էր անցյալից ժառանգված մշակույթի հետ⁶¹:

4. ՆԵՐՐՈՂՆԵՐ ԵՎ ՔԱՐՈՉՆԵՐ.

Բարսեղ Կեսարացին իր մեծ ժամանակակիցներից տարբերվում է նրանով, որ նա չի գրել գիտականորեն որևէ մեկնություն Աստվածաշնչի գրքերի վրա: Նրա մեկնողական տաղանդն ու հմտությունը, ըստ մասնագետների, հանդես են գալիս լայն չափով նրա գրած մեքքողների և քարգների մեջ, աշխատություններ, որոնց մեջ նա լայնորեն օգտագործել է նաև հին, դասական հեռորդական արվեստի բոլոր արտահայտչական միջոցները, այդ թվում ճարտասանական, գրական հնարքը, փոխաբերությունը, բաղդատությունը, գեղեցկաբանությունը, պատկերների և պարպելիզմի պիոմները, բայց այդ ձևերին նա երբեք գերի չի դարձել:

⁶¹ Quasten, հույն, էջ 214—215:

Ներքողների և քարոզների մեջ Բարսեղ Կեսարացին հանդես է գալիս անվերապահորեն որպես հին եկեղեցական բեմքասացության ամենապայծառ ներկայացուցիչը, որը կարողանում է հռետորական արվեստի հնարքները միացնել մտածման պարզության և արտահայտչականության հըստակության հետ⁵²։ Այս բնագավառում Գրիգոր Նազիազանցին Բարսեղին համարում է «Աստվածաշունչի մեկնիչներուն մեջ ամենատաշիհը, իսկ Երազմուր զայն կնկատե բոլոր ժամանակներուն ամենեն նորը քարոզիչը»⁵³։ «Ամեն բանից տաշ Բարսեղը հանդիսանում է հոգիների բժիշկ, որը չի ցանկանում հաճելի լինել իր ունկընդիրներին, այլ ազդել նրանց գիտակցության ու խղհին»⁵⁴։

ա) Ս. Բարսեղի «Վեցօրեայք»-ը։

Կեսարացու ներքողների մեջ առանձնահատուկ տեղ է գրավում նրա ինը ճառերից բաղկացած «Վեցօրեայք»-ը, որը ըստ Օմնոց գրքի (Ա. 1—26) Արարչագործության վեց օրերի պատմությունն է՝ գրված ոչ այլաբանական մեկնությամբ, ինչպես ինքը վկայում է այդ մասին։

«Վեցօրեայք»-ը գրվել է 370 թվականին, երբ հեղինակը դեռ պարզ քահանա էր։ «Վեցօրեայք»-ի ինը ճառերը կամ ներքողները Կեսարացին արտասանել է մի շաբաթվա ընթացքում, հաճախ մի օրում՝ երկու քարոզ, առավոտյան և երեկոյան ժամերգության ընթացքում։

Կեսարացու «Վեցօրեայք»-ը մեծ համբավ է վայելել թե՛ Արևելքում և թե՛ Արևմուտքում։ Հետագայում «հունական գրականության մեջ չկա մի այլ գործ, որը իր հռետորական արվեստի գեղեցկությամբ համեմատվեր «Վեցօրեայք»-ի հետ»⁵⁵։

Սույն աշխատության մեջ Կեսարացին խոսում է Արարչագործության քրիստոնեական հասկացողությամբ մեկնության մասին՝ ի հակադրություն տիեզերքի և ստեղծագործության հին, հեթանոսական և մանիքեական բացատրությանը և ցույց է տալիս «Արարչագործության ետին» Արարիչը։ Կեսարացին պայծառ գույներով և հմտությամբ նկարում է իր վարպետ գործով, բնության գեղեցկության երփներանգ պատկերը և բացահայտում տիեզերքի հրաշալիքները՝ բնական գիտության և փիլիսոփայության զարմանահրաշ մի ցու-

ցահանդեսի մեջ⁵⁶։ Բնության հրաշալիքների մասին խոսելիս Կեսարացին իր սույն ներքողի մեջ օգտագործում է Արիստոտելի, Պլատոնի և այլ հույն փիլիսոփաների որոշ արտահայտություններն ու բացատրությունները։

«Վեցօրեայք»-ի իններորդ ճառը նվիրվել է մարդու ստեղծմանը, որպես «պատկեր Աստուծոյ»։

Կեսարացու «Վեցօրեայք»-ի բովանդակության և դրա հայերեն թարգմանության ժամանակի և այլ հանգամանքների և տպագրության մասին կխոսվի ստորև Կեսարացու գործերի «Հայերեն թարգմանությունները ու տպագրությունները» ենթավերնագրի ներքո։

բ) Ներքողներ սաղմոսների վրա։

Բարսեղ Կեսարացին 18 ներքողներ է գրել սաղմոսների վրա, որոնցից 13-ը համարվում են վավերական (1, 7, 14, 28, 29, 32, 33, 44, 45, 48, 59, 61, 114)։ Սույն ներքողները ավելի քարոյա-խրատական, դաստիարակչական-ուսուցողական (դիդակտիկ) բնույթ ունեն, քան զուտ մեկնողական-աստվածաբանական։ «Մարգարեները մի քան են ուսուցում,—ասում է Կեսարացին,—պատմական գրքերը՝ մի այլ քան, մինչ Օրենքի մեջ սովորեցվում է տարբեր բան... Սաղմոսաց գիրքը միայն իրար է բերում ինչ որ օգտակար է այդ բոլորի մեջ։ Սաղմոսաց գիրքը կանխատեսում է ապագան, վկայակոչում է անցյալը, սահմանում է կյանքի օրենքները և մեզ սովորեցնում մեր պարտականությունները»⁵⁷։ Սույն աշխատության մեջ, ըստ պատմական վկայությունների, Կեսարացին լայնորեն օգտագործել է Եվսեբիոս Կեսարացու «Մեկնությիւն սաղմոսաց» աշխատությունը։

գ) Մեկնություն Եսայի մարգարեի գրքի վրա։

Կեսարացին 374—375 թվականներին Նեո-Կեսարիայում մի շարք քարոզներ և դասախոսություններ է կարդացել Եսայի մարգարեի գրքի Ա. 1—16 համարների վրա, թեմի եպիսկոպոսական մի խորհրդակցությունում։ Սույն գրվածքը նույնպես կրում է քարոզչական, քան մեկնողական բնույթ։

դ) Այլ քարոզներ։

Կեսարացու գրչին են պատկանում նաև 23 բազմազան բնույթի այլ քարոզներ, որոնք ավելի շատ հովվական թղթերի բնույթ են կրում։ Քարոզների կենտրոնական թեման հանում քրիստոնեական հա-

⁵² Նույնը, էջ 216—217։

⁵³ Թորգոմ պատրիարք Գուշակյան, Սուրբ և տոնք, Երուսաղեմ, 1939, էջ 69։

⁵⁴ Quasten, Ույնը, էջ 216։

⁵⁵ Նույնը, էջ 217։

⁵⁶ Նույնը։

⁵⁷ Նույնը, էջ 218։

վատքի նահատակվածների վարքագրությունն է: Սույն քարոզները շոշափում են նաև քրիստոնեական առաքինությունների և պարտականությունների հարցերը, խոսում պահեցողության, աշխատասիրության, հարստության գործադրության արդար իրավունքի, եղբայրասիրության, աղքատասիրության, ինչպես նաև նախանձի, ազանության, վաշխատության, արբեցողության, բարկության և այլ հասարակական վատ արարքների և չարիքների մասին: Այս քարոզները միաժամանակ թանկագին վկայություններ և փաստաթղթեր են ժամանակի բարբերի, սովորույթների, կենցաղավարության, բարոյականության մասին:

5. ՆԱՄԱԿՆԵՐ.

Ս. Բարսեղ Կեսարացին թողել է նաև նամակագրական հարուստ և արժեքավոր ժառանգություն, որը ցույց է տալիս նրա բազմակողմանի, շնորհալի դաստիարակության գեղեցկությունն ու գրական ճաշակի հմտությունը, նրբությունը, քան նրա ներքողները: Կեսարացու նամակները իրենց ունով և արտահայտչական ձևերի բազմազանությամբ և գեղեցկությամբ համարվում են դասական նմուշները հույն եկեղեցական մատենագրության և սոփասարակ հույն դպրության: Բարսեղ Կեսարացին նամակագրական այս ժանրի և արվեստի անգերազանցելի վարպետն է⁵⁸:

Կեսարացուն վերագրվում են ավելի քան 365 նամակներ, որոնք բաժանվում են երեք մասերի.

1. 1—46 նամակներ, որոնք գրվել են 357—370 թվականներին, Կեսարացու եպիսկոպոս ձեռնադրվելուց առաջ:

2. 47—291 նամակներ, որոնք գրվել են 370—378 թվականներին, նրա եպիսկոպոսության շրջանում:

3. 291—365 նամակներ, որոնց գրության թվականները որոշել դժվար է, քանի որ այդ մասին հստակ նշումներ չկան նրա մատենագրական վաստակում:

Կեսարացու նամակների միաժամանակ անգնահատելի, արժեքավոր ու վավերական աղբյուր է հանդիսանում Դ դարի Արևելքում եկեղեցու, Կապադովկիայի Աթոռի գործունեության, եկեղեցու և պետության հարաբերությունների պատմության համար: Այդ նամակները լավագույն և ստուգագույն վկայությունն են Կեսարացու կյանքի, ժամանակի, եկեղեցական ու հովվական գործունեության, նրա ազդեցության, նրա մատենագրական վաստակի և

մանավանդ նրա մեծ անհատականության և նկարագրի ուսումնասիրության համար: Բարսեղյան նամակներն ըստ բովանդակության բաժանվում է հետևյալ մասերի.

1. Բարեկամական նամակներ:

Կեսարացին մեծ բարեկամությամբ կապված էր իր ժամանակի հոգևորական, գրական անվանի անձնավորությունների հետ: Նամակագրությամբ նրանց հետ զաղափարների, մտքերի աշխույժ փոխանակություն էր կատարում, զանազան հետաքրքիր և այժմեական հարցերի շուրջ սիրում էր նամակներ գրել և ստանալ նրանցից:

2. Հանձնարարական նամակներ:

Բարսեղ Կեսարացին միշտ պատրաստ էր օգնելու բոլորին: Նա մեծ թվով նամակներ է գրել հեթանոս բարձրաստիճանի անձնավորությունների և մեծահարուստ մարդկանց, որ պաշտպանեին թույլին և աղքատին, չճշեին ու չարհամարհեին դժբախտներին, չտոմարհարեին այրի կնոջ և որբի արդար իրավունքները: «Ես հիացել եմ եպիսկոպոսական այս նամակների ոճի գեղեցկության վրա, և Բարսեղն է, որ միշտ տանում է հաղթանակը», վկայում էին նրա հեթանոս նամակագիրները⁵⁹: Այս նամակները յուրահատուկ մի հանդիսարան էին «քրիստոնյա և հելլենիստական աշխարհի ներկայացուցիչների հանդիպմանը»⁶⁰:

3. Մխիթարության և սփոփանքի նամակներ:

Կեսարացու սույն ժանրի նամակները ուղղված են, համակրանքի, սփոփանքի և մխիթարական ամենաջերմ զգացումներով, եպիսկոպոսներին, քահանաներին, վանականներին, որոնք դժբախտությունն են ունեցել կորցնելու իրենց ծնողներին, ամուսիններին և հարազատներին, պետական և հերետիկոսական հալածանքների և նատակությունների ճանապարհին, հանուն քրիստոնեական հավատի հանդեպ իրենց ունեցած հավատարմության՝ ի պայծառություն և համրապնդումն եկեղեցու:

4. Կանոնական նամակներ:

Բարսեղ Կեսարացին քաջում կանոնական նամակներ է գրել մանավանդ իր միտքով ընտրությունից հետո եկեղեցու ծոցում վերահաստատելու համար կարգն ու կանոնը, որոնք խախտվել էին պետական հալածանքների և հերետիկոսությունների դեմ ուղղափառ եկեղեցու մղած պայքարի հետևանքով:

Սույն նամակները ուղղված են եղել և՛ Կապադովկիայի թեմի, և՛ Արևելքի մի

⁵⁸ Նույնը, էջ 220—221:

⁵⁹ Նույնը, էջ 222:

⁶⁰ Նույնը, էջ 223:

շարք եկեղեցիների եպիսկոպոսներին և վանական հաստատությունների ղեկավարներին: Բարսեղ Կեսարացու սույն նամակները կանոնական իրավունքի հեղինակություն են ունեցել ժամանակին ողջ Արևելքի եկեղեցիների և այժմ ունեն հույն օրթոդոքս եկեղեցու համար:

5. Բարոյա-խրատական, վանական բնույթի նամակներ:

Բարսեղ Կեսարացու մեծագույն մտահոգությունն է եղել բարեպաշտության, բարոյականության, կարգապահության և վանականության ոգու բարձրացումը եկեղեցու ծոցում և քրիստոնյա համայնքների մեջ, նաև աշխարհական մարդկանց շրջանակներում:

Սույն նամակների մեջ Բարսեղ Կեսարացին, որպես եկեղեցու մեծ հայր և վարդապետ, հորդորում է եպիսկոպոսներին, բահաններին և վանականներին՝ պատվով, խղճի մտքը և գիտակցությամբ կատարել իրենց վրա դրված եկեղեցական ու հոգևոր պարտականությունները, և նշում է այդ ցանկալի արդյունքներին հասնելու միջոցներն ու ճանապարհները: Կեսարացին մեծ ոգևորությամբ շեշտում է մանավանդ վանական կյանքի գեղեցկությունն ու աստվածահաճո նկարագիրը՝ ի շահ եկեղեցու պայծառության:

6. Դավանաբանական բնույթի նամակներ:

Բարսեղ Կեսարացու դավանաբանական բնույթ կրող նամակները այնքան ընդարձակ են և գրված՝ հմտությամբ, ձեռնհասությամբ, հակամատական ոգով և մեթոդով, որ դրանք համարվում են դավանաբանական ուսումնասիրություններ կամ ճառեր: Այդ նամակների մեծագույն մասը, որն ուղղված է ա. Գրիգոր Նյուսացուն՝ իր եղբորը, նվիրված է ամենասուրբ Երրորդության վարդապետության բացատրությանը, Նիկիական հանգանակի պաշտպանությանը, ընդդեմ Արիոսի, Եվնոմիոսի, Սաբելի, Ապոլինարի և մյուս հերետիկոսների մոլորությունների հերքմանը:

7. Ծիսագիտական նամակներ:

Բարսեղ Կեսարացու նամակների մեջ կարևոր տեղ են գրավում եկեղեցական ծի-

սագիտության պատմության համար նրա գրած մի շարք նամակները:

Ա. Բարսեղ Կեսարացին, ըստ ա. Գրիգոր Նագիազանցու «Դանբանական»-ի վկայության, համարվում է Կապադովկիայի եկեղեցական ծիսագիտության մեծ բարեկարգիչը: Նա եկեղեցում երգեցողության նոր մեթոդ մտցրեց: Հանրաձանոթ է հնուց ի վեր եկեղեցում «Ա. Բարսեղի պատարա-աամատույց»-ը, որը մինչև այժմ գործածվում է բյուզանդական եկեղեցիներում, Մեծ պահոց կիրակիներում (բացի Ծաղկազարդի կիրակիից), Ավագ հինգշաբթի, Ջատկի օրագալույցի, Ծննդյան օրագալույցի, Աստվածահայտնության օրագալույցի, հունվարի 1-ին, ա. Բարսեղի տոնին: Այլ օրերում բյուզանդական եկեղեցին գործածում է ա. Հովհանն Ոսկեբերանի համառոտ պատարազամատույցը⁶¹:

Բարսեղ Կեսարացին, որպես եկեղեցու մեծ հայր և մեծ մարդասեր, լայն թղթակցություն է ունեցել իր ժամանակին Արևելքի և Արևմտքի եկեղեցական ու քաղաքական մեծ գործիչների հետ:

Կեսարացու այս բնույթի նամակները համարվում են ամենավալերական և առաջնակարգ աղբյուրներն ու փաստաթղթերը 370—380 թվականներին Եկեղեցու և պետության, Արևելքի և Արևմտքի հարաբերությունների, Եկեղեցու և կայսրության պատմության, եկեղեցու՝ հերետիկոսության դեմ մղած պայքարի տարեգրության համար: Արժեքավոր են ա. Բարսեղի և Հովհանն Ուրացու կայսրի միջև փոխանակված նամակները (361—363):

Կեսարացին նշում է, որ ինքը նամակագրական կանոնավոր կապ է պահել Պիսիդիայի, Լակոնիայի, Իսալիայի, Փյունիկի, Հայաստանի, Մակեդոնիայի, Աքաիայի, Իլլարիայի, Գաղղիայի, Իսպանիայի, Իտալիայի, Սիկիլիայի, Աֆրիկայի, Եգիպտոսի, Սիրիայի եկեղեցիների հետ⁶²:

Ա. Բարսեղ Կեսարացու գործերի հայերեն թարգմանության և տպագրության մասին կխոսվի հաջորդ համարում:

(Ծարմանակից)

⁶¹ Նույնը, էջ 226—227:

⁶² Նույնը, էջ 220—226:



ՍԱՄՎԵԼ ԳԵՎՈՐԳՅԱՆ

Մ Ա Յ Ր Տ Ա Ճ Ա Ր Ի Ն

Ո՛վ Մար տաճար, դու հայության օրորան,
Պանդուխտ ու մոտ հոգիների հանգրվան.
Փոթորիկներն անվերջ անցան քո գլխով,
Սակայն հոգիդ արևոտ է, անխտով:

Դարերի մեջ՝ դարեր ապրող սրտի բոց,
Սուրբ հավատի դու անխորտակ մեր ամբոց:

Ողջ աշխարհի դու հայության հոգու լույս,
Բյուր սրտեր են ալսօր քեզ հետ կապում
հույս,

Չի խավարի փառքդ երբեք աշխարհում,
Լեռներիդ պես հավերժ ես դու, անկոտրում:

Դարերի մեջ՝ դարեր ապրող սրտի բոց,
Սուրբ հավատի դու անխորտակ մեր ամբոց:

Հավատացյալ հոգիների լույս վարար,
Անմահության ճամփաներով մեզ տարար.
Խաղաղության, դու բարության հոգու տուն,
Դու հալ ազգի հավերժության ոսկե սյուն:

Դարերի մեջ՝ դարեր ապրող սրտի բոց,
Սուրբ հավատի դու անխորտակ մեր ամբոց:

ՄԱՅՐ ՏԱԾԱՐԻՆ

ՆՈՍԷ ԵՆ ԵՐԱԺԵՏՈՒԹՅՈՒՆ
ՍՈՐԵՆ ԳԵՆՈՐԳՅԱՆԻ

ՄԷ ՄԷՅԻ ՏԿ - ՏԿԻ ԶՈՒ ԶԿ - ՅՈՒ -

ԹՅԿԵ Օ - ՐՈՒ -

ՐԿԵ ՊԿԵ - ԶՈՒՄՏ ՈՒ ՄՈՏ

ԶՈՒ - ԳԻ - ՆԵ - ՐԻ ԶԿԵ -

ԳԸՐ - ԿԵ ՓՈՒ - ԹՈՒ - ՐԻԿ -

ՆԵՐՆ ԿԵ - ԿԵՐԵ ԿԵ - ՅԿԵ

ԹՈՒ ԳԸԼ - ԽՈՒԼ ՍԿ - ԿԿՅԵ ԶՈՒ -


ԳԻԴ Կ - ՐԵ - ԿՈՏ 5

ԿԵ - ԽԸ - ՐՈՒԼ ԶԿ - ՐԵ - ՐԻ - ՄԵԼ

ԶԿ - ՐԵՐ ԿԳ - ՐՈՐԶ ՍԸՐ - ՏԻ ՔՈԹ

ՍՈՒՐԲ ԶԿ - ԿԿ - ՏԻ ԶՈՒ ԿԵ - ԽՈՐ -

ՏԿԿ ՄԵՐ ԿՍ - ՐՈԹ:



ԷԿՈՒՄԵՆԻԿ

ԿՅԱՆՔ

ԽՈՐՀՐԴԱԿՑԱԿԱՆ ՀԱՆԴԻՊՈՒՄ

Սույն թվականի ապրիլի 18—27-ը Տաիլանդի Չիանգ Մայ քաղաքում եկեղեցիների համաշխարհային խորհրդի «Դիպլոմալ կրոնների և գաղափարախոսությունների պատկանող մարդկանց հետ» բաժնի նախաձեռնությամբ տեղի է ունեցել աստվածաբանական մի խորհրդակցություն: Խորհրդակցության նպատակն է եղել, 1975 թվականի նոյեմբերին Նայրոբիում գումարված ԵՀԽ-ի 5-րդ համաժողովում քննարկված մեկ որոշման համաձայն, մշակել տարբեր կրոնների և գաղափարախոսությունների ներկայացուցիչների հետ կազմակերպվելիք դիպլոմների զարգացման ծրագիրը 5—6 տարիների համար և ճշտել այդ ուղղությամբ տարվելիք աշխատանքի նիւթերը:

Սույն հանդիպմանը մասնակցել են հիսունույթ պաշտոնական ներկայացուցիչներ՝ բաժնի տարբեր երկրներից, յոթ պատասխանատու աշխատակիցներ՝ ԵՀԽ-ի ժնկի կենտրոնից, այդ թվում՝ դոկտ. Սամարթան, դոկտ. Լուկաս Վիշերը և դոկտ. Թեյլորը, ինչպես նաև տասնմեկ հյուր-դիտորդներ:

Խորհրդակցական այս հանդիպմանը Մայր Աթոռ ս. Էջմիածինը և Հայաստանյայց առաքելական եկեղեցին ներկայացրել է Գերագույն հոգևոր խորհրդի անդամ և Երուսաղեմի հայոց պատրիարքական

Աթոռի դիվանապետ տ. Ծառ արքեպիսկոպոս Աճեմյանը:

Չիանգ Մայ քաղաքի հանդիպմանը մասնակցել են նաև ԵՀԽ-ի անդամ քաղմաթիվ եկեղեցիներ ներկայացնող աստվածաբաններ, սոցիոլոգներ և քաղաքական կրոնների դասախոսներ:

Խորհրդակցության նշանաբանն է եղել՝ «Դիպլոմ համայնքների միջև»: Հանդիպման աշխատանքները տարվել են երկու ուղղությամբ՝ տեսական և գործնական: Տեսական աշխատանքներում քննարկվել են «Դիպլոմ» և «Համայնք» հասկացությունները այսօրվա աշխարհի զանազան իրադրությունների առաջացրած հարցերի լույսի տակ: Այս առիթով շեշտվել է, որ «միատարր համայնքները հետզհետե պակասում են, և համայնքային կյանքը, մանավանդ մեծ քաղաքներում, հատկանշվում է իր պաշտպանությամբ: Հասարակությունն այս քաղաքներում քաղկացած է կրոնական, մշակութային, գաղափարախոսական տարբեր դասախարակություն ունեցող մարդկանցից, որոնք համերաշխ համայնքներ կազմելու հարկադրանքի տակ ճանապարհներ են որոնում միմյանց հասկանալու և մեկ ամբողջական համայնք կազմելու»:

Ուսումնասիրված հարցերի մեջ ամենայն կարևորությամբ քննության են առնվել

կրոն, մշակույթ, համայնք հասկացությունները և ինքնության գիտակցությունը, մանավանդ այն մարդկանց մեջ, որոնք զանազան պատճառներով ստիպված են եղել տեղափոխվել իրենց բնիկ միջավայրից և որոնք փորձում են իրենց նոր միջավայրում կղզիացած չմնալ, այլ պատկանել տվյալ միջավայրի համայնքին՝ առանց սակայն կորցնելու իրենց ազգային ինքնությունը:

Խորհրդակցության ընթացքում Ասիայի և Աֆրիկայի ներկայացուցիչները առանձին կարևորությամբ շեշտել են անհրաժեշտությունը եկեղեցու ազգային առաքելության, մանավանդ տվյալ եկեղեցուն պատկանող ժողովրդի մշակութային հարստության պահպանման ճանապարհով:

Տեսական երկրորդ հարցը, որին հատուկ ուշադրություն է ընծայվել, դիպլոմի և միսիոնարության հարաբերության հարցն է եղել: Արևմտյան եկեղեցիների մի շարք ներկայացուցիչների կողմից արտահայտվել է այն տեսակետը, թե եկեղեցու հիմնական առաքելությունը ոչ թե այլ կրոնների և գաղափարախոսությունների հետ գոյակցություն հաստատելն է, այլ Ավետարանի տարածումը և ժողովուրդների քրիստոնեացումը: Ըստ նրանց, դիպլոմը չի կարող լինել ավետարանչական մի միջոց՝ վկայելու քրիստոնեական ճշմարտությունը:

Այս հարցի շուրջ տեղի է ունեցել մտքերի լայն փոխանակություն, և բանաձևվել են եզրակացություններ:

Խորհրդակցությունը զբաղվել է նաև սինկրետիզմի հարցով: Նկատի է առնվել հավանական այն վտանգը, որ ներկայացնում է ուրիշ կրոնների հետ դիպլոմի մեջ մտնելը, մի հանգամանք, որի հետևանքով

կարող է ստեղծվել ընտրողական մի նոր կրոն այլ կրոնների սրբազան գրականության ընտրելագույն գաղափարների օգտագործումով:

Այնուհետև խորհրդակցությունում քննության են առնվել մի շարք գործնական հարցեր: Ժողովականները բաժանվել են աշխատանքային չորս խմբերի, որտեղ ուսումնասիրության առարկա են դարձել հետևյալ հարցերը.

ա. Քրիստոնյա-հրեա-իսլամ հարաբերություններ.

բ. Քրիստոնյա-հինդու-բուդդայական հարաբերություններ.


գ. Քրիստոնեական մոտեցում հին կրոնների և մշակույթների.

դ. Դիպլոմի զարգացում գաղափարախոսությունների մասին:

Վերոհիշյալ չորս խմբերում տարված աշխատանքի հիմնական նպատակն է եղել այս չորս բնույթի դիպլոմների միջոցով «մարդկանց միջև հաստատել ավելի խոր փոխմրցում, սոցիալական խաղաղ կյանք՝ հիմնված փոխադարձ հարգանքի և քրիստոնեական սիրո սկզբունքների վրա»:

Խորհրդակցության ամբողջ ընթացքում շեշտվել է քրիստոնյաների միության անհրաժեշտությունը՝ էլ ավելի արդյունավետ դարձնելու համար դիպլոմն այլ կրոնների հետ և տալու առավել ամբողջական վկայությունը քրիստոնեական ճշմարտության:

Տ. Ծահե արքեպիսկոպոսն իր գործուն մասնակցությունն է բերել սույն խորհրդակցությանը և ի մասնավորի «քրիստոնյա-հրեա-իսլամ հարաբերություններ» խմբի աշխատանքներին:





ԲՈՎԱՆԴԱԿՈՒԹՅՈՒՆ

ԽՄԲԱԳՐԱԿԱՆ—Հուստորող հեռանկարներ	3
Մեծի Տանն Կիլիկիո Աթոռի արտակից-կաթողիկոսի ընտրություն (Այս անգամ Մայր Աթոռի և Ալեքիմասի Աթոռի միջև փոխանակված պաշտոնական գրություններ)	10
Վեհափառ Հայրապետի այցելությունը Հայկական ՍՍՀ Միմիստրների տոկոսի մեծամարդ նախագահ տիար Ֆ. Տ. Սարգսյանին	21
Հայորդյագրություն	22
Կրոնական գործիչների համաշխարհային համաժողով՝ նվիրված կայուն խաղաղության, զինաթափման և ժողովուրդների միջև արդար հարաբերությունների հաստատմանը	24
Ամենայն Հայոց Հայրապետը Մոսկվայում	32
Հայորդյագրություն	34
Հոր և որդու դատապարտելի արարքը	36
Ծանուցում	37
ՄԱՅՐ ԱԹՈՌՈՒՄ—Եկեղեցական բն. լուրեր	38
Քառանկյան ձեռնադրություն Մայր տաճարում	41
Ամալիքի հանդիսություն հոգևոր ճանապարհում	45
ԾԱՀԵ ԱՐՔԵՊԻՍԿՈՊՈՍ ԱԾԵՄՅԱՆ—Փրկության հղացքը—ուղղափառ մոտեցումով	48
Ա. ՀԱՏԻՏՅԱՆ—Սուրբ Բարսեղ Հայրապետ Կեսարացի	54
ՍԱՄՎԵԼ ԳԵՎՈՐԳՅԱՆ—Մայր տաճարին (Խոսք և երաժշտություն)	60
ԷԿՈՒՄԵՆԻԿ ԿՅԱՆ-Թ—Խորհրդակցական հանդիպում	62



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱՇԻՆ

«ԷՋՄԻԱՇԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine, Arménie, URSS

Հանձնված է արտատրության 16.6.1977 թ.: Ստորագրված է տպագրության 26.7.1977 թ.:
Տպագրական 4 մամուլ + 1 ներդիր, թուղթ 60×84¹/₈, սլաովեր 464:

Մայր Աթոռ և Էջմիածնի տպարան, 1977 թ.